





24 5671 R







Wunderbarlich

vnnd Seltsame Historien

Vyl Eulenspiegels / eines Bawren

Son/bärtig auß dem Land zu Brannschweig

Newlich auß Sächsischer Sprach / auff gut

hoch deutsch/verdeutschet/sehr

kurzweilig/mit schön

nen Figuren.



Gedruckt zu Francsfurde

am Mayn/durch Weyß

14 GAND Hans 83

Handwritten text in a Gothic script, likely a title or header, appearing as a mirror image.


Handwritten text in a Gothic script, appearing as a mirror image.

Handwritten text in a Gothic script, appearing as a mirror image.

Handwritten text in a Gothic script, appearing as a mirror image.

Handwritten text in a Gothic script, appearing as a mirror image.

Handwritten text in a Gothic script, appearing as a mirror image.



Handwritten text in a Gothic script, appearing as a mirror image.

Handwritten text in a Gothic script, appearing as a mirror image.

Handwritten text in a Gothic script, appearing as a mirror image.

Vorrede.

Man Zälet nach
der Geburt Christi / M.
CCCC. lxxxij. Bin ich durch etlich

Personen vnd gute ganner geberens
worden / die Historien vñ seltsame schalcks list-
ge bossen Tyl Eulenspiegels etns Dawen Son /
zusamen zubringen / vnd zu beschreiben / welchs
ich nit wol füglich hab können abschlagen. Die
weil denn menschlich natur vnd wesen / auß frölk
them gesprech / offt vnd viel bewegt wirdt / das
trawrigkeit / Frandheit / hasz vnd neid wirdt ge-
milteert / vnd vergessen / hab ich so viel mit mög-
lich / verfasset / Nicht in meinung / das man dar
ausz bösz / sonder allein dz bösz zu vermeiden leen
auch sich vor listigen menschen deß basz könn hñ
ten. Denn jetz leider sonst alle Welt Vntrew
vnd boszheit voll ist / Verhoff derhal-
ben / ein jeder werde sich selber inn
dem fall / wol Können hierinn
richten / vnd disz mein
schreiben zu dem
besten auff-
nemen.

3 8 De

Die Erste History.
Wie Tyl Eulenspiegel geboren/ vnd
zu dreien malen getaufft ward.



Es ist im Landt zu
Sachsen/ im wald Selb
gelegen/ ein dorff genant Anetlin
gen/ da ward das fromb Kinde
Eulenspiegel geboren/ des Vaters
hieß Claus Eulenspiegel/ sein Mutter Anna
Weibeckin/ vnd da sie des Kinds genasz/ schick
ten sie es zu der Tauff/ ins Dorff Amplen/ da
bey ein Schloß genannt Amplen/ erbawet/ vnd
von den Magdenburgischen/ neben anderer mit
hilff/ für ein Raubhausz vertilget ward/ vnd
liessen

lieffen es nennen Tyl Eulenspiegel/ Nach gescheh
ner Tauff aber da die alten Mütterlin sich hetten
als in Sommers zeit/ an der weiten reiß erhitzt/
vnnnd darüber mit tauben träncken miltiglich er
kält/ denn da zumal gewonheit was/ das man ds
Kind bald nach der tauff in ein Bierhaus trug/
auff das sich die Gefattern auch erfreuten/ Kam
die zeit/ das man sich mit dem Kind Tyl Eulen
spiegel widerumb an heim gefüget. Wiewol nun
die Wehmutter/ so das Kind trug/ vnderwegen
in angst vnd not kam/ wenn die von einem hohen
steg hart vnd inn grossen gefahr fiel/ darüber sie
gieng vnnnd vngewiß getretten hat. Jedoch wie
man auch sagt/ das vnfrant nicht bald verdürbt/
geschahe dem Kindt kein leid/ allein das sichs im
Kot vbel besudelt hatte/ da halff man ihnen bald
widerumb auß dē schlam/. Also ward Eulenspie
gel eines tags drey mal getaufft/ erstlich nach ge
meiner ordnung/ darnach in der Pfügen/ vnd zu
letzt in warmem wasser/ Vnd war das erste zeich
en/ des grossen vnfalls/ so das Kindt/ wie es her
nach beschrieben/ im ganzen lebē gwarten muß.
Den vntrew schlug auch etwan sein eigen Herrn.

Die ij. History.

Wie alle Bawen vnnnd Bewrin vber den jungen
Eulenspiegel klagten /vnd wie er auff ei
nem Pferd hinder seinem Vatter
saz/ vnd stillschweigend die
Leut in Arsz ließ
sehen.

A ij Als

Wunderbarliche Historien/



DEs bald nun Eulenspiegel auß dem Staub
erzogen / vnd gehen kund / macht er sich vn
der die jungen Kinder / vn mustert sich weid
lich auff dem Gras / wenn er auch nit we
nig / hinden vnd vorn ein gestützten Affen gleich
sah: Da er aber vier Jar alt was / name er zu /
won tag zu tag / In der Hüberey / das auch der
Vatter teglichen oberlauffen warde / von den
Nachbar leuten / die vber Eulenspiegel klagten /
wie er ein böser vn Sinniger schalck wer.

Au wiewol der Vatter Eulenspiegel deshal
ben mit vielen worten strafft / vnd Eulen
spiegel sich als oft schalckhafftig verantwortet.
Jedoch das er der Vatter der warheit bey kom
men möcht / gdwacht er Eulenspiegel auff ein zett /
so die baurn auff die gassen versamlet wern / hind
sich

sich auff's Pferd zu setzen vnd hinfür zureißen:
 Da nun die zeit kam/ gebot er das Eulenspiegel
 still vñ züchtig hinder im solt sitzen/ Wz erdacht
 aber Eulenspiegel das gehorsam Kind: Er hebr
 senberlich auff das hembd vor dem Arsz vñ liez
 die Bauren sich in ein newen Spiegel besehn/
 vnd setz sich wider stillschweigend nider/ da hu-
 ben die Leut vber Eulenspiegel zu schreien/ pfuy
 des Kleinen bösen schalcks/ noch wußt der gut vat-
 ter nicht wie das zu gieng/wenn sich Eulenspie-
 gel als bald gegen dē vater beklagt/ vnd sprach/
 Höre lieber Vater/ du sichst/ dz ich stillschweigend
 sitz/ vnd nimand etwas args thu/ noch sagen die
 Leut ich sey ein schalck. Der Vatter besanne sich
 nicht lang/ vnd setz sein lieben son für sich. Aber
 Eulenspiegel dieweil er vor dem Vater nichts an-
 ders thun mocht/ sperret er doch das maul auff/
 mit außgreckter zungen/ da lieffē die leut vñ sag-
 ten/ seht doch zu/ wie ein junger schalck ist dz/ der
 gut einfeltige Vatter kundt kein schuld vermer-
 cken/ vnd sagte/ Du bist je lieber son in einer vn-
 glückseligen stund geboren/ vnd het in also lieb/
 das er sich in dz Magdeburgisch Land/ auff die
 Sal/ danō sein weib war/ bgab/ starb auch bald
 darnach/ vnd verliefz weib vnd Kind in merck-
 licher armut. Eulenspiegel aber/ wiewol er kein
 Handwerck kundt/ vnd bey Sechsehen ja-
 ren alt/ so was er doch fertig vnd
 gehbt in der Gauck-
 lerey.

Wunderbarliche Historien/

Die ij. History.

Wie Eulenspiegels Vatter von Anetlingen hin
weg zohē an das wasser/die Saal genant/
Vnd wie sein Son Eulenspiegel
auff dem Seil lernet
gehen.



SAd wie man sagt/wen die Katz auß dem
hausz ist/so haben die Meusz ein gewun
nen spiel. Also geschahs nach Eulenspie
gels Vatters tod. Nach dem die Mutter
als ein alt/siech/ vnd krank Weib / sie des Eu
lenspiegels auch nicht mechtig was / begundt er
ausz müßiggang / fürwitz vnd spitzbüberey vben
vnd zulernen / den als sein muter wont im hausz /
des

des Hof an das wasser die Saal gieng/ vnd trug
 grosse sorg/ von wegen des Eulenspiegels/ von
 dem sie also schwach kein thorheit mit leidē noch
 dulden wolt/ Aber Eulenspiegel macht sich auff
 den Boden des Hauses/ vnd lernt auff dem Seil
 gehen/ so lang/ bisz er eins mals von der Mutter
 mit ein starckē Knüttel auff dem Seil ergriffen/
 vnd durch ein Fenster auffs Dach/ da sie in nicht
 erreichen kundt/ versagt wurde/ das must er lei-
 den so lang/ bisz er ihr entwuchs/ vnd nu seines
 alters vnd der Mutter schwachheit halben gar
 kein sorg mehr hett/ auch in ver stolner weiß ein
 guten theil auff dem Seil zu gehen erlernet / ge-
 dacht drauff sein geschickligkeit öffentlich zu be-
 weisen/ vnd zoh das Seil vom hinder hausz vber
 die Saal/ band das an ein ander hausz dargegen
 vber/ Da der gemein pöfel jung vnd alt/ solch vn-
 gewönlich spiel vernam/ ward ein grosz gdrang
 vmb das Seil/ vnd verwunderten sich hoch/ das
 Eulenspiegel so gewisz vnd prechtig auff dem seil
 hertrat/ vnd sich sehen liesz/ Aber glück/ das sel-
 ten etwas in lautern freunden zergehn leset/ warff
 des leides samen vnder diese ding/ damit die mut-
 ter von dem grossen geschrey des isen ward/ vnd
 damit sie iren Son nach vermögen/ als mit listē
 darumb straffen möcht/ schleich sie in das hinder
 hausz/ vnd schneid das seil enzwey. Da pfump-
 fet der gute Meister Eulenspiegel mitten inn die
 Saal/ mit grossen spot/ vnd badet sehr wol/ erst
 hub sich von alln ein grosz gelechter/ dz verdrosz
 Eulenspiegeln so sehr dz er kein wort reden kundt/

Wunderbarliche Historien/

vnd acht des gefehrlichen badens nit als sehr/
als des gspöts der alten vnd jungen/die jm nach
lieffen/vnd di bad segneten / aber Eulenspiegel
gedacht gar fleissig/wie er das gspöt widerumb
vergelten känd/ also was nun dem gute Eulen-
spiegel sein erst meisterstück vbel gerathen.

Die iiii. History.

Wie Eulenspiegel den jungen Knaben bey zwey
hundert die Schuh abredet/vnd macht
das sie einander rauffren.



Nach wolt Eulenspiegel sein schaden
des badens rechen/ vnd zog das seil vñ
ein andern hausz ober die saal/ verwe-
net die Leut/wie er aber auff dem Seil
geh

gehn wolt/das Volck samlet sich bald dazu/jung
 vnd alt/ vnd Eulenspiegel sprach zu den jungen
 das sie im reichthē ein jeglicher sein lincckē schuch/
 er wolt inē ein häbsches stück auff dem Seil weiß
 fen/mit den Schuhen/die Jungen glaubten das
 vnd zohen die Schuch auß/vnd gaben sie Eulen
 spiegeln/der waren bey zwey schock/das ist zwey
 mal sechzig/die zohē er an ein schnur/ vnd steig
 damit auff das seil/da sahen die Alten vnd Jun
 gen dem Eulenspiegel zu/vnd meinten/er wolte
 etwas nōtlichs damit thun/ Nun waren die jun
 gen ein theil betrābt/ wenn sie ihr Schuch gerne
 hetten wider gehabt. Als nun Eulenspiegel auff
 dem seil saß/ vnd verbracht sein spiegelstechten/
 da ruffet er auff dem Seil/mentlich neme war/
 vnd ein jeglicher suche seinen Schuch wider/vnd
 schneid damit das Seil entzwey/ vnd warff die
 Schuch auff die Erden/dz je ein Schuh vber den
 andern porzlet / vnd sich gar vermengten/ Da
 drungen sich die alten vnd jungen hinzu/vnd er
 wāschet einer hie ein schuh / der ander dort/die
 ser sprach der ist mein/jener sprach/du leugst/er
 ist mein/vnd fielen also einander in das har/vnd
 begunten einander zu schlagen/der ein lag vnden
 der ander oben/der ein schrey/der ander weynt/
 der dritt lacht/das weret also lang/das die alten
 auch backenreich theilten. Aber Eulenspiegel
 lachet auff dem seil/das in der bauch erschuttert/
 vñ rieß/he he/nu sucht die schuh/wie ich gestern
 auß dem bad must/vnd belettet ward/ vñ lieff al
 so von dem Seil/ ließ sich die Jungen vnd Alten
 vber

Wunderbarliche Historien/

uber den Schuhen rauffen vnd schlagen / vnd dorfft vor den jungen vnd alten nicht herfür kommen / sasz also im Hausz bey seiner Mutter / vnd plezt Helmstörtische Schuh / Des ward sein Mutter ganz erfrewet / vnd meinet / so er begündt zu arbeiten / sein sach solt gut werden / sie wist aber nit von seiner verbrachten schalckheit / darumb er nicht dorfft vor das Hausz gehn noch riechen.

Die v. History.

Wie Eulenspiegels Mutter ihn vnderweisen wolt / das er ein Handwerck lernen solt.



Die Mutter was fro / die Son so still war / vnd straffet ihn / das er kein handwerck wolt lernē. Da schwege er

ge er ganz still / vnd die Mutter ließ nit nach zu straffen. Da sagt Eulenspiegel / liebe Mutter / warzu sich einer begibt / des wird im sein lebrtag gnug. Da sagt die Mutter / Ich laß mich wol beduncken / denn ich hab in vier wochen kein brodt in meinem Hausz gesehen noch gehabt. Eulenspiegel sprach / Das dient nit auff meine red. Jedoch ein arm Mann der nichts zuessen hat / fastet wol mit S. Nicolausen / vnd wenn er etwas hat / so iszt er wol mit S. Martinus abendt / also essen wir auch.

Die vj. History.

Wie Eulenspiegel einen Brodbecke betrog / vmb einen Sack mit brods zu Stassfurt.



Wunderbarliche Historien!

Ach lieber Got hilff/gdacht Eulenspiegel/
wie wil ich meine Mutter stillen/ Wo sol
ich Brod vberkomen/ vnd sie versorgen/
vnd gieng auß dem Flecken/darinn seine
Mutter wonet/gen Straßfurt in die Stat/ vnd
vermercket daselbs eins Brodbeckens handlung/
gieng zu im vnd sprach/ob er seinem herren wolt
fenden für sehen schilling brodt/ vnd nennet den
herren / der auch zu strassfurt in derselben stadt
sein solt/vnd nant ein herberg/darin er wer/ da
rauff der becker ein Knaben mit im schicken solt/
inn die herberg/ da wolt er ihm das gelt geben/
der Beck sagt ja/vnd Eulenspiegel her ein sack/
der hat ein verborgens Loch/vnd ließ ihm das
Brod in denselbigen sack zelen. Nun sandt der
Becker ein jungen mit ihm/ das Gelt zu empfan-
gen / als nun Eulenspiegel ein Ambrost schuß
von des beckers hausz kam/ließ er ein weißbrod
auß dem holtz loch falln in den Kat/ setz den sack
nider/vnd sprach zu dem jungen/Ach/das besu-
delt brodt darff ich für meinen Herrn nicht brin-
gen/ lieber lauff bald mit dem Brodt widerumb
an heim/ vnnnd bringe mir ein ander Brodt da-
für/ich wil deiner hie warten/der gute jung lief
baldt hin / vnnnd holt ein ander Brodt / diewe-
was Eulenspiegel verschwunden/den er war von
der Stadt inn ein Hausz geschlichen/ da was ein
Berner auß seinem Flecken/darauff leget Eule-
spiegel seinen Sack/ gieng darneben/ vnd war
in seiner mutter hausz gefurt/vnd da der mit dem
brod wider ka/vnd Eulenspiegel hinweg ware

steff der Jung wider zu rück / vnnnd sagt das dem
Brodbeckter / der gieng zu der Herberg / die ihm
Eulenspiegel genennet hatt / darinn fand er nie-
mands / sonder sahe das er betrogen was. Eulen-
spiegel kam zu Hausz / brachte der Mutter das
Brod vnd sprach / Seh hin vnd isz / dieweil du
etwas hast / vnd fast mit Sanct Nicolausen / wess
du nichts mehr haben wirst.

Die vij. History.

Wie Eulenspiegel das Weck oder Semel
brodt mit andern jungen vbermacht
essen must / vnd darzu ge-
schlagen ward.



Wunderbarliche Historien/

Un ware in dem Flecken/darinn Eulen Spiegel mit seiner Mutter wonet/gewonheit/Welcher Hauszwiert ein Saw abnam/ zu dem giengen des Nachbawren Kinder ins Hausz/ vnd assen da ein Suppen oder ein Brey/das hieß das weckbrod. In wonet ein Meyer im selben Flecken/ der w3 Farg an setner Kost / vnd dorffte doch den Kindern das Weckbrodt nicht versagen / vnd erdachte einen sinn/ wie er sie des weckbrods müde wolt machen/ vñ schiet in ein mölcken Fat/von fetten rinden des Brodts. Als die Kinder kamen/ als Knaben und Töchterlein/ vnd Eulenspiegel anch mit was/ lies er sie ein vnd schloß die Thür zu/begoss die suppen oder das weckbrodt / vnd der Ruben waren vil mehr/denn die Kinder möchten aufessen/ so nu eins darvon gieng/vnd voll was/war der Bawr vorhanden/vnd het ein gute ruten/schlug sie vmb die lenden/ das ein jeglicher vber macht essen must/vñ der Hauszwiert wist wol von Eulenspiegels Büberey/also/dz er auff in acht het/wen er einen andern vmb die Lenden hiew/ so traffe er Eulenspiegel noch bass / das trieb er so lang / bisz sie die Mucken des Weckbrodts garmusten auff essen / denen bekam das so wol/ als den Hunden das Gras / darnach wolt keiner mehr gehen inn des Fargen Mans Hausz / das Weckbrodt zu essen.

Die viij. History.

Wie Eulenspiegel macht/ das des Fargen Bawren Hüner das Luder zohen.



Adem andern tag/da der man außgieng
 der die kind er betrogen hett/begegnet im
 Eulenspiegel/ vnd er fragt in/ lieber Eu-
 lenspiegel/ wenn wiltu zu mir kommen/
 auff das Weckbrod: Ja sagt Eulenspiegel/ wenn
 sich deine Hünen vmb das Luder stehen/ je vter
 vnd vter vmb ein bitten brods/da sprach er/ ja/
 so wilt du langsam kommen. Da sprach Eulen-
 spiegel/ ob ich aber eh kem denn der feiszen Sup-
 pen zeit wer/ vnd gieng darmit für sich/ vnd ge-
 dacht daran so lang/ bisz er die zeit hette/ vnd
 eben desselbigen Manns Hünen auff der Gassen
 giengen/ da hat Eulenspiegel bey zwenzig sadē/
 je zwen in der mitte zusammen gebunden/ vnd an
 iegliches ende des Fadens ein bitten Brodts/

B vnd

Wunderbarkliche Historien/

vnd warff es den Hünern alle mit einander für?
Als nu die Hünern hie vnd dort schluckten die bis-
sen Brods in die Heltz / kundten sie die doch nit
einschlingen / denn an dem andern end zohe dar-
an ein ander Hun / also / dz je eins das ander hin-
dersich ruckt / vnd kundte Keins das Brod hinab
schlucken / noch daruon widrumb ledig werden /
von der größz des bitten brods / stunden als mehr
denn dreissig Hünern / je eins gegen dem andern /
vnd huben sich an zu würgen.

Die ix. History.

Wie Eulenspiegel in einen Hynstock Troch / vnd
zwen Dieb bey nacht kamen / denselben zu
steln / vnd wie er macht das sich
die zwen rauffeten / vnd
liessen den Stock
fallen.

Diff ein zeit begab sichs / das Eulenspiegel
mit seiner Mutter gieng in ein Dorff / auff
die Kirchweihe / vnd als sich nun der gut
Eulenspiegel voll gefoffen / vnd sucht sein
end / da er sicher vnd frölich schlaffen möcht. Also
saw er hinten in dem hof ein hauffen byn stehn /
dabey lagen vil stöck / der zu nebst bey den bynen
lag / vnd meint er wolt ein wenig schlaffen / vnd
schlieff von mittag an / bisz das es schier Mitter-
nacht ward / vnd sein Mutter die meinet / er wer
widrumb heim gangen / da sie in niergend Kunde
sehen.



sehen. Nun kamen in derselben nacht zwen Dieb
 vnd wolten ein Bynstock stelen/vñ sprachen zu
 samen/ wie sie allwegen gehört hetten / welcher
 der schwerest Bynstock ist/ der ist der best/ also hu
 ben sie die Körb vnd stöck auff / je einen nach de
 andern / vnd da sie kamen zu dem / darinnen Eu
 lenspiegel lag / der war der schwerest / da sprach
 en sie dz ist der best / vnd namen in auff je helff
 vnd trugen in von dannen / in dem erwacht Eu
 lenspiegel / hört je anschleg / vnd es war gantz fin
 ster / das einer den andern kaum sehen mocht / al
 so greiff Eulenspiegel auß dem stock / den forder
 sten ins har / vñ gab im ein guten rupff / der war
 de zornig auff den hindersten / meint er hett in al
 so bey dem har gezogen / vnd ward im fluchē / der
 hinderst sprach / traumt dir os gehstu im schlaff /
 B ij wie

Wunderbarliche Historien.

wie soll ich dich bey dem Har rupffen / mag ich doch kaum den Bynstock mit beyden Henden halten. Eulenspiegel lacher heimlich / vnd gedacht / das spiel wil sich recht stellen / vnd verhart / bisz sie ein Ackerleng weiter giengen / da gab er dem hindersten auch ein guten rupff / dz er sich rümpffte / der ward noch zorniger / vñ sprach / ich trage das mir der halß kracht / du sprichst / ich zieh dich bey dem har / vnd du zehest mich bey dem har / das mir die schwart kracht. Der forderst sprach / das leugstu du schalck / wie solt ich dich bey dem Har ziehen / ich kan doch kaum den weg vor mir gesehen / weisz auch dz fürwar / du zeugst mich bey dem Har. Sie trugen den Stock mit gezend. Nicht lang darnach / da sie am gröste zand waren / zeuht Eulenspiegel dē fördersten nachmals bey dem har / das er den kopff hart an den bynen stock stieß / vñ schlug dem hindersten finsterling mit dē feusten nach dem kopff / der hinderst verließ auch den stock / vñ fiel dē fördern ins har / also dz sie vber einander fielen / vnd je einer verließ den andern / wußt keiner wo der ander war / vnd kamen also von einander in der finster / ließen dē Bynē stock also ligen. Da Eulenspiegel horte / dz sie beide hinweg warē / schayet er auß dem korb / vnd sahe / das es noch finster war / blieb dartin ligen / vñ schlieff bisz es heller tag ward / da kroch er auß dē Binstock / vñ wiste nicht wo er war / jedoch gieng er einem weg nach / kame zu einer Burg / darinn verdinget er sich / für einen Hofjungen.

Tyl Eulenspiegels. 11

Die v. History.

Wie Eulenspiegel sich für einen Hoffjungen ver
dingt/ vnd vom Herren geleret ward/ auff
das Kraut Zanff wo das wer/ zuscheis
sen/da scheis; er in Senff/
denn er meint Zanff
vnnnd Senff
were ein
ding.



Wald darnach kam Eulenspiegel auff ein
Burg zu einem Junckern/ vnnnd gab sich
auff für ein Hoffjunge/ Nun must er als
baldt mit seinem Junckern thetten ober
Seldt/ vnnnd bey dem wege stundt ein Kraut das
heisset mann im Landt zu Sachssen Zenep/da
D iij sprach

Wunderbarliche Historien/

Sprach sein Juncfer/Anecht/Sihestu dz Kraut
das hie steht / das heisset Senep / Eulenspiegel
sprach ja/das sehe ich wol. Da sprach der Juncfer
er/wo du darzu komest/so scheiße drein/ den mit
dem Kraut bindt vnnnd hende man die Reuber/
vnnnd die sich on Herren dienst auß dem Sattel
erhehn/ Eulenspiegel sagt/ ja/ dz ist wol gthan.
Der Edelma oder Juncfer rheit mit Eulenspie-
gel hin vnd her in viel Stedt/ der halff stiel/rau-
ben vnd nemen/als sein gwonheit was. Nun be-
gab sich eins tags/dz sie zu hausz waren/vnd
lagen still. Als ma nun essen solt/geht Eulenspie-
gel in die Küchen / da sprach der Koch zu ihm/
Junger geh hin in Keller/da steht ein jedener ha-
fen/darinn ist Senff/ den bring mir her/Eulen-
spiegel sprach ja/vñ het sein lebenlang kein senff
gsehen / vnd da er in dem Keller dē hafsen mit dē
Senff sand/gdacht er/Was mag oder wred der
Koch mit dē Senff thun wölln/ich mein er wöll
mich damit bindē/gdacht auch weiter/ mein Jū-
cker hat mir ja befohlen/ wo ich solches Krauts
find/da soll ich drein scheissen/setzt sich vber den
Hafen/scheiße drein/vñ bracht in dem Koch/wz
geschah/der Koch gedacht niergend an/richt et
lends inn ein schüssel den Senff/vnd schickt es zu
tisch/der Juncfer vñ sein Gest tuncften in senff
er schmactt ganz vbel/der Koch ward beschickt
wz er vor Senff gmacht het: Er kostet auch den
senff/spett auß vñ sprach/ō senff schmeckt gleich
als wer drein gschissen/vñ als Eulenspiegel dar
über schmeißt/sprach der Juncfer/wz lachest du
Weinstu

Meinstu das wir nicht schmecken was das sey/
wiltu es nicht glaubē/ so kom̄ vnd koste es auch.
Eulenspiegel sprach/ich isz sein nicht/wisset ihe
nicht was ir mich gheissen habt auff der strassen
wo ich das Kraut sehe/ da solt ich darauff schei-
fen/man pflaget die Mörder vñnd Rauber das
mit zu henccken/des halbē da mich der Koch in Kel-
ler nach dem Sennf schickt/hab ich daren gehan
nach ewerem heissen.

Da sprach der Juncker/du arger schalck vñ
Böswicht/das Kraut das ich dir gezeigt hab/
dz heiszt Senep oder hanff/vñ das dich der Koch
bringen hiesz/das heiszt sennf/harr ich wil dich
das Kraut lernen kennen/da was Eulenspiegel
behend/entlieff im/vnd kam nicht wider.

Die xj. History.

Wie Eulenspiegel die gebratenen Sünner vom
Spisz ass.

EIn Dorff ligt in dem Land zu Braun-
schweig/in dē stift zu Magdenburg/ge-
heissen Bundenstet/dahin kam Eulenspie-
gel in des Pfaffen hause/der Pfaff dingt
in für ein Knecht/ aber er kant in nit/vnd sprach
zu im/er solt gut tag/vnd ein guten dienst bey im
haben/essen vñnd trincken/das best/als gut als
sein Kellerin/vnd alles dz so er thū mäszt thet er
mit halber arbeit/Eulenspiegel sprach ja darzu/
er wolte sich wol darnach richten/vñnd sehe das
die Pfaffen Kellerin nur ein ang het/die nā gleich
zwey Sünner/vnd steckt sie an dē spiesz zu brate/

B iij hiesz

Wunderbarliche Historien/



hieß Eulenspiegel nider sitzen vñ sie braten/Eu-
lenspiegel was bereit/wand die hünere vmb/vnd
da sie nun schier gebraten waren/gdacht er/der
pfaff sprach im verdingen/ich solt essen vnd trin-
cken als gut als er vnd sein Kellerin/das möchte
an disen hünern fehlen/vnd würden des Pfaffen
wort nit war sein/wo ich auch von den Hünern
nicht isz/ich will aber so weiß sein/auff dz seine
wort war bleiben/brach also das ein von dem
spieß/vnd aß es on brod. Da es nun essens zett
wolt werden/Kompt des pfaffen Kellerin/die wz
eineugig/zum feur/vnd wolt die hünere betreu-
fen/so sieht sie dz nur ein Hun am Spieß wz/sagt
zu Eulenspiegel/der Hünere waren doch zwey/
wo hin ist das ein Hun Kommen? Eulenspiegel
sprach/ Fraw thut ewer ander Aug auch auff/
so sehe

So seht jr die Himer beid/ vnd da er der Kellerin
 das ein Aug verweisz/ ward sie zornig auff Eulenspiegel/ vnd lieff zum Pfaffen / vnd sprach zu
 im/ wie sein hübscher Knecht sie verspottet hette/
 mit irem einen Aug/ vnd so sie besahe wie er bris
 te findet sie nur ein Hun / der Pfaff gieng in die
 Küche/ vnd sprach/ Eulenspiegel warumb hast
 du meiner Magd gespot / vnd sihe wol das nur
 ein Hun am Spisz stecket/ seind jr doch zwey ge
 wesz/ Eulenspiegel sprach/ ja / jr sein zwey ge
 wesen. Der Pfaff sprach / wo ist denn das ander
 blieben: Eulenspiegel sagt / das steckt doch da/
 thut ewer beide Augen auff/ so sehet jr wol/ das
 ein Hun am Spisz stecket / also sagt ich zu ewer
 Kellerin/ da ward sie zornig/ der Pfaff lacht vnd
 sprach/ das kan mein Magd nicht/ das sie beida
 Augen auffthu/ denn sie hat nur eins/ Eulenspie
 gel sprach/ Ey das sagt ihr / ich sags nicht/ der
 Pfaff sagt / das ist geschehen vnnnd bleib dabey/
 aber das ein Hun ist hinweg/ Eulenspiegel sagt
 ja/ das ein ist hinweg/ ich habe es gessen/ als ihr
 denn gsprochen habt/ ich solt es so gut essen vnd
 trincken/ als ihr vnd ewer magd/ so war mit leid
 das ihr gelogen hetten / wenn ihr die Himer alle
 beide solten on mich verzehret haben/ auff das jr
 nun nicht zum Lügner würden / als ich das ein
 Hun gar auff / der Pfaff war zu seiden / vnnnd
 sprach/ mein lieber Knecht/ es ist mit vmb ein ge
 braten Hun zu thun / aber thu forthin nach dem
 willen meiner Kellerin/ Eulenspiegel sprach/ ja
 lieber Herr/ was ihr mich heisset / darnach was

Wunderbarliche Historien/

die Kellerin Eulenspiegel hieß thun/das thet er
halben theils/wenn er solte ein Eimer mit Was
ser holen/so bracht er ein halben/vnnd wenn er
zwey hölzer solt holen an das Fewr/so bracht er
eins/solt er dem Stier zwey gebundt Hews ge
ben/so gab er ihm nur eins/vnd dergleichen in
vielen stücken/also/das sie merckt/das er solchs
zu wider driesz that/vnd wolt ihn doch nicht da
rumb anreden/verklagt ihn aber vor dem Pfaff
/da sprache der Pfaff/ Eulenspiegel lieber
Knecht/mein Magt klagt vber dich/vnd ich ba
te dich doch/das du thun sollest alles dz sie gern
sehe/ia Herr sagt Eulenspiegel/ich hab auch an
ders nit gethan denn wie jr mich geheissen habt/
jr sagten/ich möcht ewer ding mit halber arbeit
verrichten/ewr Magd sehe gern mit beiden Aug
gen/vnd sihet doch nur mit einem Aug/des hal
be arbeit/der Pfaff ward lachen/die Kellerin/
ward zornig vnd sprach/ Herr/wenn jr de lecke
rischen Schalck wöllen lenger bhalten/so wil ich
von euch lauffen. Also mustz d Pfaff dem Eulen
spiegel vrlaub geben/doch so halff er im weiter/
denn der Meszner des selben Dorff war kürz
lich todt/vnd nach dem die Bawren
keines Meszners kundten entbe
ren/macher der Pfaff/
das sie Eulen
spiegeln an
namen.

Die vij. History.

Wie Eulenspiegel ein Meszner wardt inn
einem Dorff / zu Budenstedt / vnd
der Pfarrherr in die Kir-
chen scheißt.



ALs nun Eulenspiegel im Dorff Meszner
war / kundt er nicht singen / als ein Mesz-
ner zu gehört. Als nu der Pfaff eins mals
vor dem Altar stund / thet sich an / vñ wolt
Mesz halten / da stund Eulenspiegel hinder jm /
vñ schärzet jm auff dz Meszgwand / da liesz der
Pfaff ein grossen furz / das es vber die Kirch er-
schall / Da sprach Eulenspiegel / Here / wie ist
dem / opffert ihr das vnserem Herren für Weh-
rauch hie vor dem Altar: Der Pfarrer sprach /
was

Wunderbarliche Historien/

was fragstu darnach? ist doch die Kirch mein/
ich hab macht / das ich möcht mitten in die Kir-
chen scheissen/ Eulenspiegel sprach / dz gelte mir
vnd euch ein thunnen Biers / ob ihr dz thut. Ja
sprach der Pfaff es gilt wol/ vnd werten mit ein-
ander/ Meinstu saget der Pfaff / ich sey nicht so
frisch/ Eert sich damit vmb/ vnd scheisset ein gros-
sen hauffen in die Kirchen/ vnd sprach/ sihe Herr
Custor/ ich hab die Thunn Biers gewonnen.


Eulenspiegel sprach/ nein Herr/ wir wollen
es messen / ob es mitten inn der Kirchen sey/
als ihr denn saget / also maß es Eulenspiegel/
da fehlet es weit der mitte in der Kirchen/ damit
gewan Eulenspiegel die thunn Biers.

Nun ward die Kellerin aber zornig / vnd
sprach / ihr wöllet des schalckhaffrigen Knechts
nicht müßig gehen / bisz er euch inn alle schande
bringet.

Die viij. History.

Wie Eulenspiegel in der Ostermetten ein
Spiel macht / das sich der Pfarrherr
vnd sein Kellerin mit
den Bawren
schlugen.

Des sich nu nahet dē Ostern/ da sprach
der Pfarrherr zu Eulenspiegeln dem
Kirchner / es ist ein gewonheit hie / das
die Bawrn allwegen zu Ostern inn der
nacht ein Spiel machen/ weñ vnser Herr erstanden
ist



ist auß dem grab/darzu mußt du helfen/wen es
 wer recht/das die kirchner das zu rüsteren/Eu-
 lenspiegel gedacht/wie sol das Marten spiel zu-
 gehn mit den Bawren/vnd sprach zu dem Pfar-
 herr/nun ist doch kein Bawer hie/ der da geleert
 ist/ihr müßet mir ewer Magd zu leihen/die kan
 wol schreiben vnd lesen. Der Pfartherr sprach ja
 nimb darzu wer dir helfen kan / auch so ist mein
 Magd vor mehr darbey gewesen. Es war der
 Kellerin lieb/ sie wolt der Engel sein im Grab/
 denn sie kundt denselben reimen außwendig. Da
 suchet Eulenspiegel zwen Bawren/vnd nam sie
 zu im/die wolten drey Marten sein/vnd Eulen-
 spiegel lernt den einen Bawrn zu Latein seinen
 reimen/vnd der Pfartherr war vnser Herr gott/
 der solt auß dem Grab erstehen/da nun Eulen-
 spiege

Wunderbarliche Historien/

spiegel für das grab k̄ mit seinen Bawern/ als
denn die Marien angelegt warn/ sprach die Kell-
lerin: Quem queritis: wen suchet jr hie: Da saget
der Bawr/ die förderst Maria/ als in Eulenspie-
gel gelernt het. Wir suchen ein alt einengig Pfaf-
fenhur. Da sie das h̄ret/ das sie verspottet war
mit irem einen aug/ ward sie zornig vber Eulen-
spiegeln/ vnd sprang auß dem Grab/ vnd meinte
sie wolt in in das Angesicht fallen/ mit den Feu-
ern schlug vngewiß/ vnd traff den einen Baw-
ren das in das Aug geschwall/ da der ander Ba-
wer das gesah/ schlug er auch dar/ vnd traff die
Kellerin für den Kopff/ das jr die flügel auff die
Erde fielen. Da dz der Pfarrherr sahe/ ließ er die
Fahn fallen/ vnd kam seiner Kellerin zu hilff/ vñ
fiel dem einen Bawrn ins har/ vnd zogen sich für
das Grab hinden/ da das die andern Bawrn sa-
hen/ lieffen hinzu/ vnd ward ein grosses gschrey/
der Pfaff lag mit der Kellerin vnden/ denn ob/
jetzt die Bawren vnden/ denn oben / das sie die
andern Bawrn musten vñ einander ziehen/ aber
Eulenspiegel hette der sach war genomen / vnd
thet sich zeitlich darnon/ vnd lieff zu der Kirchen
hinauß/ Gott geb wo sie ein andern Burchner ne-
men.

Die viiiij. History.

Wie Eulenspiegel sich außgab/ das er
zu Magdenburg von der
Lauben stiegen
wolt.

2289



WISO bald nach dieser zett / als Eulenspie-
 gel ein Meszner war gewesen / k̄ er ghen
 Magdenburg vnd trieb viel anschleg / da
 non sein Nam von erst bekant ward / das
 man von Eulenspiegeln wiſt zu sagen / vñ ward
 angfochten von den fürnemsten der Bürger vñ
 der Stadt / das er etwas adentawriges treiben
 solt / da sagt er / er wolt es thuy / auff dem Rath-
 hausz / vnd von der Lauben herab stiegen / mach-
 et ein geschrey in der Stadt / das sich Jung vnd
 alt säleten auff den marcēt / vñ wolten es sehen.

Also stund Eulenspiegel auff der lauben vor
 dem Rathhausz / vnd beweger sich mit den Ar-
 men / gleich als ob er fliegen wolt / die leut die
 stunden / theten ihre Augen vñnd Meuler auff /
 vñ meinten er wolt stiegen. Eulenspijgl lacht vnd
 sprach /

Wunderbarliche Historien/

Sprach/ Ich meint es wer kein Tor oder Nar in der Welt mehr/denn ich/so sihe ich wol./das hier schier die ganze stadt vol Toren ist/vnd wenn ic mit all sagten/ds ir fliegen k nd/ich glaubs nit/ich bin doch weder ein Gans noch Vogel/so hab ich nit fl gel / vnd on federn k n niemand flieg n nu sehet ir offenbar / das erlogen ist/ vnnnd lieff also v  der lauben/ lieff des volcks ein theil stuchen/ds ander lachen/ vnnnd sprachen/das ist ein Schalksnarr/dennoch hat er war gesagt.

Die xv. History.

Wie sich Eulenspiegel f r ein arzt aufszgab/vnnd des Bischoffs von Magdenburg Doctor arzneiet/der von ihm betrogen ward.



Der Magdenburg war ein Bischoff der hieß
 Bruno/ ein Graue von Querffurt / der hort
 die anschleg von Eulenspiegel/ vnd ließ ihn
 ferdern zum Greuestein. Dem Bischoff gfiel
 der Eulenspiegels schwencf ganz wol / gab ihm
 Fleider vnd gelt / vnd die diener mochten ihn fast
 leiden. Also hett der Bischoff ein Doctor bey im/
 der daucht sich gar geleert sein/ ihm was des Bi-
 schoffs Hofgesind nicht gänstig/ vnd derselb Do-
 ctor het ein weiß an ihm/ das er nicht gern Torn
 ymb sich leiden mocht / derhalben sprach er zum
 Bischoff vnd seinen Kethen/ man solt weise leut
 an der Herrn Höf halten/ vnd nicht solche Nar-
 ren/ durch mancherley vrsach willen/ Die Ritter
 vnd das Hofgesind sprachen dazu / das wer gar
 nicht ein recht meinung von dem Doctor/ wer sei-
 ne Torheit nicht sehen möchte / der köndte wol
 von ihm gehen/ were doch niemands zu ihm ge-
 zwungen. Der Doctor sprach dawider/ Narr bey
 narren/ vnd weise bey weisen/ hetten die Fürsten
 weise leut bey in/ so wirdt alles fürsichtig gehan-
 delt/ vnd so sie Narren bey in halten/ so leren sie
 narrey/ da sagten etlich / wer sind den die wei-
 sen/ man findt jr wol die von Narren sind btrogen
 worden/ es zimpt sich wol Fürsten Herrn/ Narren
 vnd allerley volck's an iren Höfen zu halten/ denn
 mit Torn vertreiben sie mancherley fantasey. Al-
 so kamen die Hofleut zu Eulenspiegel/ vnd batern
 ihn/ das er ein sinn erdeckt / sie wolten ihm dar-
 zu helfen/ des gleichen der Bischoff/ auff das der
 doctor in weißheit zum narren möcht werden/ als

Wunderbarliche Historien/

er denn gehört hett/ Eulenspiegel sprach ja/ ic ed-
len vnnnd Ritter / wenn ihr mit dartzu wolt helf-
fen/ der Doctor solt bald bezalt werden/ sie wurde
der sach eins. Also zoge Eulenspiegel vier woch-
en vber feld / vnnnd bedacht sich wie er mit dem
Doctor wolte leben / er was aber bald erinnert/
vnnnd kame wider zum Greuestein/ verkleidet sich/
vnnnd gab sich auß für ein Arzt/ wenn der Doctor
bey dem Bischoff was offft siech im Leib. Da sag-
ten die Ritter dem Doctor/ wie das ein Doctor/
hoch berümpft/ in der arzney/ wer kommen / der
Doctor kant aber Eulenspiegel nicht / gienge zu
im in sein Herberg/ vnnnd nach wenig worten nam
er in mit im auff das Schloß/ kamen mit einäder
zu worten/ vnnnd sprach der Doctor zu dem Arzt.
Wänd er ihm helfen von der franckheit/ so wolt
er im wol lohnen / Eulenspiegel antwort im mit
worten / als die Arzte pflegen / vnnnd gab für/
wie das er ein nacht bey im ligen müst/ auff dz er
dester basz mercken möcht / warauff er geneiget
were/ wenn er ihm gern vor/ ehe er sich legte/ ein
Puluer eingeben wolt / das er dauon schwitzte/
vnnnd im schweiß / sagt Eulenspiegel / wil ich
mercken was ewer gebrechen ist. Der Doctor liesz
im sagen/ vñ meinet es were alles war/ gienge al-
so mit Eulenspiegel zu Beth. Also gabe Eulens-
piegel dē Doctor ein scharpffe purgat/ der mei-
nere er solt dauon schwitzen/ wußt aber nicht das
es ein scharpffe Purgat was. Eulenspiegel
vberkame ein hollen Stein / vnnnd thet ein hauf-
fen seines kants darein/ vnnnd legt den hollen Stein
mit

mit dem dreck zwischen der Wand vnd dem Doctor auff das behtbret/ vnd Eulenspiegel lage vorenen im beht/ der Doctor hert sich gegen der wand gefert/ da stanck im der Dreck vnder die Augen/ der in dem hollen Stein lag/ das er sich vmbwenden must/ vnuud so baldt er sich zu Eulenspiegel feret/ liefs der Eulenspiegel einen stillschweigen den furtz/ der fast vbel stäck/ da feret sich der Doctor wider hinumb/ so stancke denn der dreck in dē hollen Stein noch viel vbler /das thet er dem doctor schier die halbe nacht. Darnach kam die Purgaz/ vnd treib scharff/ schnell vnd stark/ das sich der Doctor ganz vnrein macht/ vnd stancke fast vbel/ da sprache Eulenspiegel zum Doctor / wie nu wirdiger Doctor/ ewer schweiß hat lang vbel gestunden/ wie kompt es/ das jr solchen schweiß schwitzt/ er stinckē zumal vbel: Der doctor lag vñ gedacht/ das schmecke ich gar wol/ vnd was des geschmacks voll worden / das er kaum reden kundt/ Eulenspiegel sprach / lieget nur still/ ich wil gehn vnd ein Licht holen/ das ich sehen kan wie es ein gestalt vmb euch hat/ in dē als sich Eulenspiegel auffricht / da liefs er noch ein starcken scheiß schleichen/ vnd sprach/ O weh ich werde auch schwach/ das hab ich von ewer krankheit. Der Doctor lag vnuud was so krank/ das er sein Haupt kaum kundt auffrichten/ vnd dancket gott das der Arzt vonn ihm kam / vnuud er ein wenig Luft haben mocht / denn wenn der Doctor in der nacht auff wolt stehen / so hielt in Eulenspiegel das er nicht auff mocht kōmen / vñ sprach/ er

E ij solte

Wunderbarliche Historien/

solte vor gnug schwitzen/da nu Eulenspiegel auff
stund/vnd gieng von der Kammern/vnd lieff hin
weg/in dem ward es tag/da sah der Doctor den
hohen Stein an der Wand stehn mit dem Dreck/
vnd er was so krank / das sein Angesicht von
gestand gesudelt was. Als nun die Reuter vnd
Hofleut des Doctors war namen/vnd boten ihm
ein guten morgen / da redt schwewlich der gute
Doctor / vnd kundte inen nicht wol antworten/
vnd leget sich in den Saal auff ein Band. Da
holten die Hofleut den Bischoff darzu/vnd frage
ten in/wie es im gungen wer mit dem Arzt / der
Doctor sprach/ich bin vberladen gewesen mit ei
nem schalck/ ich meinete es wer ein Doctor in der
Arzney/so ist er Doctor in der leckerey/vnd sagt
es inen alles/wie es im ergangen wer/Da sienge
an der Bischoff vnd alle Hofleut sehr zu lachen/
vnd sprachen/es ist ganz geschehen nach eweren
worten. Ir sagten nun/man solt sich nit mit nar
ren bekammern/wenn der Weisest wird Töricht
bey Toren/aber jr sehen/das einer wol durch nar
ren weisz wird gemacht/ denn der Arzt was Eu
lenspiegel/den habt jr gar nit gekant/ vnd habet
im glauben geben/ von dem seid jr betrogen wor
den/aber wir/die sein Narrerey annemen/kand
ten ihn wol/wir wolten euch aber nicht warnen/
nach dem als jr so weisz wolt sein. Nun ist nie
mand so weisz/er solt Toren kennen / vnd wenn
niemand kein Narr wer/ wo bey wolt man den
Weisen kennen? Also Schweige der Doctor still/
vnd klaget sich nicht mehr.

Die viij. History.

Wie Eulenspiegel zu Peine in einem Dorff
ein Franck Kindt scheissen
macht.



Runstliche bewerte Arzney Scheuhet man
sich zu zeiten vmb eins Kleinen Gelts wil
len/ vnd man musz den Landleuffer offte
noch so viel geben/ also geschah auch et
wan in dem Stiffte Hildesheim/ dahin kam auch
Eulenspiegel in ein Herberg / da was der Wiert
nicht daheim/ vnd Eulenspiegel was da wol bes
kant/ die Wiertin het ein Franck Kindt / da fras
get Eulenspiegel die Wiertin / was es für ein
Franckheit het. Die Wiertin sprach/ das Kindt

C iij Fan

Wunderbarliche Historien/

Kan nicht zu Stul gehen / dem ist gut zu helfen/
sprach Eulenspiegel/die Fray sagt/hülff er jm/
sie wolt jm geben was er wolt/Eulenspiegel sagt
dafür nem er nichts es wer jm ein leicht Kunst/ru
het ein Klein weil/es sol bald geschehen. Nun het
die Fray im Dorff etwas zuthun/ vnd gieng also
ins Dorff/dieweil scheiß Eulenspiegel einen gros
sen hauffen an die Wandt/ setzet bald des Kinds
Stül in darüber/ vnd setz das Kind drauff. Die
Fray kam wider auß dem Dorff/ sahe das Kind
auff dem Stül in sitzen/ vnd sprach / ach wer hat
das gethan? Eulenspiegel sprach/ ich habe es ge
than / Ir sagten das Kindt köndt nicht zu Stul
gehn/ so hab ich es drauff gesetzt/ da ward sie ge
war was vnder dem Stül in lag/ vnd sagt/ sehet
zu / das hat dem Kindt in dem Leibe gebrosten/
des habt immer danck/ das ir dem Kindt gehol
fen hat/ Eulenspiegel saget/ der Artzney Kan ich
viel machen mit der hilff GOTTes/ die fray bath
freundlich/das er sie die Kunst auch lernen wolt/
sie wolt jm geben was er wolt/ da sagt Eulenspie
gel/wie er wegfertig wer/ so er aber wider kam/
wolt er sie es lernen/ vnd setzet sein Pferdt/ rheit
auff Rosental zu/ fert doch wider vmb/ reit ghen
Peinen zu/ vnd wolt rheiten gen Zell/ da stunden
die nackenden Spitzbuben vor der Burg / vnd
fragten Eulenspiegel vonn wannen er daher ke
me/Eulenspiegel sprach/ ich komm von Baldin
gen/ er sahe wol das sie nicht viel an ihm hetten/
sie sprachen/hör doch / wo kommest du her? von
Baldingen? was entbeut vnns denn der Winter?
Eulenspie

Eulenspiegel sprach / der wil euch nichts entbie-
ren / sonder selber ansprechen / eheit also von dan-
nen daher / vnd ließ die nackenden buben stehen.

Die xvij. History.

Wie Eulenspiegel die Kranken in ein Spittal
auff ein Tag ohn Arzney ge-
sund macht.



Auff ein zeit kame Eulenspiegel gen Nirm-
berg / vnd schlug grosz brieff an die Kirch-
thüren / gab sich außs für ein guten Arzter /
zu aller Kranckheit. Nun ware ein grosse
zal Krancker Menschen im neuen Spittal / vnd
der Krancken Menschen were der Spittelmeister
gören eines theils losz vnd ledig gewesen / vnd
hett ihn gesundthet wol mögen gönnen / gieng

Wunderbarliche Historien/

zu Eulenspiegel dem Arzt/ vnd fragt in nach sel-
nen Brieffen/die er angeschlagen het. Ob er den
Krancken auch helfen könd/ Eulenspiegel sprach
ja wenn er im zwey hundert Gilden wolt geben/
der Spittelmeister sagt im das gelt zu / so ferr er
den Krancken hülff/ Also verwilliget sich Eulens-
piegel des/wo er den Krancken nicht recht hülff/
so solt er im nicht ein Pfening geben/ das gefiel
dem Spittelmeister wol/ vnd gab ihm Zwenzig
Gilden darauff. Also gieng Eulenspiegel in den
Spittel/vnd nam zwen knecht mit im/vnd fragt
die Krancken/ein jeglichen was im gebrech/vnd
zuletzt/wenn er von einem Krancken gieng/so be-
schwur er in/vnd sprach/was ich dir offenbaren
wird/das soltu niemands entdecken/das sagten
die Siechen Eulenspiegel zu/ drauff sager er ein
jeglichen besonder also / sol ich nu euch Krancken
zur gesundheit helfen/vnd auff die füsz bringen/
das ist mir vnmöglich/ich verbrest denn ewer ein
zu puluer/ vnd geb dz den andern in Leib zutrin-
cken/das musz ich thun/drumb welcher der Kren-
ckest vnder euch allen ist/vnd nit gehn mag/ den
wil ich zu Puluer brennen/ auff das ich den ande-
ren mög helfen/ so werd ich den Spittelmeister
nennen/sür die Thür des Spittels gehen / vnd
mit lauter stimm rüffen/welcher nicht krank ist/
der Komm heraufz/das verschlasse du nicht/ also
sprach er zu jeglichem in sonderheit/ denn der let-
ste musz die Zech bezalen. Solcher sach nam ein
jeglicher acht/vnd auff den gemelten tag da eile-
ten sie mit den Arhcken vnd lammen Beinen / als
Feuer

Feiner dor lestt wolt sein/ da nu Eulenspiegel nach
 seinem anzeigen rufft/ da begundren sie von statt
 lauffen/ das der Spittal ganz lehe ward/ da be-
 gert er sein lohn/ der im zu grossen danck gereicht
 ward/ da reit er hinweg. Aber in dreien tagen ka-
 men die Francken all herwider/ vnd beflagten sich
 ihrer Franckheit / da sprach der Spittelmeister/
 wie gehet es doch zu/ er hett ihn doch den grossen
 Meister zubracht/ der in geholffen het/ ds sie al-
 le darnon selber gangen weren/ da sagten sie dem
 Spittelmeister/ wie er ihn gedrawet hette / wels-
 cher der lestt zu der thür hinausz wer/ so er ruf-
 fet/ den wolt er verbrennen zu puluer. Da merckte
 der spittelmeister/ das er betrogen was/ aber der
 Arzt was hinweg/ also blieben die Francken wi-
 der im Spittal/ vnd war das Gelt verlorn.


Die viij. History.

Wie Eulenspiegel Brodt kauffet / nach sprich-
 wort/ als man sagt/ wer Brodt hat/
 dem gibt man Brodt.

Erew gibt brodt / da nun Eulenspiegel
 den Doctor also het betrogen. Kam er dar
 nach ghen Halberstat / gieng auff dem
 Marckt vmb / vnd sahe das es kalt vnd
 Winter was/ gdacht er/ der Winter ist kalt vnd
 hart/ vnd weht der wind starck dazu/ du hast offe
 gehört/ wer Brod hat/ dem gibt man Brod/ vñ
 kaufft für zwen schilling Brod/ borgt ein Tisch/
 setzet in für den Thumb zu S. Steffan/ vnd hielt


C v sein

Wunderbarliche Historien/



sein gauckerey so lang/das ein Hund kam/nam
ein brod vom tisch/lieff dem Thumbhof zu/ Als
Eulenspiegel dem Hund nach lieff/kam ein saw/
mit zehen iungen ferklin/stieß den tisch vñ/ vñd
ergreiff jeglichs ein brod/lieff damit hinweg/ da
ward Eulenspiegel lachen vñd sprach. Nun sihe
ich offenbar/das die wort falsch sindt/ als mann
spricht/wer brodt hab/dem geb man brodt/vñd
das ward mir genomen/vñd sagt weiter/O Hal
berstadt/Halberstadt/der nam vonn der Dann/
dein Bier vñd Kost schmeckt wol/aber dein pfen
ning Seckel sind von Sewleder gemacht/
vñd zohe also wider ghen
Braunschweig.

Die xiv. History.
Wie Eulenspiegel zu Braunschweig
sich verdinget zu einem
Brodbecken.



Nun Eulenspiegel ghen Braunschweig
kam zu der Beckerstuben/wonet ein be-
cker nah dabey/der rufft im in sein hausz
vnd fragt in/was er für ein Gesell weez
Er sprach ich bin ein Beckerknecht.

Der Brodbecker sprach/ich hab sekunde eben
keinen knecht mehr/wiltu mir dienen? Eulenspie-
gel sager ja. Als er nun zwen tag bey im gewesen
was/hiezz in der Becker bachen auff den abend/
denn er kund im nit helfen bisz an den morgen/
Eulenspiegel sprach ja/ was sol ich aber bachen?
Der

Wunderbarliche Historien/

Der Beck war ein schimpflich man/was doch zornig/vnd sprach in spott/bistu ein Beckertnecht/vnd fragst erst was du Bachen solt: was pflegt man zu Bachen. Eulen oder Meerfazen: vnnnd gieng damit schlaffen. Da gieng Eulenspiegel in die Bachstuben / vnnnd machet den Teig zu etlichen Eulen vnd Meerfazen/vnd buch die.

Da der Meister des morgens auffstund / vnnnd wolt ihm helfen / vnd gehet in die Bachstuben/so findet er weder Semel noch Wecken/sonder etliche Eulen vnd Meerfazen/da ward der Meister zornig vnnnd sprach/Hilff Herr Gott/was hastu gebachen: Eulenspiegel sprach/was ihe mich geheissen habt. Der Beck sprach/was sol ich nu mit der narrerey thun: solchs Brodt ist mir niergema zu nutz / vnnnd ergreiff ihn bey dem halz / vnnnd sprach/bezale mir den Teig. Eulenspiegel sprach ja / wenn ich euch den Teig bezale / soll denn die Wahr mein sein / die dauon gebachen ist. Der Meister sprach/was frag ich nach solcher wahr/also bezalt er im sein Teig/vnd nam die gebachen Eulen vnd Meerfazen in ein Korb/trug sie in die Herberg zu dem Wilden Mann/vnd gedaucht in im selber/ du hast offte ghört/man künd nichts so selts ghen Braunschweig bringen/ man löst gelt drausz/ vnd was an der zeit/das am andern abent S. Niclaus abentd w: / also stund Eulenspiegel vor der kirchen mit seiner kauffmäschaft/vnd verkaufft die Eulen vnd meerfazen all/vnd löset viel mehr gelt darausz/denn er dem Becken für den Teig geben hatt. Das ward dem Becken

Funde

Funde
den
spie
der



und
es a

h soe
e ch/
fleg
vnd
el in
ettel

Fundt gethan/den verdross es/vnnd lieff für Se
Niclausen Kirchen/vnd wolt ihn anforderen für
den Kosten/die ding zu bachen. Da was Eulens
piegel erst hinweg mit dem Gelt/da hat der Bo
cker das nachsehen.

Die xv. History.

Wie Eulenspiegel in dem Mondschein das
Mehl in den Hof beutelt.



Den
ulen
daz/
vnd
cken
cken
vnd:

Eulenspiegel wandert in dem Land umb/
vnd kam ghen Vlsen/ da was er aber ein
Beckerknecht/ als er nun bey einem Meis
ter waz/ da richter der meister zu bachen/
vnd solt Eulenspiegel beuteln in der Nacht/ das
es auff den morgen fröh fertig wer/ Eulenspiegel
sprach/

Wunderbarliche Historien/

Sprach/Meister / ihe solt mir ein Liecht geben/
das ich sehe zum Beutelen/ Der Meister saget zu
im/ich geb dir kein Liecht/ ich hab meinen knech-
ten zu dieser zeit nie kein Liecht geben/ sie müssen
mir in dem monschein beuteln/also must du auch
thun. Eulenspiegel sprach/ haben sie denn also
hin gebeutelt/so wil ich es auch thun/ Der Mei-
ster gieng schlaffen / vnd wolte ein bar stunden
schlaffen/ dieweil nimpt Eulenspiegel den Beu-
tel/richtet ihn zum Fenster auß/ vnd beutelt das
mehl in den hof/da der Mon her schein/ als dem
schein nach. Als nun der Becker auffstandt/ vnd
wolt backen / stundt Eulenspiegel vnd Beuteler
noch / da sah der Beck dz Eulenspiegel das mehl
in Hof beutelt / der was ganz weiß von Mehl/
sprach der Meister/ Was den Teuffel was mach
stu hie: hat das mehl nit mehr gekost / wenn das
du das in den dreck beutlest: Eulenspiegel saget/
habt jr michs nicht geheissen in dem Mon beute-
len on Liecht/also hab ich gethan. Der Becker
sprach/ich hiesz dich beuteln bey dem monschein.
Eulenspiegel sprach / wolan Meister seindt nur
zu frieden/es ist geschehn/vnd ist nit viel verlor-
ren/denn ein Sandtuol Mehl/ das wil ich baldt
wider auff hebt haben/ das schadet dem Mehl
nicht ein meit. Der Brodtbecker sprach/dieweil
du nun das Mehl austraffest/dieweil macht man
den Teig nicht/ so wird es denn zu spat gbachen.
Eulenspiegel sprach/ Mein lieber Meister/ Ich
weiß ein guten rath/wir wöllen so bald backen/
als vnser Nachbar/sein Teig ligt in der malden/
wolt

wolt jr das haben/so wil ich ihn holen / vnd wil
 vnser Mehl an die statt legen. Der Meister ward
 zornig / vnd sprach / du wilt den Teuffel holen/
 geh hin an den Galgen/vnd hol Dieb herein / ja
 spricht er/vnd gieng an Galgen/da lag ein Reiff
 von ein Dieb/der was herab gefallen/ den nam
 er auff den Halsz vnd trug in heim/ vnd sprach/
 warzu wölt jr das haben/ich wist nicht warzu es
 am aller besten wer. Der Becker sprach/bringest
 du sonst nichts mehr? Eulenspiegel sprach/es wa
 re sonst nichts mehr da/der Meister ward zornig
 vnd sprach du hast in meiner Herren gericht gsto
 len vnd ihn ihren Galgen beraubet/ das wil ich
 dem Bürgermeister vber dich klagen / das soltu
 bald sehen /vnd der Beck gieng auß dem Hausz
 auff den Markt / Eulenspiegel gieng im nach/
 vnd dem Becker was so not/das er sich nit vmb
 sahe/wußt auch nicht das im Eulenspiegel nach
 gieng / Also stundt der Bürgermeister an dem
 Markt/da gieng der Becker zu ihm/vnd fieng
 an zu klagen/Eulenspiegel was behend / so bald
 sein Meister anfieng zu klagen/da stundt Eulen
 spiegel hart neben im/ vnd spert seine beyde Au
 gen weit auff /da der Beck Eulenspiegeln sahe/
 wardt er so grimmig/das er vergaß was er kla
 gen wolt/vnd sprach zu Eulenspiegel/ was wilt
 du? Eulenspiegel sagt/ich will anders nichts ha
 ben/denn jr sagt/ich solt sehē/wenn jr mich wolt
 verklagē vor dem Bürgermeister/ sol ich das nu
 sehen/so muß ich die augen hart auffsperrn/das
 ich ds sehē Kä/der Becker sagt zu im/geh mir außz
 dem

Wunderbarliche Historien/

des Augen / du bist ein Schalk. Eulenspiegel sprach / seß ich euch in den augē / so müst ich euch auß den naszlöchern kriechen / wenn jr die augen zuthet. Da gieng der Bürgemeister von in / denn er horte wol das es Narrenwerck was / vnd liesse sie stehen / da Eulenspiegel das sahe / lieff er hinweg / vnd lies den Becken also stehn.

Die xvj. History.

Wie Eulenspiegel allwegen ein falsch Pferd rheit / vnd was nicht gern wo Kinder waren.



Eulenspiegel der was allzeit gern bey Geselschafft / vnd dieweil er lebet / meidet er dreierley sachen. Zum Ersten rheit er kein graw /

gram/sonder allwegen ein falbs Pferd/ von ges
spöts wegen. Das Ander / So wolt er niergende
bleiben wo Kinder waren / denn mann acht dee
Kinder nötllicher mehr denn sein. Die Dritte sacht
was/wo ein alt milter Wiert was/bey dem was
er nicht gern zu Herberg / denn ein alter milter
Wiert der acht Eulenspiegels guts nicht. Auch
segnet er sich alle morgen für gsunder speisz/vor
grossen glück/vnd vor starckem tranck. Er seg
nete sich vor der Speisz auß der Apoteccken/wie
wol sie gesund ist / so ist sie doch ein zeichen der
krankheit. So wer das gross glück/wenn ein stein
von dem dach fiel/so möcht man spreche/ wer ich
da gestanden/so hett mich der Stein zu todt ge
schlagen/dz were mein glück/ solch glück wolt er
gern entberen / Der starck tranck were dz wasser
denn es grosse Milteder umb treibt/auch so trun
cket mancher den todt daran.

Die xxij. History.

Wie Eulenspiegel sich zu dem Graue von Anhalt
verdinget für ein Hauszman/vnd wenn
die Feindt darckamen/so bliesz er
sie nicht an / vnd wenn
kein Feind da was/
so bliesz er sie
an.

D Nicht

Wunderbarliche Historien/



U Jhr lang darnach kam Eulenspiegel zu dem Grauen von Anhalt zu dem verdin get er sich für ein Kaufman, der het viel Feindschafft/also das er in dem Schloß auff die zeit Reuter vnd Hofuolt bey einander/die man alle tag speisen must. Also ward Eulenspiegels vergessen auff dem Thurn/das ihm kein speiß ward gebracht/denselben tag kam es dazu/das des Grauen Feinde für das Stedtlin odder Schloß randten/namen die küh darnor vnd triben sie hinweg. Eulenspiegel aber lag auff dem Thurn/vnd sahe durch das Fenster/vnd machte auch kein geschrey/weder mit blasen oder schreyen. Da came das gemärmel für den Grauen/das er mit den seinen ihnen naheilet / vnd baldt nach forschet/ vnd sahen etlich auff den Thurn/

Das

Das Eulenspiegel im Fenster lag vnd lacht/ da
 rufft im der Graue vnd sagt/ Wie ligstu also im
 Fenster/ vnd bist so still: Eulenspiegel rufft wi-
 der / vor essens so ruff ich oder thu es nicht gerne
 Der Graue rufft wider/ wiltu nicht die feinde an-
 blasen: Eulenspiegel antwort ich darff nicht sein
 de blasen/ das feldt ist sonst voll/ vñ feind mit den
 fähen ein theil hinweg/ bliesz ich erst mehr feind/
 so schläge sie euch zu todt/ wolan es ist gut sprach
 der Graue/ eilt den feinden nach/ vnd kempfften
 mit einander / Eulenspiegel ward abermals wi-
 der vergessen seiner Speiß/ halben/ vnd der Gra-
 ue ward ein weil zusehden/ bracht auch ein hauf-
 fen Speck's von seinen Feinden/ darzu hielt man
 sich mit sieden vnd braten. Eulenspiegel gedacht
 auff dem thurn/ wie er auch etwas von der Beut
 möcht bringen/ vnd nam acht wenn es essens zeit
 wolt sein. Da sieng er an zu ruffen vñnd blasen/
 Feindio/ Feindio/ der Graue lieff eylends vō dē
 Tisch/ da die kost auffstund/ mit den seinen/ legt
 harnisch an/ vñ waffen. in die hend/ eilten bald zu
 dem Thor/ in dz feldt/ vnd sahen sich vmb nach
 den Feinden/ dieweil lieff Eulenspiegel behendt
 von den thurn/ kam vber des Grauen tisch/ nam
 von der Tafeln gsottens vnd gebratens/ was im
 geliebt/ vnd gieng wider auff den Thurn.

Da nu die Reuter vnd das Fußvolck kam/ ver-
 namen sie von Keinen feinden/ vnd sprachen zusa-
 men/ der haufsmā hat dz vō schalckheit gethā vñ
 zogen wider heim/ dem thor zu/ der graff rufft zu
 Eulenspiegel/ bistu vnßinig worden: Eulenspiegel

D ij schweig

Wunderbarliche Historien/

Schweig still. Der Graue sprach/warumb hastu
feind geblasen/vnd ist keiner da gewesen: Eulenspiegel sprach/da keine vorhanden waren/ must
ich etlich feind herzu blasen. Da sprach der Graff
du krawst dich mit schalcksniegeln/wenn feind da
sind/so wiltu sie nit anblasen/vnd wenn keine da
sein/so blasest du feind an/ das mocht wol Ver
keterey sein/vnd sagt in ab/ vnd macht ein ande
ten Zausman. Nun must Eulenspiegel zu Fuß
mit in außlaußen/sür ein Trabanten vnd Fuß
Knecht/ds ward in gar sehr verdriessen/ vnd wee
gern von dainen gewesen/ kund doch mit glimpff
nicht von im Kommen. Deshalben wenn sie auß
zogen an die feind/so hindert er sich/vnd was all
zeit der letst/wenn sie geschafft hetten/vnd wider
heim keren/so was er der erst zu dem Thor hin
nein/Da sprach der Graue zu im/wie er das ver
stehn solt von im/ wenn er außzög mit im an die
feind/so wer er stets der letst/vnd so man heim
züg/wer er der erst:Eulenspiegel sprach/ir dörf
set darumb nicht zönnen/ denn wenn jr vnd ewer
hofgesind assen/so saz ich auff dem Thurn/ vnd
must die Klawen saugen/ davon bin ich onmed
tig worden/solt ich des der erst an die feind sein/
so must ich die zeit einbringen vnd ereiln/das ich
der erst an der Tafel wer/ vnd der letzte darvon/
damit ich wider starck wurd / so wil ich der erste
vnd der letst an den Feinden sein/ so hör ich wol
sagt der Graue/ds du das lang woltest halten/die
zeitlang/als du auff dem thurn sahest/da sprach
Eulenspiegel / warzu ein jeder recht hat / das
nimpt/

nimpt man im gern. Der Graue sprach / du solt
 nit lang mein Diener sein / vnd gab ihm verlaub /
 des was Eulenspiegel wol zu Frieden.

Die xviii. History.

Wie Eulenspiegel seinem Pferdt güldene
 Eisen liez auffschlagen.



In solcher Rauffmann was Eulenspie-
 gel / da sein frombkeit für manchen Her-
 ren kam / das man von im wiszt zusagen /
 das mochten die Fürsten wol leiden / vnd
 gaben im Kleider / pferdt / gelt vnd Kost. Also kam
 er zu dem König von Denmarck / der bar in ein
 abenthewriges stück zu beweisen / er wolte ihm
 sein Pferd lassen beschlagen von dem aller besten

Wunderbarliche Historien/

Zuffschlag/ Eulen. fragt den Kön. ob er solt den
worten glauben: Der König sprach ja/ so er nach
seinen worten thet. Eulenspiegel rheit mit seinem
Pferdt zu dem Goldschmidt / vnd liesz ihm sein
Pferdt mit Galden Zuseisen / vnd mit Silberin
Nieglin beschlagen/ gieng damit zu dem König/
vnd sprach ob er im wolt den Zuffschlag bezaln:
Der König sprach/ ja/ vnd sager zum Schreiber/
das er im den Zuffschlag thet bezalen. Also met
net der Schreiber / es were ein schlechter Zuff
schmidt/ da faret in Eulenspiegel zu dem Gold
schmidt/ der wolt haben hundert Denisch marc/
der Schreiber wolt das nicht bezalen/ vnd gieng
hin/ sagt das dem König/ der König liesz Eulen
spiegel holen/ vnd sagt das zu im. Eulenspiegel/
Was für ein thewren Zuffschlag machstu: Wenn
ich meine Pferdts also solt beschlagen lassen / so
müß ich bald land vnd leut verkauffen/ Ich met
net nicht das man das Pferdts solt mit Goldt be
schlagen. Eulenspiegel sprach/ Genediger Herr
König/ jr sagten/ es solt der best Zuffschlag sein/
so hab ich eweren worten gnug wöllen thun/ der
König sprach / du bist mein liebster Hofdiener/
du thust was ich dich heisz/ vnd warde Lachen/
vnd bezalt also die hundert Marc/
da kam Eulenspiegel/ liesz die galden Eisen abbrechen/ vnd
sein Pferdts mit andern eisen beschlagen/
vnd bleib bey dem König bisz
an sein end.

Die xviiiij. History.

Wie Eulenspiegel des Königs von Poln
Schalkenarren mit grober Schalk-
heit überwandt.



Bey den zeiten des Hochgebornen Fürsten
Casimiri Königs zu Poln / bey dem was
ein abentherer / gar selzamer schwentz
vnd gaucklerey / vnd kundwol auff der sid-
len. Also kam Eulenspiegel auch in Poln zum Kö-
nig / vnd der König het auch viel von Eulenspie-
geln hören sagen / derhalben war er im ein lieber
Gast / vnd hett ihn vmb seiner abentherer vor-
langest gern gesehen oder gehört / auch so het er
sein Spielman ganz lieb. Zu kam Eulenspiegel
D uij vnd

Wunderbarliche Historien/

und sein Narr zusammen/da w3 es/als man sagt/
zwen Narren in ein Haus/ die thun selten gut.
Des Königs Schalcksnarr wolte Eulenspiegeln
gar nicht leiden/ vnd wolt sich auch mit verreis
ben lassen/das merckt der König / vnd liesz sie
beyd fordern in seinen Saal. Nun wolan sprach
der König/welcher die abentherlichste Narren
rey verbringer / das im der ander nit nach thut/
den wil ich new kleiden/vnd geben zwenzig Gül
den dazu/das sol jetzt geschehen. Die zwen schick
ten sich zur Thorheit/vnd trieben viel Affenspiel
mit krummen meulern/vnd selzamen reden/was
einer s3e dem andern erdencken kundt / vnd was
Eulenspiegel thet/dz thet ihm derselb Narr auch
nach. Der König lacht / vnd alle seine Ritter
schafft/vnd sahe mancherley abenther. Eulen
spiegel gdaht auch/ zwenzig gülden vnd ein new
Aleid das wer gut zu verdienen/ ich wil darumb
thun das ich sonst vngern thet/vnd sahe wol das
des Königs meinung war / dz es im gleich galt/
welcher vnder ihnen den preisz gewinne. Also
gieng Eulenspiegel in den Saal/ hub sich hinten
auff/vnd schei3t einen grossen hauffen in den sal/
nam ein Löffel/theilt den dreck mitten enzwey/
vnd rüfft dem andern/vnd sprach/Narr/ Komm
her vnd thu mit die Leckerey auch nach / als ich
dir vor wil thun/vnd name ein Löffel / vnd fas
set den halben Dreck darein/ iszt den auff / vnd
reichet den Löffel dem schalcksnarrn/vnd sprach/
seh hin isz du das ander halb theil/vñ darnach so
mach du ein hauffen/vnd theil den von einander/

so wil ich dir nach essen. Da sprach des Königs
 Narr/Mein mir nicht also/ das thu dir der Teuf
 fel nach/solt ich mein lebtag nacktend gehn/so isz
 ich von mir oder dir nit. Also gewan Eulenspie
 gel die Meisterschafft von der Büberey/ vnd der
 König gab im das new Kleid/vnd die xx. gülden/
 da theilt Eulenspiegel hinweg / vnd bracht von
 dem König das lob.

Die xxx. History.

Wie Eulenspiegel das Herzog
 thumb zu Lünenburg
 verboten
 was.



Wunderbarliche Historien/

Wey Zell in dem Land zu Lünenburg / da
thete Eulenspiegel ein Abentherwliche
Hüberey / das ihm der Hertzog von Lün-
enburg das Land verbotten hette / vnnnd
wenn er auch darinn gefunden würd / solt man in
fahen / vnd darnach henden. Also meinet Eulen-
spiegel / er wolt das Landt nicht raumen wenn
ihn der weg dartrüg / so rheit oder gieng er nicht
dester minder durch das Landt. Es begab sich
auff ein zeit / da er durch Lünenburg wolt rhei-
ten / da begegnet ihm der Hertzog / vnnnd da er
sah / das es der Hertzog war / gedacht er / es ist
der Hertzog / vnd so du stüchrig wirst / so vberles-
gen sie dich mit ihren Geulen / vnd Stechen dich
vnder das pferdt / so kompt denn der Hertzog mit
zorn vnd hendet mich an ein Baum. Also bdacht
er sich eins kurzen raths / vñ steig ab von seinem
Pferdt / schneid ihm den Bauch halb auff / schüt-
let das eingweid herauf / vnd stund in dem loch.
Da nun der Hertzog mit seinen Reutern geritten
kam an die statt da Eulenspiegel in seins Pferds
Bauch stund / sprach ein Diener / seht Herr / wie
steht Eulenspiegel in eins Pferds haut. Da rheit
der Fürst zu im vnd sprach / bistu da / weistu nit
das ich dir verbotten hab mein land / vnd weñ ich
dich darinn find / so wolt ich dich an ein Baum
henden lassen / Da sprach er / O Gnediger Herr
vnd Fürst / ich hoff ic wolt mich des leibs begna-
den / ich hab doch nit so vbel gthan / das hendens
wert ist. Der Hertzog sprach / Komb her zu mir /
vnd sag doch kein vnschuld / vnd wñ meinstu doch
damit /

damit das du also in des Pferds haut stehst: Eulenspiegel kam herfür/ vnd antwort also/ Gnediger vnd Hochgeborner Fürst / ich besorget mich für ewer vngnad/ vnd fürcht mich ganz rebel/ so hab ich mein Lebtag gehset / das ein jeder sol fried haben in seinen vier pfelen/ da ward der herzog lachen vnd sprach/ wiltu auch nun hinfurth auß meinem Land bleiben: Eulenspiegel sprach/ Gnediger Herr/ wie ewer Fürstliche Gnad wil/ der Herzog reit von im/ vnd sprach/ bleib als du bist. Da sprang Eulenspiegel eilendes auß der Haut/ vnd sprach zu sein todten pferd/ danck habe mein liebes pferd/ du hast mir dauon geholfen/ vnd einen Gnedigen Herren gemacht/ lig nu hie/ es ist besser das dich die Rappen fressen/ denn das sie mich hetten gessen/ vnd lieff also zu Fuß daruon.

Die xxvj. History.

Wie Eulenspiegel einem Bawren seines Landts ein theil abkaufft.

Narnach kam Eulenspiegel wider in das Landt/ gieng bey Zell in ein Dorff/ vnd wartet wenn der Herzog wider gen Zell wolt reitē/ da gieng ein bawr zu acker/ vnd Eulenspiegel het ein ander pferd vberkomen/ mit sampt ein stutzkarrn/ fuhr zu dem Bawren/ vnd fraget ihn / wes derselbe Acker wer? Der Bawer sprach/ er ist mein/ ich habe ihn ererbet/ Eulenspiegel sprach / was er ihm wol geben solt für

Wunderbarliche Historien/



für den Schutkarn vol Erden von dem Acker/
Der Bawr sprach/ ein Schilling nem ich dafür/
Eulenspiegel gab ihm ein Schilling Pfening/
vnd warff den Karren vol Erden/ froch darein/
vnd fuhr für die Burg zu Zell für die Eller / Ma-
nu der Herzog kam geritten/ da ward er Eulens-
spiegels gewar/ das er auff dem Karren saß / in
der Erden bis an die Schultern/ Da sprach der
Herzog/ Eulenspiegel ich her dir mein Land ver-
boten/ wenn ich dich drinn fünd/ so wolt ich dich
lassen Hencken/ Eulenspiegel sprach/ Genediger
Herr/ ich bin nit in ewrem Landt/ ich sitz in mei-
nem Land/ das hab ich gekaufft von ein Baw-
ren/ der sagt mir/ es wer sein erbtheil. Der Her-
zog sprach / fahr hin mit deinem Erdrich auß
meinem erdrich/ vnd kom nit wider/ ich wil dich
sonst

Tyl Eulenspiegels. 31

Sonst mit Pferd vnd Barren hengen lassen / also
sprang Eulenspiegel bald auff das Pferd / thert
ausz dem Landt / liesz den Barren vor der Burg
stehn / also ligt Eulenspiegels Erdtrich vor der
Brücken.

Die xvij. History.

Wie Eulenspiegel dem Landgraven zu Hessen
malet / vnd ihn vberredet / wer Vneh-
lich wer / der künde es
nicht sehen.



Denneweliche ding treibe Eulenspiegel
im land zu Hessen / da er das land zu Sach-
sen fast vmb vnd vmb gwandert het / vnd
fast wol bekant was / das er sich mit seiner
Biberey

Wunderbarliche Historien/

Büberey nicht wol mehr behelffen mocht / da
thet er sich darnach inn das Land zu Hessen/ vnd
kam gen Marburg an des Landgrauen Hof/
vnd der Herr fragt in was er känd. Er antwort
vnd sprach / ich bin ein Künstner/ des strewet sich
der Landgrauē/ denn er meint er köndte mit der
Alchimey/ denn der Landgrauē het grosse Ar-
beit mit Alchimey/ also fraget er ihn / ob er ein
Alchimist wer/ Eulenspiegel sprach / Gnediger
Herr/ nein ich bin ein Maler/ desgleichen in viel
Landen nicht gefunden wirdt/ denn mein Arbeit
ybertrifft andere Arbeit weit. Der Landgrauē
sprach/ laß vns etwas sehen. Eulenspiegel sagt/
Gnediger Herr/ ich/ vnd het erlich Kunstreiche
Tächer/ die er in Flandern gekaufft hatt / die
zoge er auß seinem Sack/ vnd zeigt die dem Für-
sten/ die gefielen dem Herren so wol/ vnd sprach
zu ihm / Lieber Meister was wölt ihr nemen/
vnd wölt vns vnsern Saal malen/ von dem her-
komen der Landgrauen von Hessen/ vnd wie sich
der befreundt hab mit dem König von Vngern/
vnd anderen Fürsten vnd Herren/ vnd wie lang
das gestanden sey/ vnd wöllen vns das auff das
aller köstlichst machen. Eulenspiegel antwort/
Gnediger Herr / als mit ewer Gnade anseiget/
das wärde wol vierhundert Gilden kosten. Der
Landgrauē sprach / Meister / macht das nur
gut / wir wöllen euch das wol lohnen. Eulen-
spiegel name das also an / doch muszt ihm der
Landgrauē Hundert Gilden drauff geben/
damit er Farben kaufft/ vnd Gesellen yberkeme:
Als

Als aber Eulenspiegel mit dreien Geseln wil die arbeit anfahn/so bedingt er zuvor/das niemand sol in den Saal gehen/dieweil er arbeit/denn allein seine Geseln/darmit er nit verhindert wärde/das verbles; im der Landgraue.

Also ward Eulenspiegel mit seinen Geseln eins/vnd legts mit in an/das sie nichts sagten/vnd lieffen zu sorgen/sie dörfsten nicht arbeiten/vnd solten dennoch iren Lohn haben/vnd jr grösste arbeit solt sein im Bret spiegel. Das wardent sie wol zu frieden/das sie mit müßig gehn gleich so wol solten Gelt verdienen/das weret also ein wochen oder vier/das den Landgrauen verlanget/was doch der Meister mit seinen Kumpen möchte malen/ob es doch so gut wolte werden als die Prob / vnd sprach Eulenspiegel an: Ach lieber Meister/vns verlanget gar sehr zu sehen ewer arbeit/wir begeren mit euch zu gehn in den Saal/vnd ewer Gemähl zu besehen.

Eulenspiegel sprach zu ihm / Ja Genediger Herr/aber eins wil ich ewrn gnaden sagen/wer mit ewern gnaden geht/vnd das Gemehl beschawet/wer denn nit recht Ehelich geboren ist / der mag mein Gemeld nit wol sehen. Der Landgraue saget/meister/das wer ein gross ding/in dem giengen sie in den Saal/da het Eulenspiegel ein lang Leinen Thuch an die wand gespannt/dar er malen solt/vnd zoh das Thuch ein wenig hinder sich/zeigt mit ein weissen steblin an die Wand/vnd sprach also/seht Herr disen Man/das ist der erst Landgraue von Hessen/ein Colummeser von Rom

Wunderbarliche Historien/

Rom gewesen / vnnnd hat zu einer Fürstin oder
Frawen gehabt / des milten Iustianus Tochter / ein Herzogin von Beyern / der nu darnach
Kaiser war. Sehet zu Gnediger Herr / von dem
geboren ward Adolphus. Adolphus der da ge-
bar Wilhelm den schwarzen. Wilhelm gebat
Ludwigen den frommen / vnnnd also forthin bisz
auff ewer Fürstlich Gnad / so weiß ich dz fürwar /
das niemandt mein arbeit straffen kan / so künst-
lich vnd auch von schönen farben. Der Landgra-
ue sahe anders nicht / denn die weiße Wand / vnd
gedacht in ihm selber / solte ich immer ein Zuren-
kind sein / so sihe ich doch anders nichts denn die
weiße Wand / Jedoch sprach er vmb glimpffs
willen / lieber Meister / vns beniget wol / doch
haben wir nicht genug verstands das zu erkennen
vñ gieng damit auß dem Saal. Da nu der Land-
graue zu der Fürstin kam / fragt sie ihn. Ach Gne-
diger Herr was malet doch ewer freier Maler / je
habt es doch befehē / wie gefelle euch sein arbeit /
ich hab schwachen glauben dazu / er sieht wie ein
schalck. Der Fürst sprach / Liebe Fraw mit gfele
sein arbeit sicherlich wol / vñ thut im noch recht /
Gnediger Herr sprach sie / müssen wir es nicht
auch besehen. Ja mit des Meisters willen / sprach
der Herr / sie ließ Eulenspiegel fordern / vnd be-
geret auch zu sehen das gemald / Eulenspiegel
sprache zu ihr wie zum Fürsten / wer nicht Ehlich
ist / der kann sein arbeit nicht sehen / da gieng sie
mit acht Jungfrawen vnd einer Törrin in den Sa-
al / da sah Eulenspiegel das Thuch aber hinder
sich

sich wie vor/ vnd erzalt der Grein auch das her
 komen der Landgrauen/je ein stück nach dem an
 deren. Aber die Fürstin vnnnd ihre Jungfrawen
 schwiigen still/ niemant lobt oder schalt das ge
 meld/ir etlichen was leid das sie vnehlich sein sol
 ten von Vatter vnd Mutter. Vnnnd zum letzten
 da hub die Törrin an vnd sprach / Lieber Mei
 ster/nun sihe ich nichts von gemel/ vnd solte ich
 schon mein Lebtag ein Zuren Kindt sein/. da ge
 dacht Eulenspiegel/das wil nit gut werden/wöl
 len die Toren die warheit sagen/so musz ich war
 lich wandern/vnd zogs in ein glechter/ da gieng
 die Fürstin hinweg wider zu ihrem Herren? Der
 fragt sie auch wie jr das gemel gesiel/ sie antwort
 vnd sprach. Gnediger Herr es gfelt mir al/ wol/
 als ewern gnaden. Aber vnser Törrin gefelt es
 nicht / sie spricht auch / sie sehe kein gemel/ des
 gleichen auch vnsern Jungfrawen/vnd bsorgen
 es sey Bähberey inn der sach. Da gieng dem Für
 sten zu hertzen/vnnnd ob er schon betrogen war /
 so liez er Eulenspiegeln sagen / das er sein sach
 schickte/denn das ganz Hoffgind müsz sein ar
 beit besehen / vnd der Fürst meinet er wölt sehen
 welcher Ehelich oder Vnehlich vnder seiner Rit
 terschafft were/ der Lehen weren ihm verfallen/
 da gieng Eulenspiegel zu seinen Gesellen/ vnnnd
 gabe in vrlaub/ vnd fordert noch hundert Gäl
 den vom Rentmeister/ entpfeng die/ vnd gieng
 in dem dauon / des andern tags fraget der Fürst
 nach seinem Maler/ der was hinweg. Da gieng
 der Fürst des andern tags inn den Saal mit al

Wunderbarliche Historien!

lem sein Hofgehind/ ob jemandt etwas seins Gemelds sehen kändt/ aber niemandt kündt sagen/ das er etwas sehe/ vnd da sie alle schwiegen/ Da sprach der Landgraue/ nu sehen wir wol das wir betrogen sind/ mit Eulenspiegeln habe ich mich nie bekümmert/ dennoch ist er zu vns kommen/ doch die zwey hundert gülden mögen wir wol erdulden/ so er noch dennoch ein schalck musz bleiben/ vnd musz darumb vnser Fürstenthumb meiden. Also was Eulenspiegel von Marburg weg kommen/ vnd wolt fürthhin sich keins malens annemen.

Die xviii. History.

Wie Eulenspiegel zu Prag in Behemen auff der hohen Schul mit den Studenten Conuersiert/ vnd wol bestund.

Also zog Eulenspiegel ins Behemerlandt/ gen Prag/ da er von Marburg rohe/ vnd gab sich auß für ein grossen Meister/ zu berichten grosse fragen/ die denn sonst andere Meister nicht aufzulegen/ oder auch bericht künden geben. Da liez er ein zettel machen vnd schreiben/ vnd schlugs an die Kirchthürn/ vnd an die Collegien/ das wardt den Rectorum verdriessen/ die Doctores vnd Magister warn vbel dran/ vnd giengen zusammen/ rathfragten wie sie dem Eulenspiegel möchten Questiones auffgeben/ die er ihnen nicht Soluieren kändt/ so er denn vbel bestündt/ so kündten sie mit glimpff an ihn kommen/



men / vnd in verschmehen / dem ward vnder in al
 so verwilliget vnd zu gelassen / vnd ordinierten /
 das der Rector die frag thun solt / vñ liesen Eulenspiegel
 gebieten durch iren Pöellen / des andern tags zu erscheinen die fragen / so er im denn
 in schriftten gab / vor der ganzen Vniuersitet / zu
 verantworten / auff das er also probiert / vnd sein
 Kunst recht funden wird / sonst sol er nicht zu ge
 lassen werden. Dem Eulenspiegel also antwort /
 sag deinen Herren / ich wil den sachen also thun /
 vnd hoff noch für ein frommen mann zu bstehn /
 als ich vor langst hab than / des andern tags vee
 samleten sich vil Doctores vnd Geleten / in dem
 Kam Eulenspiegel / vnd bracht mit im sein wiert
 erlich ander Bürger / vnd sonst gut geselt / vmb
 vberfals wiln / der im von Studenten geschehen
 E u möcht

Wunderbarliche Historien/

möcht/ vnd da er nu in jr versamlung k̄/ da hies-
sen sie in auff dē Stul steigen/ vñ antworten auff
die fragen die im für gelegt wärdē. Vnd die erste
frag die der Rector an ihn thet/ das er sagen/ vñ
mit der warheit bewern solt/ wie mancher tropffe
wassers im Meer were/ wo er diese frag nicht auff
lösen vnd berichten kundt/ so wolten sie in für ein
vngelerten anfechter der Kunst verdammen vnd
straffen. Zu der selbigen frage er behent antwort/
Wirdiger Rector/ heissend die andern wasser still
stehn/ die außs aln ende in d; meer lauffen/ so wil
ich euch messen/ beweisen/ vnd die warheit daruō
sagen/ vnd es ist begreifflich zuthun. Dem Rec-
tor was vnmöglich die wasser zu behalten/ zog al
so ab / vñnd er ließ in des messens. Der Rector
stund d; verschampt/ vñ thet sein ander frag/ vñ
sprach / Sage mir wie viel tag seind vergangen
von adams zeiten her/ bisz auff disen tag: Er ant-
wortet kurz/ nur sieben tag / vnd so die verlauffē
sind/ hebē sich ander sieben tag an/ das wert bisz
zu ende der welt. Der Rector thet die dritte frag/
vñnd sprach/ sag mir bald / wie oder waran sich
das mittel der Welt helt: Eulenspiegel der ant-
wort / das ist hie / das steht recht mitten in der
Welt/ vñnd das es war sey/ so laß es messen mit
einer schuur / vñnd wo es euch fehlet vmb ei-
nen Strohalmen / so wil ich vnrecht haben:
Eh der Rector das messen wolt/ eh verliesz er E-
ulenspiegel dieser frag. Vnd thet die vierdt frag
an Eulenspiegel ganz in zorn vnd sprach/ Sag
an wie fern ist von der erden bisz in Himmel: E-
ulenspie

lenspiegel antwort/es geht nah hiebey/denn wenn man redt oder rufft im Himmel/das kan man hieniden wol hören/steigt jr hinauff/so wil ich hieniden senfft ruffen/das solt jhr im Himmel hören/Vnd höret jr das nit/so wil ich aber vnrecht haben. Der Rector wz mit jm bestanden/vnd fragt jn die fünfft frag/ Wie weit der Himel wer: Eulenspiegel antwort jm bald/vnd sagt/Er ist tausent Klaffter breit/vnd tausent Elenbogen hoch/das mag mit nit fehlen/wilt jhr das nicht glauben/so nemet Sonn vnd Mon/vnd das Gestirn von dem Himmel/vnd meszt es recht vber/so findet jr das ich recht hab. Was solten sie sagen/Eulenspiegel was jnen alln zu bescheiden/vnd muszten jm recht geben/vnd er verzog nicht lang/als er die Gelehrten vberwunden het mit schalckheit/Da was jn leyd das sie jm nit erwz kundten auffgeben/dadurch er zuschanden kem/vnd zog auß den langen Rock/vnd wandert gen Erffurd.

Die xxxix. History.

Wie Eulenspiegel zu Erffurd einen
Esel lernete lesen inn
einem Alten
Psalter.

Eulenspiegel het ein groß verlangen ghen Erffurd/als er die schalckheit zu Prag het außgericht/denn er besorgt sich/wie sie jm möchten nachein. Als er nu jetzt gen Erffurd

Wunderbarliche Historien/



furdt kam/da ein grosse vnd hochberhämpte V
niuersitet ist. Da schlug Eulenspiegel sein Brief
fe auch daran/Vnd die Collegaten der Vniuersi
tet hetten nu vil gehört von seinen listen. Vñ rat
schlagten was sie ihm auffgeben/auff das es ihm
nicht gieng/wie es den von Prag mit im gängen
was / die mit schanden bestunden/ nun wurden
sie zu rath/das sie Eulenspiegeln ein Esel in die
Ler wolten thun/ denn es sind viel Esel zu Erf
furt alt vnd jung. Sie fragten Eulenspiegeln vnd
sagren zu im/Magister ihr habt künstlich Brieff
angschlagen/ wie ihr ein jeglich Creatur wolt ler
nen schreiben vnd lesen in kurzen tagen/so seind
die Herrn von der Vniuersitet hie/vnd wöln euch
ein Esel in die ler thun/trawt jr in auch zu lern/

Et

Er sprach ja/aber er muß zeit dartzu haben/das
 rumb so es ein vnuernünfftig Thier wer/des wa
 ren sie mit im zu frieden/auff zwenzig iar. Eulen
 spiegel gedacht/vnser ist drey/stirbet der Rector/
 so bin ich frey/stirb den ich/wer wil mich manē/
 stirbt denn mein Discipel/so bin ich aber ledig/na
 me ds also an/vñ galt fünffhundert alter schock/
 darauff gaben sie im etlich Gelt. Also namc Eul
 enspiegel den Esel an/vñnd zog zu dem Tornier
 in die Herberg / zu der zeit was da ein selzamer
 Wiert. Also bestellet er ein Stall allein für seinen
 Schüler/vnd vberkam einen alten Psalter / den
 legt er inn die Krippen/vnad zwischen jegliches
 Blatt legt er Habern/des ward der Esel gewar/
 warff die Bletter mit dem Maul heruñher vmb
 des Haberns willen. Vnd so er denn kein Habern
 mehr fand zwischen den bletteren rüfft er/Ja Ja.
 Da Eulenspiegel das merckt vonn dem Esel sei
 nem Schüler/da gieng er zu dē Rector/vñ sprach.
 Herr Rector wenn wöllet jr ein mal besehē/was
 mein Schüler macht: Der Rector sprach/Lieber
 Meister wil er sich der Ler auch annemen: Eulen
 spiegel sprach/er ist auß der massē vō grober art/
 vrd ist sehr schwer zu lernen/doch hab ich ihn mit
 grossen fleiß vnd arbeit dartzu gebracht/ dz er et
 lich Buchstaben/vnd sonderlich etlich vocal kent
 vñnd nennen kan. Ists euch gelegen / geht mit
 mir / so solt ihr das hören sagen vnd sehen. Nun
 het der gut Schüler gefast bisz vmb drey nach mit
 tag. Als nu Eulenspiegel mit dē Rector vñ etliche

Wunderbarliche Historien/

Magistris kam/leget er seinem Schüler ein new Buch für/so bald er das in der Krippen fand/da warffer die Bletter hin vnd her/ den Habern zu suchen/als er nichts fand/ begundt er mit lauter stimm zu schreiben/ Ja/ Ja/ da sprach Eulenspiegel/ lieber Herr/ hört die zwen Vocal/ J. vnd A. die kan er jezund/ ich hoff er sol noch gut werdē/ also starb der Rector in einer Kartz/ hernach verliesz Eulenspiegel sein Schüler/ vnd liesz in gehn als sein Natur aufweist. Also zohe Eulenspiegel mit dem gelt/ so er daran empfangen / hinweg/ vnd gedacht/ soltu die Esel zu Erffurd alle weiß vnd verstendig machen/ das würd vil leibs brauchen/ er mocht es auch nit wol thun/ vnd liesz sie also bleiben.

Die xxx. History.

Wie Eulenspiegel zu Angesteten in dem Landt zu Düringen den Frauen die alten Beltz wusch.

Eulenspiegel kam in das Landt zu Düringen/ in das Dorff Angesteten/ vnd bath vmb ein Herberg/ Da fraget in die Wiertin/ was er für ein Gesell wer: Eulenspiegel sprach/ Ich bin nit ein Handwerck's Gesell/ Sondern pfleg die warheit zusagen/ die Wiertin sprach/ die herberg ich gern / vnd bin sonderlich günstig denen/ die die warheit thun sagen. Vnd als nun Eulenspiegel hin vnd wider sah/ so sich er das die Wiertin schilet/ vnd sprach / Schile frau/



fraw / Schile fraw / wo sol ich hin sitzen / vnd wo
 leg ich meinen Stab vnd Sack hin ? Ach das die
 nimmer guts geschehe / mein Lebtag hat mit nie
 mand verwisen das ich schiel bin. Eulenspiegel
 sprach / liebe fraw : sol ich nun stets die warheit
 sagen / kan ich das nicht verschweigen. Die Wier
 tin was des zu frieden / vnd lachet damit. Als nu
 Eulenspiegel die Nacht da bleib / war er mit der
 Wiertin zu reden kommen / wie er alte Belz we
 schen kände / das gefiel der frawen wol / vnd ba
 the in das er die Belz weschen wolt / sie wolte es
 ihren Nachbewrin sagen / das sie ihre Belz her
 brachten / vnd er sie wüsch. Eulenspiegel sprach /
 ja / die fraw samlet ire Nachbewrin zusammen /
 vnd brachten ihre Belz. Eulenspiegel sprach / ir
 müst milch habē / die frawen wurden verlangen /
 ¶ v vnd

Wunderbarliche Historien/

vnd hetten ein lust zu den neuen Belzen/vñ hol-
ten jr milch/die sie in heusern hetten/Eulenspie-
gel satz drey Kessel zu dem Fewr/ goß die milch
darcin/vnd stieß die belz dartzu/vnd ließ sie Koch-
en. Als in nu gut daucht/da sprach er zu den frau-
en/ihr müßet mir jung weiß Linden Holz brin-
gen/vnd streiffet das ab / inn dem das ihr wider
Kompt/so wil ich die belz aufheben/denn sie sind
gung geocht/vnd wil sie denn aufweschen/dazu
muß ich das holz haben. Die Weiber giengen
williglich nach dem holz/vnd ihr Kinder lieffen
bey ihn her / sprungen vnd sungen / O ho gute
newe Belze. Eulenspiegel stund vñnd lacht/vnd
sprach/ia harret/die Belz sind noch nicht recht.
Als sie nun in dem holz waren / stieß Eulenspie-
gel immer vnder/vnd ließ die Kessel mit den bel-
zen stehen / vnd gieng auß dem Dorff hinweg/
sol noch wider Kommen/die belz auß zuwaschen.
Die Frauen kamen wider mit dem linden holz/
funden Eulenspiegeln nicht/vñnd meinten nicht
das er hinweg wer/da wolt je ein vor der andern
ihren Belz auß dem Kessel thun /die waren gar
verbrähet/ das sie von einander fielen. Also lies-
sen sie die Belz stehen/vnd meinten er kem her/
wider. Eulenspiegel aber danck̄t Gott / das er
also mit glimpff dauon was Kommen.

Die xxxi. History.

Wie Eulenspiegel mit einem Todten haupt vmb-
sohe/die Lent zu bestreichen/ für
Zellthumb.



Es hett sich Eulenspiegel in allen Landen
 mit seiner bosheit bekant gemacht / vnd
 wo er ein mal gewesen was / da was er nit
 willkommen / es wer denn sach / das er sich
 verkleidet / vnd man in gar nicht kantz. Desshal-
 ben er sich nit müßig gehen nicht mehr trawt zu
 ernehren / was er doch guter ding vonn Jugend
 auff gewesen / vnd hett Gekts genug vberkomen
 mit vielerley Gauckelspiel. Da aber sein Schalck-
 hett in allen Landen wissen vnd bekantt wardt /
 vnd ihm sehr narung hindersich gieng / gedachte
 er / was er treiben solt / das er gut vberkeme nit
 müßig gehn / denn er sahe wol das mancher nit
 müßig gehen besser tag hett / denn mancher nit
 schwerer arbeit. Vnd nam in für sich für ein Sta-
 ttonier außs zu thun / vnd mit dem Heilthumb im
 Land

Wunderbarliche Historien/

Land umb her zu reihen/ vnd verkleidt sich mit
einen Schüler in eins Priesters gestalt / nam ein
Todrenkopff/ vnd liesz den in Silber fassen/ vnd
kam ins Land zu Pommern/ da sich die Priester
viel mehr an das Sauffen halten/ denn das Pre-
digen. Vnnd wenn denn etwann in einem Dorff
Kirchweyhung was/ Hochzeiten/ vnd ander ver-
samlung der Landleut / macht sich Eulenspiegel
zu dem Pfarrherr/ bat in das er Predigen / vnnd
den Bawren das Heilthumb verkündigen wolt/
das sie sich lieffen bestreichen / vnnd was er für
Opffer vberkem/ das wolt er im halb geben. Den
Vngelerten Pfaffen was wol damit/ das sie nicht
mehr denn Gelt vberkemen/ vnd wenn am aller-
meisten Volck's in der Kirchen was / so steig er
auff den predigstul/ vnd sagt inen etwas von der
alten Ehe / vnnd zohe die newe Ehe darein mit
der Arcken vnd Galdenem Eimer/ Da das Him-
melbrodt innen lag / vnd sprach dazu / das es
das größte Heilthumb wer / vnderweilen sagt er
von dem Haupt Brandonis / der ein Heiliger
Man gewesen wer/ des Haupt er da hett/ das im
befohlen wer damit zu samlen zum Gebew einer
newen Kirchen/ vnd das thun mit reinem gut/
vnd bey seinem leben kein Opffer nemen solt von
Keiner Frawen die ein Ehebrecherin wer / vnnd
welche solche Frawen sind/ sollen still stehen/ den
so sie mit etwas Opffern werden/ die da schuldig
seind in dem Ehebruch / so neme ich es nicht/
den sie werdē vor mir verschampt/ darnach wisset
sich zu rchten / vnnd gabe also den Leuten das
Haupt

Haupt zu küssen / das vielleicht eirs Schmides
 haupt gewesen was / vnd er ihn auff einem Kirch
 hoff gnommen hat / gabe den Bawern vnd Ber
 ein den Segen / vnd gieng von der Canzel für
 den Altar stehn / fieng der Pfarrherr an zu sin
 gen / vnd seine Schellen an zu klingen. Da gieng
 gen die bösen mit den guten weibern / zum Altar /
 die ein bösz gschrey hetten / vnd da auch etwas an
 was / die wolten die Ersten sein mit ihrem Op
 per / Da nam er das Opffer von guten vnd bö
 sen / vnd verschmehet niemands / vnd so fest
 glaubten die einfeltigen frawen / umb sein listige
 Schalkhaffrige sach / das sie meineten / welche
 Fraw still were gestanden / die were nicht fromb
 Desselben gleichen / welche Fraw kein gelt hett /
 die Opffert ein Gilden oder Silbern Ring / vnd
 ihr eine het acht auff die ander / ob sie auch Opf
 fert / vnd welche Opffert / die meinet sie het ihre
 Ehe besterigt / vnd ihr bösz geschrey damit geno
 men. Auch waren etlich da / die zwey odder drey
 mal Opfferten / auff das das volck solt sehen /
 vnd auß ihrem bösen geschrey kernen. Eulens
 spiegel vber kam das schönest Opffer / desz gleich
 en vor nie gehört ist worden / vnd da er das Opf
 fer hinweg het gnommen / gebor er bey dem Ban
 allen denen die ihn geopffert hetten / das sie nithe
 mehr mit Büberey solten umbghen / denn sie we
 ren allenthalben ganz frey. Also würdē die fraw
 en allenthalben fromb. Vnd wo Eulenspiegel
 hin kame / prediget er / dardurch ward er reich /

vnd

Wunderbarliche Historien/
vnd die Leut hielten in für ein fromen Prediger/
so wol kund er die Báberey verhehlen.

Die xxxij. History.

Wie Eulenspiegel die Scharwechter zu Nürnberg
wacker macht/das sie ins
Wasser sielen.



Als Eulenspiegel mit dem Heilthumb weit
umbzogen war/ vnd die Leut fast betroo-
gen het / denn er war in der Schalckheit
sehr Kunstlich/ Came er ghen Nürnberg/
vnd wolt sein gelt verzeren/ das er mit dem Heil-
thumb gewonnen hett/ da er nun ein zeitlang da
was gelegen / vnd viel umbstendt gesehen hette/
kündt er von Natur nicht lassen/er must da auch
ein

ein schalckheit thun / vnd sahe das die scharwech-
 ter in einem grossen Kasten schliessen vnder dem
 Rathhausz im Sarnisch / vnd Eulenspiegel herte
 da weg vnd steg wol gelernt / vnd sonderlich den
 steg zwischen den Sewmarck vnd dem Heuszlin /
 da es nachts bösz ist drüber zu gehen / wenn man
 che gute Diern / so sie wöln Wein holen / da umb
 gezogen wird. Also wartet Eulenspiegel mit sei-
 ner schalckheit bis; die Leut schlaffen wären gan-
 gen / vnd es ganz still was / brach er ab von dem
 selben steg drey Dielen / vnd warff sie in die Peg-
 niz / gieng für das Rathhausz / vnd begundt zu
 fluchen / vnd hiew mit einem alten Messer in das
 Pflaster / das Fewr hernach sprang. Da das die
 Wechter horten / waren sie bald auff / vnd lieffen
 ihm nach. Eulenspiegel name die flucht zu dem
 Sewmarck / vnd kam mit noth ihnen vor an die
 stadt / da er die Dielen hat abgeworffen / behalffe
 sich wie er mocht / das er vber den Steg kame /
 vnd ruffet mit lauter stimm. So ho / wo bleibt je
 nu jr verzagten Böszwicht? Da das die Wechter
 horten / lieffen sie ihm eilendt nach / ein jeglicher
 wolte der erste sein. Also fiel einer nach dem an-
 dern in die Pegnitz / vnd was die luck des Stegs
 so eng / das sie auff jeglichem ort die Meuler zer-
 fielen. So ho rufft Eulenspiegel / laufft ihr noch
 nicht / morgen eilt mit mehr nach. Zu diesem bad
 weret ihr Morgen früh noch wol kommen / also
 fiel einer ein Bein enzwey / der andere einen
 Arm / der Dritte ein Loch in Kopff / das keinger
 on Schaden darvon kam / da er nu die schalckheit
 volbracht

Wunderbarliche Historien/

volbracht het/bleib er nicht lang zu Nürnberg/
wid zoh wider hinweg/wenn jm was nit lieb/wos
es von jm außkum/das er nit gestümpfft würd/
denn die von Nürnberg möchten es nicht für ein
schimpff annemen.

Die xxxiij. History.

Wie Eulenspiegel zu Bamberg
ymb Gelt als.



Wit listen so verdiente Eulenspiegel Gelt
eins mals zu Bamberg/als er von Nü-
remberg kam/ vnd fast hungerig was/
vnd kame in einer Wiertin Haus / die
hieß fraw Königin/die gar ein fröliche Wiertin
was/

was vnd hieß in willkom sein/ daß sie sahe an seinen kleidern dz er gar ein selzmer gast sein mag. Als man nu des morgens essen wolt/ fragt in die Wiertin/ wie ers halten wolt/ ob er vbers mahl sitzen/ oder das Pfenningwert wolt essen: Eulenspiegel antwort/ er wer ein armer gsell/ vñ bat sie dz sie ihn etwz vñ Gottes willen wolt zu essen geben. Die Wiertin sprach. Freund in den Fleisch bencken gibt man mir nichts vergebens/ ich muß gelt darumb geben. Deszhalben muß ich für das essen auch gelt haben. Eulenspiegel sprach/ ach fraw es dient mir auch wol vmb gelt zu essen vnd trincken/ die fraw sprach/ an den herrn tisch vmb xxiiij. Pfenning/ vnd an der nechsten Tafeln darneben für xviij. Pfenning/ bey dem Hausgesind für xij. Pfenning. Eulenspiegel sagt/ das meiste Gelt dñeret mir am besten. Vñ nach dē er auch dē bauch mit essen vnd trincken wēdlich gefüllet het/ bat die wiertin in abzufertigen/ wenn er armuts halben wandern müßte. Lieber gast/ sprach die wiertin/ gebt für ein Maßzeit xxiiij. Pfenning/ vnd geht ewr strasz/ dz euch got gleit. Nicht also liebe Wiertin/ sprach Eulenspiegel/ sonder ihr seind mit xxiiij. Pfenning zu thun schuldig / wenn ihe berichtet mich wie man an der tafel aß vñ trāncē vmb xxiiij. Pfenning/ das hab ich vollbracht/ so wil Gelts zuverdienen/ denn es ist mich je schwer vnd hart ankōmē/ ich aß dz mir der schweiß außs brach/ als ob es mir leib vnd leben goltē het/ so möcht ich auch nit mehr esse. Die wiertin sagt/ far hin lieber gast/ dz sey dir gschēckē/ kōm nit wider.

S Die

Wunderbarliche Historien/

Die xxxviii. History.

Wie Eulenspiegel gen Rom kam/den
Papist zu besuchen/der in
für ein Rezer
hielt.



Auff das Sprichwort / Als wander ghen
Rom frommer mann / Komb herwider Ne
quam / gedacht auff ein zeit Eulenspiegel /
deszhalben soh er ghen Rom mit lust / sein
Schalckheit auch daselbst zu versuchen / vnd ka
me in ein herberg zu einer witwen / die fragt von
wannen er wer / vnd was er zu Rom außzueich
ten het / Er were ein Sachz / sprach Eulenspie
gel / des halben er gern mit dem Papst wolt zu
reden

reden kommen. Lieber freund antwort die Wier
 tin/ich bin hie geboren vnd erzogen/noch kund ich
 nie mit jm zu reden komen/wie wolt ihrs denn zu
 wegen bringen/ich geb noch drumh hundert Dia
 caten/das ich füglich mit jm in ein gesprech kom
 men möchte. Lieb Wiertin sagt Eulenspiegel/west
 jr mit jm geredt hert/wolt ihr mir auch die hun
 dert Ducaten geben? Die Frau gelobt sie jm/wa
 er das vermöcht. Aber sie vermeint es wer jm vn
 möglich mit dem Papst zureden. Nun weil jedee
 Papst in vier wochen ein Mess in der Capeln ge
 nant Jerusalem zu S. Johans lateran/lesen mu
 ste/erfragets Eulenspiegel/ vnd wie die zeit ka
 me/drang er sich in die Capell/auffs nechst so er
 mocht/zum Papst/stundt bey der Mess/vnnd
 wenn der Papst den segen gab/ker Eulenspiegel
 dagegen den Rucken. Das ward nach dem Auf
 gang der Mess dem Papst angezeigt/der Papst
 schicket nach Eulenspiegeln/vnd da Eulenspie
 gel erschein/fraget in der Papst/ob er ein Christ
 wer? Eulenspiegel antwort sein demütig/ja/wel
 ter fragt in der Papst/was glaubens? Eulenspie
 gel sprach/er hert den glauben/den seine Wier
 tin het/die nennt er bey dem Namen. Die Frau
 ward beschickt/für den Papst gfordert/vnd vo
 ihm gefragt/wes glaubens sie wer/die Wiertin
 antwort/sie het den Christen glauben/vnd was
 jr die Christlich Kirch geböt vnd verböt. Eulen
 spiegel der dabey stundt/hielt sich eusserlich inn
 grosser andacht/vnd sagt/Aller Gnedigster Vat
 ter/disen rechten vnd feste glauben hab ich auch.

Wunderbarliche Historien/

Warumb Erst du denn sprach der Papst/den Ruffen gegen dem Altar in der Stillmess: Eulenspiegel antwort/wie er ein armer grosser Sünder/ vnd vor der Beicht die Sacrament zusehen nicht würdig were/dieser rede nach verlies der Papst Eulenspiegel / der gieng in sein Herberg/vnd begert die hundert Ducaten/ die im gegeben mussten werden. Aber Eulenspiegel bleib ein schalck wie vor/ vnd ward von der Römischen fart nicht viel gebessert.

Die xxxv. History.

Wie Eulenspiegel die Juden von Franckfurdt am Mayn/betrog vmb tausent Gulden/ denn er verkaufft ihn Dreck für Propheten Ber.



En schalck muß den andern sehen vnd betrügen/ Also geschah den betrieglichen iuden zu Franckfurd/ wie Eulenspiegel von Rom dahin kam/ als in der mess/ besah er den handel in der ganzen stadt/ vnd kam für ein wolgekleidten starcken Mann der auß Alexandria Bisam gebracht het/ vnd den auß der massen sehr thewer verkaufft/ gedacht Eulenspiegel. Ich bin auch ein starcker fauler schelm der vngern arbeit/ Fand ich mich so leichtlich ernehren/ so stünde es wol mit mir. Drauff speculiert er die nechste gantze nacht / in dem so strich ihn ein Floh zwischen den Beinen/ dem greiff er nach / vnd er greiff etliche Anötlin im Hindern/ das muß der groben eine sein/ gedacht er/ die man nent Leraluandro/ dauon der Bisam herkömpt/ als er nun des morgens früh auffstund / Kauffet grawen vnd roten Fendel/ band darein die Ber/ Kauffet andere specerey darzu/ vnd richtet einen Aram auff/ darzu kamen viel Leut/ bsahen vnd fragten nach seltsamer Wahr. Aber Eulenspiegel wolt niemands antworten/ lo lang bisz drey reiche Jüde zu im kamen vñ fragten nach der wahr/ den antwort er/ es weren ware Propheten Ber/ das solten sie im versuchen befinden. Die Jüden kerten sich baldt wider vmb/ vnd vnderredten sich/ zu letst da sagt der eldest Jüd/ hieyon möchten wir wissen/ wenn vnser Messias Kommen solt/ Weissagen/ vnd beschloß die Wahr gar auff zukuffen. Traten also wider zu Eulenspiegeln/ vñnd fragten/ was doch mit ein wort ein ber gelten solt. Eulenspie-

Wunderbarliche Historien/

Gel gedacht/ fürwar wie die wahr ist/ also hab ich
Kauffleut/ den Jüden dienet dieser Bisam wol/
vnd sagt zu in/ ich gib eins für Tausent gülden/
wenn jr Hund mir nicht die dafür geben wölt/ so
packt euch hinweg/ vnd lasset mir den Dreck ste-
hen/ auff das sie ohn zorn die wahr vberkommen
möchten/ salten sie im das Gelt/ vnd namen dar
für ein Prophezen ber. Bald liessen sie die Jüden
in jr Synagoga fordern/ da stund auff der elteste
Kabi/ vnd sprach/ sie solten drey tag fasten vnd
beten. Wenn in nach GOTTes willen Prophezen
Ber zuhanden kommen weren/ die solle als denn
einer in Mundt nemen/ vnd von Messia inen zu
Troste Weissagen/ vnd vber drey tag name das
Isaac in Mundt mit grosser Reuerenz/ Da sea-
get in Moses. Lieber Isaac GOTTes diener/ wie
schmecket es doch? Der antwortet/ wir seind von
dem Secken betrogen/ es ist anders nichts denn
Leutsdreck/ Die Jüden schmecketen an die Pro-
pheten Ber/ vnd erkantens erst/ da sie das Holz
so das auff gewachsen/ sahen daran geschmiert
vnd geklebt. Eulenspiegel was aber hinweg/
schlempt vnd dempfft redlich/ dieweil der Jüden
Gelt wert.

Die xxxvj. History.

Wie Eulenspiegel zu Cuendlinburg Käner
Kauft/ vnd da der Bawrin ihren
Khan zu pfand ließ für
das Gelt.

Die



De lent warn erwan nit also schalckhaff
 tig als jetzt / sonderlich die Landlent /
 Auff ein zeit kame Eulenspiegel ghen
 Quendlinburg / da was markt tag / vnd
 het Eulenspiegel nit auslerung / denn wie er sein
 gelt gewan / also gieng es wider hinweg / vnd ge
 dacht wie er wider zerung wolt vberkomen. Also
 saz ein Bewrin da zu Markt / vnd het ein Korb
 vol hāner mit hanen feil / Eulenspiegel fragt was
 das par gelten solt: sie antwort im / das par vmb
 zwen steff an groschen. Eulenspiegel sprach / wolt
 ihr sie nicht neher geben? Sie sprach / Nein / Also
 name Eulenspiegel die Hāner mit dem Korb /
 vnd gienge zum Būrgthor zu. Da lieff ihm die
 Fraw nach vnd sprach / Kauffman / wie sol ich
 das versehen / wilt du mir die Hāner nicht alle
 S iij beza

Wunderbarliche Historien/

bezalen: Eulenspiegel sprach ja/ Ich bin der Ep
tiffin schreiber. Darnach frag ich nit/ wilt du die
Züner haben/ so bezal sie/ ich hab bey der Epti/
stin nichts zuthun/ mein Vatter hat mich gelet/
ich sol von denen nichts kauffen oder zu borg ge/
ben/ vor den man sich muß neigen/ drum bezal
mir die Züner. Eulenspiegel sprach/ Fraw ir seid
von Kleinem glauben/ damit das ir aber des ewe
ren gewisz seid/ so nempt hin den Han zu pfand/
biß ich euch den Korb vnd das Gelt bring / die
gut fraw nam iren Han zu pfand/ aber sie warde
betrogen/ Eulenspiegel bleib gar auß.

Die xxxvii. History.

Wie der Pfarrherr von hohen Egelsheim
Eulenspiegeln ein Wurst fraß.



Zu Sildesheim was Eulenspiegel/ vnd Kauff
 te ein gute rote Wurst/ vnd gieng damit ge
 gen Egelsheim/ da was er wol bekant mit
 dem Pfarherr/ vnd es was am Sontag zu
 morgen/ da hielt der Pfarherr die Frümesz/ auff
 das er zeitlich essen wolte/ also gienge Eulenspie
 gel in des Pfarherrers hausz/ vnd bat sein Magd
 das sie ihm die Wurst kochen wolt/ die Magd sa
 ger ja/ er gieng in die Kirchen/ da was die Frü
 mesz auß/ vñ ein ander pfaff hub die hohmesz an/
 die höret er gar auß/ dieweil was der Pfarherr
 zu hausz gangen/ vnd sprach zu der Magd / ist
 nichts gar gekocht/ das ich ein bitten essen mag/
 Die Magd sprach / es ist noch nichts gekocht/
 denn ein rote Wurst / die Eulenspiegel gebracht
 hat/ die wolt er essen / wenn er auß der Kirchen
 kem/ der Pfarherr sprach/ lang mir her die rote
 Wurst/ ich wil ein bitten danon essen/ die Magd
 langt im die Wurst/ dem Pfarherr schmecket sie
 als wol/ das er sie gar fraß/ vnd sprach zu im sel
 ber/ gseggen mirs Gott/ es hat mir wol geschme
 cket / vnd saget der Magd / gibe Eulenspiegeln
 Speck vnd Kolen zu essen/ als sein art ist. Nach
 dem Ampt/ als es auß was/ da gieng Eulenspie
 gel wider in den pfarthof/ wolt von seiner wurst
 essen/ Nun hieß in der Pfarherr wilkomb sein/
 danckt im für die Wurst/ vnd sagt wie sie ihm so
 wol geschmackt hat/ vnd sagt im Speck vnd Bül
 kraut für. Eulenspiegel schweig still/ als was denn
 da gekocht was / vnd gieng am Montag wider
 hinweg/ der pfartherr rüfft Eulenspiegeln nach/
 S v hörstu/

Wunderbarliche Historien/

hörstu / wenn du wider kompst / so bringe zwo
Würst mit dir / eine für mich / vnd eine für dich /
was du darumb gibst / wil ich dir wider geben /
vnd so wöllen wir redlich schlemmen. Eulenspie-
gel sprach / ja Herr es soll geschehen / vnd gieng
da wider gen Hildesheim / vnd es gieng nach sei-
nem willen / das die Schinder ein todte Saw für-
ten auff die Schelmengruben / da bat Eulenspie-
gel den Schinder / das er wolt nemen Gelt / vnd
wolt ihm zwo rote Würst machen vö der Saw /
vnd salt im dar etlich silberin pfenning / der Schin-
der thet das / da nam Eulenspiegel / vnnnd söde
sie halb / als man Würsten pflegt zuthun / kam
des andern Sontags wider ghen Egelshelm /
vnd traff das der Pfarherr die Frühmets aber
hielt / da gieng er in Pfarthof / vnnnd brachte die
Würst aber der Kellerin / vnd bat das sie die solt
braten auff dem Kost / der Pfarherr solt die eine
haben / vnd er die ander / vñ gieng also in die Kir-
che / sie briet die Würst / da die Metz auß was /
ward der Pfarherr Eulenspiegels gewar / gieng
won stund an auß der Kirchen in den Pfarthof /
vnd sprach / Eulenspiegel ist hie / hat er auch die
Würst gebracht: sie sprach ja / sie seind bald beyd
gebraten / name die ein von der Glut / vnd ward
der Würst auch lustig zu essen / setzten sich beyde
zusammen nider / vnd assen die Würst / da begun-
ten ihnen die Meuler zu scheumen / darzu kompt
Eulenspiegel von der Kirchen / da sprach in der
Pfarherr an / was hastu für Würst bracht / sih /
wie mir vñ meiner Kellerin die meuler scheumen /
Eulens

Eulenspiegel sprach/ Gott gesegens / sprach er/
 euch geschicht nach ewern willen/ als se mir ruf/
 fet/ ich solt zwo Würst bringen/ dauon wolt ihr
 essen/ das euch der Mundt müßz scheumen/ aber
 des schaumens acht ich nit / wo nicht das speien
 hernach kompt/ ich versih mich wol es werd bald
 hernach komen. Wenn daruon die zwo würst ge/
 macht seind/ das was ein Todre Saw/ darumb
 müßz ich das fleisch wol seuffen / vnd daruon
 kommet euch das scheumen. Die Magd hube an
 zu balgen/ vnd speit vber den Tisch/ des gleichen
 der Pfaff/ vnd sprach/ geh bald auß/ mein haufz
 du schalck/ vnd ergreiff ein Knüttel/ vnd wolt in
 schlagen / Eulenspiegel sprach/ das stehet einem
 frommen Mann nit wol an/ ir hiesset mich doch
 die Würst bringen/ vnd habt sie beyd gessen/ be/
 zalt mir doch die zwo/ ich geschweig der dritten/
 der Pfarrherr was zornig/ vnd sprach / er solte
 fürter sein faul Würst selber fressen. Eulenspiegel
 sprach/ ich habs euch doch on ewern danck nicht
 in Leib gesteckt/ auch so möcht ich die würst nit/
 aber die erst het ich wol gemocht/ die habt ir mir
 gessen on meinen wiln/ vnd sprach / alde Pfaff/
 gute nacht.

Die xxxviii. History.

Wie Eulenspiegel dem Pfarrherr zu Ris/
 senburg sein Pferd abredt mit
 einer falschen Weicht.

Böser

Wunderbarliche Historien/



Der schalckheit liesz sich Eulenspiegel nit
verdruessen / zu Rissenburg in dem Dorff
lassen die Bawrn zu gericht / Da wohner
auch ein Pfarherr / der gar ein schöne Kel
lerin het / vnd dartzu ein Klein wacker seuberlich
Pferdt / die hette der Pfarherr alle beyde lieb /
das Pferd als wol als die Magdt. Da was der
Hertzog auß Braunschweig zu der zeit zu Rissen
burg / vnd hett den Pfarherr durch ander Leut
lassen bitten / das er im das Pferd wolt lassen zu
stehen / er wolt ihm dafür geben / das ihn benö
get. Der versagt allzeit dem Fürsten das Pferd /
so dorfft ihm der Fürst auch das nicht nemen las
sen / wenn das gericht was vnder dem Rath von
Braunschweig. Also het Eulenspiegel die ding
wolt gehöret / vnd verstanden / sprach er zu dem
Fürsten /

Fürsten/ Gnediger Herr/ was wolt jr mit schen-
 ken/ das ich das Pferd von dem Pfaffen bringe
 Kanstu das thun/ sprach der Herzog / so wil ich
 dir den Rock geben den ich an hab/ vnd das was
 ein roter schamlot mit Perlin gestickt. Das name
 Eulenspiegel an/ vnd reit von Wolfenbentel in
 das Dorff/ zum Pfarherr in die Herberg / vnd
 was wol bekant in des Pfarherrns Hauss/ wenn
 er bey jm gewesen war. Als er bey dreien tagen
 da was gewesen/ machet er sich als ob er Kranck
 wer/ achzt laut/ vnd leget sich nider/ dem Pfaf-
 fen vnd seiner Magd was leyd/ vnd wüsten nicht
 rath/ wie sie den sachen thun solten. Zu letzt war
 de Eulenspiegel so Kranck/ das ihn der Pfarherr
 ansprach / vnd ermanet in das er Beichten solt/
 vnd Gottes recht nemen. Eulenspiegel was fast
 darzu geneigt/ als fern er in wolt Beicht hören/
 vnd ihn fragen auff das scherppfest. Der Pfaff
 sprach/ das er sein Seel bedecht/ sich bewart das
 jm Götter sein sünd vergeben wolt / wenn er sein
 tage viel abentherer getrieben hette. Eulenspie-
 gel sprach ganz krencklich zu dem Pfarherr / er
 wüste nichts mehr das er gethan het/ sonderlich
 ein sünd die dörfte er jm nicht Beichten/ vnd das
 er jm ein andern Pfaffen brechte/ dem wolt er sie
 Beichten/ Wenn er sie jm offenbarte/ so besorgte
 er/ das er darumb zörnen würd. Da er das hört/
 da meinete er/ es wer etwas darunder verborgen/
 das wolt er wissen. Denn die Pfaffen etwas für-
 witziger sind weder ander leut. Lieber Eulenspie-
 gel sprach er / der weg ist fern / ich kan den an-
 dern

Wunderbarliche Historien/

dem Pfaffen so baldt nicht vberkommen/ vnd so du in der zeit stirbst/ so hertest du vnd ich vor Gott dem Herren die schuldt/ wo du darinn versaumpt wüdest/ sage mir das künlich / die Sünd sol so schwer nicht sein/ ich wil dich danñ absolvieren/ auch was hülf es dz ich böß würd/ ich darff doch die Beicht nicht melden / Eulenspiegel sprach/ wolan/ so wil ich euch Beichten/ sie ist auch nicht so schwer/ es ist mir nur leid das jr zornig werd/ denn es wiffet euch an/ da verlanget dem Pfaffen noch seher/ das er das wissen wolt / vnd sprach zu ihm/ hette er ihm etwas gestolen/ oder schaden gethan/ das ers ihm Beicht / er wölt es im vergeben. Ach lieber Herr sprach Eulenspiegel / ich weiß das ihr darumb zören werd/ doch ich empfind vnd fürcht das ich bald vonn hinnen muß scheiden/ ich will euch das sagen lieber Herr / ich hab bey ewer Magd geschlafen/ der Pfaff fraget wie oft das geschehen wer? Eulenspiegel sagt/ nur fünf mal/ der Pfaff gedacht/ da sol sie fünf drüß vberkommen/ absoluiert ihn baldt/ gieng in die Kammer/ vñ hieß seine Magd zu im komē/ vnd fragt wo sie bey Eulenspiegeln geschlafen hett/ die Magd sprach nein / es ist erlogen / der Pfaff sprach er hat mirs doch Gebeycht/ vnd ich glaubs auch/ sie sprach nein/ er sprach ja / vnd erwünscht ein stecken/ schlug sie Braun vnd blau: Eulenspiegel lag im Beth / lacht vnd gedacht in jm selber/ nu wil es gut werden/ lag den ganzen tag/ vnd in der nacht da ward er starck/ stünd des morgens früh auff/ vnd sprach/ es würd besser/ er wüßt

müßte in ein ander Land / das er rechenet was er
 verzeret het. Der Pfaff rechuet mit jm / vñ was so
 jr in seinem sinn / das er nit wußt was er thet / vñ
 name gelt vñ doch kein gelt / vñ was des zu frie
 den / das er nur wandert / des gleichen auch die Kel
 lerin / die was gleich wol vmb seind willen gschla
 gen / also ward Eulenspiegel bereit / vñ wolt ga
 hen. Herr sprach er / seid ermant das jr die beichte
 offenbart hat. Ich wil ghen Halberstadt zu dem
 Bischoff / vñ das von euch sagen / der Pfaff ver
 gasz seiner boszheit / da er hört dz in Eulenspiegel
 in beschwernuß bringen wolt / da bat er ihn mit
 grossen ernst / das er schweig / es wer geschehen
 in zornigem mut / er wolt jm xx. gülden geben / dz
 er in nit verklagt. Eulenspiegel der sprach nein /
 ich wolt nicht hondert gülden nemen das zu ver
 schweigen. Der Pfaff bat die Magd mit weinen
 den Augen / vñ sprach / das sie ihn fragt / was
 er ihm geben solt / das solt ihm werden. In letzt
 sprach Eulenspiegel / wolt er ihm das Pferd
 geben / der Pfaff het das Pferd gantz lieb / vñnd
 hetz ihm lieber alle sein barschaft geben / vñnd
 verliesz das on sein danck / vñnd die not bracht
 ihn dahin / vñnd gab Eulenspiegeln das Pferd.

Also rheit Eulenspiegel des Pfaffen Pferd
 ghen Wolffenbeutel / da stund der Herzog
 auff der Brücken / vñnd sahe Eulenspiegeln
 mit dem Pferd daher traben. Von stund an so
 ge der fürst den Rock auß / den er Eulenspiegeln
 gelobt hatt / vñnd sprach / Gehin mein Eulen
 spiegel / hie ist der Rock den ich dir gelobt hab.
 Also


Wunderbarliche Hifforten/

Also fiel er von dem Pferd/ vnd sprach/ Gnediger Herr hie ist ewer Pferd/ das was dem Herzogen ein grosser danck/ vnd must ihm erzealen/ wie er das pferd von dem Pfaffen bracht het/ da lacht der Fürst/ vnd was frölich dauon/ vnd gab Kulenspiegeln ein ander Pferd zum Rock/ Vnd der Pfarherr beträbt sich vmb das Pferd/ vnd schlug die Magd oft vbel darumb. Also das im die Magd entlieff/ da ward er jr beyder ledig.

Die xxxix. History.

Wie Kulenspiegel sich verdinget zu einem
Schmid/ vnd wie er im die Belg
in den Hof trug.




 In Kostoek ins land Mecklenburg kam
 Eulenspiegel/vnnd verdingt sich für ein
 Schmidknecht/der selb Schmidt het ein
 sprichwort an jm/wenn der Knecht blas
 sen solt/so sprach er Za ho/folge mit den belgen/
 Also stund Eulenspiegel auff die Belg vnd bliese/
 Da sprach der Schmidt zu Eulenspiegel mit hat
 ten Worten. Za ho folge mit den belgen nach/vnd
 gieng mit den Worten in den Hof / vnd wolt sich
 seins wassers entschütten/also nam Eulenspiegel
 den ein Balg/auff den Hals/vnd folgt dem Mei
 ster nach vnd sprach/ Meister hie bring ich einen
 balg/wo sol ich in hin thun:ich wil dē ändern auch
 bringen. Der Meister sahe sich vmb/vnnd sagt/
 Lieber Knecht ich mein es nit also/geh hin vñ lege
 den balg wider an sein statt/ das het Eulenspie
 gel/vnd trug in wider an sein statt. Der Meister
 gedacht wie er jm dz wider belohnen möcht/vnd
 ward in jm selber zu rath/wie er fünff tag lög al
 le mitternacht wolt auffstehen/die Knecht wecken
 vnd arbeitē. Da wecket er die Knecht/vnd ließ sie
 schutden. Eulenspiegels gspan sagt/ wz meint
 vaser meister damit/das er vns so früh weckt/er
 pflegt es sonst nit zuthun: Eulenspiegel sprach/
 wiltu so wil ich den meister fragen/der sprach ja:
 Da sprach Eulenspiegel/lieber meister wie gehts
 zu das ir vns so frü weckt/es ist erst mitternacht.
 Der Meister sprach/es ist mein weiß/das zu er
 sten meine Knecht acht tag/nicht lenger sollen lī
 gen / des ein halbe nacht. Eulenspiegel schweige
 still/vnd sein gspan dorfft nicht reden/bis an die

Wunderbarliche Historien/

ander nacht/weckt sie der Meister aber. Da gieng
Eulenspiegels gspan zu arbeiten/da nam Eulen
spiegel das Beth/vñ bands auff den Rücken/vñ
als das Eisen heiss was/ so kompt er von der bän
nen gelauffen zum Ambosz/ vnd schlecht mit zu/
das die funcken in das Beth stuben/ der schmidt
sprach/sihe/was machstu da/bist du doll worden/
mag das beth nicht bleiben ligen/da es sol ligen/
Eulenspiegel sprach/meister zornet nicht/das ist
mein weisz/auff ewr wort/dz ich ein halbe nacht
wil ligen auff dem Beth / vñnd die ander halbe
nacht/ sol das Beth auff mir ligen. Der Meister
ward zornig/vnd sprach zu ihm/ das er das beth
wider hin trüg/ da er das genommen hett / vnd
sprach fürter zu im in zorn / gehe mit oben auß
dem Hausz/du verzeiffelter Schaldt/ er sprach
ja/vñnd gieng auff die Bän / leget das Beth wi
der wo ers genommen het/ vnd oberkam ein Lei
ter/stieg in die fürst/ brach das Dach oben auff
den Latten/vnd nimpt die Leiter/zeucht sie nach
ihm/vnd setzet sie von dem Dach auff die strasse/
steigt also hinab/vnd gteng hinweg. Der Schmit
hört das er da oben boldert/vñnd geht ihm nach
auff die Bän mit dem anderen Knecht/vnd sicht
das er das Dach het zerbrochen/vñnd war dar/
durch gestiegen/ da ward er noch böser / vñnd
sucht ein Spieß/lieff im nach auß dem Hausz/d
Knecht ergreiff den Meister/vnd sprach zu ihm/
Lieber Meister es ist nicht also / lasser euch sa
gen/er hat doch nichts anders gethan/denn das
Ihr ihn geheissen habt / wenn ihr redet oder
saget/

Saget/er solte euch da oben auß dem Hauß gehn/
 der Schmidt liesz sich berichten/vnd was wolt er
 darauß machen/denn Eulenspiegel was hinweg/
 vnd muszt der meister das Dach wider pletzen las
 sen/der Knecht sprach/ an ein solchen Man ist
 nicht viel zu gewinnen/wer Eulenspijgeln nicht
 Kennet/der lerne ihn Kennen.

Die xl. History.

Wie Eulenspiegel einem Schmidt/Bem
 mer vnd Fangen / vnd was
 er fand/zusamen
 schmidet.



Wunderbarliche Historien/

Das Eulenspiegel von dem Schmidt kam/
gieng es gegen dem Winter/ vnd der win-
ter wart kalt/ gfreor hart/ vnd fiel ein thew-
re zeit darzu ein. Also dz viel dienstknecht
ledig giengen/ vnnnd da Eulenspiegel kein gelt zu
verzehen/ wandert er fürter/ kam in ein Dorff/ da
wohnet auch ein Schmidt/ der nam in auff für ein
Schmidt knecht/ aber Eulenspiegel het kein gros-
sen lust da ein Schmidt knecht zu bleiben / allein
der grosse hunger vnd Winters not zwang in da
zu vnd gedacht/ leid was du leiden kauft/ so lang
bisz der Singer wider in die lose erd geht / thu
was der Schmidt will/ der wolt in nit gern auff-
nemen vmb der thewrn zeit willen. Da bat Eulen-
spiegel den Schmidt das er ihm zu arbeiten geb.
Nu was der Schmidt ein arg Mann / nam ihn
auff/ vnd gedacht in acht tagen kan er mich nicht
arm essen/ des morgens bgundren sie zu schmiden
vnd der Schmidt drange Eulenspiegeln mit dem
Hammer hefftiglichen bisz an die Malzeit. Da es
mittag ward/ da hett der Schmidt ein Secret in
dē hof/ vnd als sie wolten zu tisch gehn/ so nimpt
der Schmidt Eulenspiegeln / vnd fürer in in den
hof zum Secret/ vnd sagt zu im/ sehin das isz/ du
sprichst/ du wilt essen wz ich wil/ auff das ich die
zu arbeiten geb/ vnd disz mag niemands/ das isz
alles/ gieng also ins Haus/ asz das aller best das
er het/ vnd liez Eulenspiegeln beim scheiszhausz
stehn/ Eulenspiegel schweig still vnd gedacht/ du
hast dich verredt/ vnd das viel andern gthan/ mit
der mazz wird dir wider gmessen. Wie wiltu nun

DAS

das ihm bezalen/es muß bezalt werden/vnd wer
 der Winter noch so hart. Eulenspiegel arbeitet
 für sich biß an den abendt / da gab der Schmidt
 Eulenspiegeln etwas zu essen / denn er hat den
 tag gefastet / vnnnd ihm stack im Kopff / das er
 ihn het zum Secret gawtesen. Da nun Eulenspie-
 gel wolt zu Beth gehn / sprach der Schmidt zu
 Eulenspiegeln/stehe morgen auff/die Magd sol
 blasen / vnd Schmidt eins für das ander/was du
 hast / vnd haw Huffnegel ab/ so lang biß ich auff
 stehe/ da gieng Eulenspiegel schlaffen / vnd als
 er auffstund/gdacht er wolt jm das bezalen/vnd
 solt er biß an die Knie im Schnee lauffen/macher
 ein hefftig Fewr/ nam die Zang/Schweisset sie in
 dem sand löffel/vñ macht sie zusammen/des gleich
 en zwen Hemmer/des Fewrs Spechacken/ vnd
 nam den Kumpff darinn die Huffnegel lagen/
 schutt die Huffnegel darauß/ vnnnd hawt ihm die
 Köpff ab/thet die Köpff zusamē/die stefft auch also/
 vñ nimpt seinen schurtz/da er hört dz der Schmidt
 auffstundt/vñ gehet hinweg. Der Schmidt kam
 in die Werckstadt/vnnnd sihet / das den Neglen
 die Köpff abgehawen waren / vnnnd die Hem-
 mer/Zangen vnnnd alle ander stücke zusammen ge-
 schmidt vnd gebracht / da ward er sehr zornig/
 vnnnd rufft der Magd / wo der Knecht hinkom-
 mē were/sie sagt/er were für die Thür gangen/
 der Schmidt sprach/er ist gangen als ein Böß-
 wicht vnnnd ein Schalck/wiszt ich wo er wer/ich
 wolt ihm nach reiten / vnnnd ein gute schlappen
 schlagen. Die Magd sagt/er machet etwas vber

Wunderbarliche Historien/

die Thür/da er hinweg gienge/das sieht wie ein
Eul. Denn Eulenspiegel hat die gewonheit/ wo
er ein Häberey thet/da man in nicht kant/da na
me er ein Arciden / vnd malet vber die Thür ein
Eul/vnd ein Spiegel/ vnd schreibe darüber zu
Latein. Hic fuit / vnd das malet er auch auff des
Schmidts thür / als nun des morgens der Schmidt
auffs dem Hausz gienge/da fand er das also/ wie
ihm die Magd het gesagt / wie der Schmidt die
Schriften nicht lesen kundt / gienge er zu dem
Kirchherren/vnd bat ihn das er mit ihm gieng/
vnd das gemeld lese/da sprach er zum Schmidt/
das bedeut so viel/hie ist Eulenspiegel gewesen/
Der Kirchner het viel gehört von Eulenspiegel sa
gen / vnd schalt den Schmidt / das er ihm das
nicht zu wissen het gthan/das er ihn doch auch ge
sehen het. Da ward der Schmidt zornig auff den
Kirchherren vnd sagt/ wie wolt ich euch das zu
wissen thun / das ich selber nicht wusst. Aber ich
weiß nu wol/das er in meinem Hausz gwesen ist/
das sieht man an meinem Werkzeug wol/wenn
er nur nimmer kem/daran ist Kleine macht/ vnd
nimmet die Kolquest/ vnd wäschet das vber der
Thür auß/vnd sagt/Ich will keines Schalcks

Wappen an meiner Thür haben. Also

gieng der Kirchherr von dannen/

vnd ließ den Schmidt stehn

Aber Eulenspiegel

bleib auß/vnd

Kam nit her

wider.

Die xli. History.

Wie Eulenspiegel einem Schmitze / vnd seiner
 Frawen / dem Knecht / vnd der
 Magdt / jeglichem ein
 warheit saget /
 vor dem
 hausz.



SOr Wiszmar kam Eulenspiegel auff ein
 tag / als er von dem Schmitz entlieff /
 da sah er vor der Schmitzen stehn ein seu-
 berliche Fraw / mit der Magdt / vnd was
 des Schmitz Fraw / da zog er ein dargegen vber
 zu Herberg / vnd brache inn derselbigen Nacht
 seinem Pferdt alle vier Zuseisen ab / vnd fährt
 G iij das

Wunderbarliche Historien/

Das auff den morgen für die Schmidten / vnd er ward bekant/als er nu für die Schmidt kam/vnd das sie solten sehen/das es Eulenspiegel was/da kam die fraw vnd die Magd für das Haus/auff ein Dielen/das sie möchten sehen vnd hören/was Eulenspiegels handlung wer.Da hub Eulenspiegel an vnd sprach zu dem Schmid/ob er jm wolt sein Pferd beschlagen/ja sagt der Schmid/ vnd was jm lieb dz er mit jm reden mocht/vñ mit vil anderen Worten kamen sie zusammen / das der Schmid sagt / wenn er jm köndte ein warheit sagen/das warhafftig wer/ so wolt er sein Pferd ein Zuf Eisen auffschlahen. Er sagt ja/wenn ihr habt Eisen/Kolen/vnd Wind in dem Balg/so könd jr wol schmiden/der Schmid sagt/ das ist trawen war/ vnd gabe ihm ein Zuf Eisen / Der Knecht schlug jm das eisen auff/vnd sagt zu Eulenspiegeln bey dem Notstal/ könd er auch ein war wort sagen/das in antreff/so wolte er auch sein pfert ein hufeisen gebē. Eulenspiegel antwort ja/vnd sagt / ein Schmidknecht vnd sein Gesell/die müssen beyd hart stehen/wenn sie zu wercken wöln gehn/der Knecht sprach/ es ist war / vnd gab jm auch ein eisen. Das sah nu die Fraw vnd die Magd/vnd drungen sich herzu/ das sie auch mit Eulenspiegel zu reden kamen/ vnd sprachen zu ihm / ob er ihn auch ein warhafftiges Wort köndt sagen : sie wolten ihm auch ein jegliche ein Zuf Eisen gern geben. Eulenspiegel sagt ja/vnd sprach zu der Frawen/Welche Frawen viel vnd ein grosse menig vor der Thür stehen / vnd auch welche

welche viel weisses in den Augen haben / hett sie zeit vnnnd statt / es wer nicht alles Fisch auff dem Grad. Die Fraw sprach / das ist in trewen war / gab ihm auch ein Eisen / darnach sager er zu der Magd / Megdlin wenn du issest / so hat dich vor Rindfleisch / so darstu nicht in den Zenen Gräb- len / vnd thut dir auch der Bauch nicht weh. Die Magd sagt / ey wie ein wahr Wort ist das / vnd gabe ihm auch ein Eisen. Also rheit Eulenspie- gel von dannen / vnd ward im sein Pferdt wol be schlagen.

Die ylij. History.

Wie Eulenspiegel bey ein Schumacher dienet / vnd ihn fraget / was Form er zuschneiden solt: Vnd wie der Meister sprach / groß vnd Klein / wie der Sewhirt zum Thor aufztreibt / also schneid er Ochsen / Rüh / Kels- ber / Schaf.

Was ein Schuhmacher daselbest / der gieng viel lieber auff dem Marckt vmb schleichen / denn das er arbeitet / welcher den Eulenspiegel auffnam / vnd hieß ihn zuschneiden. Eulenspiegel fraget den Meister / was form er haben wolt. Der Schumacher sagt / schneid sie groß vnd Klein / wie es der Schwein-
G v hirt

Wunderbarliche Historien/



hirt außz dē dorff sagt. Er sagt ja. Der schumach
er gieng außz/ vnd Lulenspiegel schneid zu/ mach
et von dem Leder / Ochsen / Kalber / Schaaf /
Geiß / Bock / vnd allerley Vieh. Der Meister
kam des abends heim / vnd wolt sehen was sein
Knecht zugeschnitten hette / da fande er diese
Thier von dem Leder geschnitten / er ward bößz /
vnd sprach zu Lulenspiegel. Was hast du dar
auß gmacht / vnd das leder also vnnütz zerschnit
ten: Lulenspiegel sagt. Lieber Meister ich habe
das gemacht / als ihr es gerne habet. Das du
das soltest verderben / hab ich dich nicht geheis
sen. Lulenspiegel saget. Meister was ist des
zorns not / ihr sagt zu mir / ich solte von dem Le
der schneiden klein vnd groß / wie es der schwein
hirt zum Thor aufstreibt / das hab ich gethan /
DAS

Das ist offenbar. Der Meister sprach/ ich meiner
 vnd also/das solten Klein vnd groß Schuh sein/
 vnd soltest die nehen / einen durch den andern.
 Eulenspiegel sprach/herr ihr mich das geheissen/
 so het ichs geren gethan/vnd thu das noch gern/
 nu Eulenspiegel vnd sein Meister vertragen sich
 mit einander/vnd gab im das zu schneiden/weiß
 Eulenspiegel gelobt im / er wolt es nun machen
 wie er es haben wolt/das ers im nur recht sagt/
 der Schumacher schneidet Solen / vnd legt sie
 Eulenspiegeln für / vnd sagt / Nehin / nehe die
 Kleinen mit den grossen/ ein durch den andern/er
 sagt ja/vnd fieng an zu nehen/ vnd sein Meister
 zörnet mit dem aufzgehn/ wolt Eulenspiegel ver
 warn/vnd sehen wie er das machē wolt/wenn er
 wußt was er in geheissen het/das er es also thun
 wüß/als er auch thet/ nach des meisters heissen.
 Eulenspiegel nam ein Kleinen Schuh vnd ein gros
 sen/stach den Kleinen durch den grossen/ vnd ne
 het sie also zusammen / vnd als der Meister nun
 schleichen gieng/das was es ihm leid/das er sein
 solt gewar werden/vnd sahe das er einen Schuh
 durch den andern nehet / da sprach der Meister/
 du bist mein rechter Knecht/du thust alles was ich
 dich heisz. Eulenspiegel sagt/ wer thut was man
 ihn heisz/der wird nicht geschlagen/was anders
 möglich zu thun ist. Der Meister sprach/ja mein
 lieber Knecht/ das ist also/meine wort die warē al
 so/aber mein meinüg was nit also/ich meiner du
 soltest ein par Schuh vmb das ander machen/
 aber du thust nach des worten/ vñ nicht nach der
 meinung/

Wunderbarliche Historien/

meinung vnd ward zornig/vnnd nam im das zu
geschnitten leder/vnd sagt / sehin da hastu ander
Leder/ schneid die schuh vber einen Leisten/ ge-
dachte nicht weiter darauff / wenn ihm was not
aufzuzugehen. Der Meister gieng nach seinem
Gwerb/vnd was ein stund aussen/da gedacht er
erst/was er sein Anecht het geheissen/die Schuh
zu schneiden/vber einen Leisten. Er ließ alle sein
Gwerb stehen/ lieff eilends zu hausz. Eulenspie-
gel als dieweil/vnd het das Leder genommen/vnd
schneid das Leder alles vber den kleinen Leisten.
Da nun der Meister kam/ da sah er / das er die
Schuh alle vber einen leisten geschnitten het/ da
saget er zu ihm / wie: gehört der groß: Schuh zu
dem kleinen? Eulenspiegel sprach ja/wolt jr doch
das haben/ich wil sie noch wol hernacher mach-
en/vnnd schneiden den vordern nach / der Mei-
ster sprach/ besser köndt ich kleiner Schuh schnei-
dē nach den fördern/ denn ein größern nach dem
kleinen/ du nimpst ein Leist / vnnd der ander ist
zu nicht gemacht / Eulenspiegel sagt / trawen
Meister/ ihr hießet mich/das ich die Schuh solt
zuschneiden vber ein Leisten / Der Meister sagt/
ich hieß dich wol so lang/ dz ich mit dir müß an
Galgen lauffen/vnd sprach fürter/das er im das
Leder/ so er verderbt het / solt bezalen/wo er an
der Leder solt nemen: Eulenspiegel sagt/der Ger-
ber kan des Leders noch mehr machē/ stund auff
vnd gieng zu der Thür / vnd keret sich im Hausz
vmb / vnd sprach/ Komb ich nicht wder / so bin
ich hie gewesen/vnd gieng hinweg.

Die ylij. History.

Wie Eulenspiegel einem Bawren eine Suppen
begoss vnd thet viel stinckend Fisch
feiszt darauff / für Brats
schmalz.



Wls Eulenspiegel viel schalckheit den Schu
machern gethan / vnd außgericht hett / da
kame er ghen Staden / verdingt sich aber
mals zu einem Schumacher. Als er nu den
ersten tag arbeiten solt / gieng sein Meister auff
den Markt / vnd kauft ein Suder holz / vnd ver
hieß dem Bawren ein Supp zu geben / zu dem
Gelt / vnd bracht den Bawren mit dem holz für
sein Kaufz. Da fande er niemandt darinn / denn
die Frawe vnd Magd waren außgangen / vnnnd
Eulen

Wunderbarliche Historien/

Eulenspiegel war allein im Hausz / vnd neher
Schuh / da was dem Meister not wider auff den
Markt zu gehen / befah er Eulenspiegel / das
er nem was er het / vnd machet den Bawren die
eingedingte Suppen. Eulenspiegel sagt ja / der
Bawr warff das Holz ab / kame in das Hausz /
vnd Eulenspiegel schnetz in die Schüssel / vnd
fand niergend feyst in dem Schanck / so gehet er
zu dem Behalter / darinn das schmeckend Fisch
schmaltz was / vnd begozz damit die Suppen / der
Bawr begundt zu essen / vnd schmecket das es
vbel stanck / doch so was er hungerig / vnd aß die
Suppen / in dem so kame der Schumacher / vnd
fraget wie ihm die Suppen geschmackt het: Der
Bawer sager wie new Schuh / hiemit gieng der
Bawr auß dem Hausz / da ward der Schumacher
er lachen / vnd fragt Eulenspiegel / wo von er
den Bawren die Suppen hett begossen: Eulen-
spiegel sagt / ihr hiesset mich / ich solt nemen was
ich hett. Nun hett ich anders nichts / den Seefisch
schmaltz / damit hab ich dem Bawren die suppen
begossen / den ich besahe vberal in dem Schanck /
vnd fand kein feystre / da nam ich was ich hett.
Der Schumacher sagt / Nun das ist recht / es ist
den Bawren gut genug.

Die yltij. History.

Wie ein Striffelmacher zu Braunschweig Eulen-
spiegel seine Striffeln spicket / dem er
die Fenster auß der Stun-
ben stiesz.



Eristoffel hieß ein Stiffelmacher zu Braun-
 schweig auff dem Kolnmarck zu dem gieng
 Eulenspiegel/ vnd wolt seine Stiffel lassen
 schmieren / sprach Meister / wenn ihr mich
 wolt diese Stiffel spicken/das ich sie wol auff den
 Montag wider haben möcht: der Meister saget
 ja/Eulenspiegel gieng wider auß dem hausz/vnd
 gedacht niergends an / als er hinweg was / Da
 sprach der knecht / meister das ist Eulenspiegel/
 der jederman zu schalckhafftig ist / vnd wenn ihr
 ihm das also befolhen hetten / also wie er denn
 euch das geheissen hat/das thet er/ vnnd ließ es
 nit. Der meister sprach/wz hat er mich geheissen?
 der knecht sagt/er hieß euch die stiffel spicke/ vnd
 meint schmieren/nun wolt ich sie nit schmieren/ich
 wolt sie spicken / als man die Draten spicket.

Des

Wunderbarliche Historien/

Der Meister sagt / das wollen wir thun / als er
vns geheissen hat/vnd nimpt den Speck/schneid
ihn/vnnd spickt damit die Striffel / als ein Bra
ten. Vnnd Eulenspiegel kompt am Montag wi
der / vnnd fragt ihn ob die Striffel bereit weren?
Der Meister hett sie an die Wand gehendct/vnd
zeigt sie ihm/vnd sagt/da hangen sie. Eulenspie
gel sahe / das die Striffel also gespickt waren/
vnd ward lachen/vnnd sagt/wie seind ihr so ein
frommer Meister/ habt ihr sie gemacht / als ich
enck hab geheissen? Was wolt ihr dafür haben?
Der Meister sprach ein alten Groschen. Eulen
spiegel gab ihm den alten Groschen / vnnd nam
seine Striffel also gespickt / vnnd gieng zu dem
Hausz auß/vnd der Meister vnd der Knecht/die
sahen vnd lachten im nach / vnd sprachen vnder
einander/ das solt im nicht geschehen sein / nun
ist er gekafft. Mit dem so laufft Eulenspiegel da
her zu dem hausz/vnd stößt den kopff vnd schul
tern in das Glaszfenster / denn die Stub stunde
auff der Erden / vnd sprach zum Striffelmacher/
Meister was ist das für Speck / den ihr zu mein
Striffeln gebraucht habt? Ists Speck von einer
Saw/oder von ein Eber: Der Meister verwun
dert sich mit dem Knecht. Zu letß sah er/ das es
Eulenspiegel was/der im Fenster lag/vnd stieß
mit den kopff vnd den Schultern die tassel der
fenster wol halber auß/das sie zum Schumacher
inn die Stuben fielen. Der Meister was zornig/
vnd sprach/wie du Verhäter / wilt du das nicht
lassen/so will ich dich mit diesem Anüttel für den
Kopff

Kopff schlahe. Eulenspiegel sprach/ Lieber Meister erzehret euch nit/ ich wisset gern was das für speck wer/ damit jr mir die Stüffel gespickt habt/ ist das von einer Saw oder von einem eber. Der Meister ward zornig / vnd sagt zu ihm/ das er ihm sein Fenster vnzerbrochen liesz/ Eulenspiegel sprach / wolt ihr das nicht sagen was es für Speck ist/ so musz ich gehn ein andern fragen. Also sprang Eulenspiegel wider auß dem Fenster/ vnd ward der Meister zornig auff sein Knecht/ vnd sprach zu im/ den rath gabstu mir / nun gib mir auch ein rath / das meine Fenster wider gemacht werden. Der Knecht schweig still/ der Meister ward vnwillig/ vnd sprach / wer hat nu den andern gefferet. Ich hab allwegen gehöret / wer mit Schalcksnarren beladen ist/ der sol die schlüpfen abschneiden/ vñ sol sie lassen gehn/ het ich dz auch gthan/ so weren meine fenster blieben ganz stehn/ der Knecht musz darumb wandern/ vñnd zohe in Flandern/ liesz den Meister sitzen / vñnd macht in also witzig.

Die xlv. History.

Wie Eulenspiegel einen Schumacher zu Wisznar/ Dreck für Dalch verkaufft/ der gefroren was.

Wiff ein zeit thet Eulenspiegel ein Schumacher zu Wisznar grossen schaden/ vnd verderbet ihm viel Leders/ das der gut mann ganz traurig was / vñ das vernam Eulenspiegel/

Wunderbarliche Historien/



Spiegel/ vnd kam wider gen wismar/ vnd sprach denselben Schumacher den er schaden ghan hat wider an/ wie das ihm ein grosse last Leders vnd Schmalz kommen würde/ da wolt er ihm guten Kauff vnd wolfeil geben/ auff das ds er auch sein verlornen schaden wider nach solt kommen. Der Schumacher sagt ja/ das thustu billich/ denn du mich damit zu ein armen Mann gemacht hast.

Wenn dir das gut Kompt/ bit ich dich fleissig/ so sag mirs zu/ drauff schieden sie von einander/ Nun was es in Winters zeiten/ wenn die Schinder die heimlichen Gemach reinigen/ zu den kam Eulenspiegel/ vnd gelobt in par Gelt/ das sie im zwölff Thunnen wolten fällen mit Matery / die sie sonst pfelegen in das wasser zuführen. Die Schinder theten also/ schlug ihm jede Thunn voll/ biss auff

auff vier finger breit/ vnd lieffen sie stehn/ so lang
 das sie hart/ gestoren waren/ Da holt sie Eulen-
 spiegel hinweg/ vnd auff sechs thunnen begoss er
 oben das dick mit Dalch/ vnd schlug sie hart zu/
 liesz sie zu dem Gilden Stern in sein herberg füh-
 ren/ vnd schickt dem Schumacher ein boten. Da
 er kam/ schlugen sie das gut oben auff/ das gestiel
 de Schumacher wol/ sie vertrugē sich des kauffs/
 das der Schumacher Eulenspiegeln gelt solt ge-
 hen rrtig. Gilden/ darauff solt er ihm bar gelt ge-
 ben 14. Gilden / das ander in einem jar. Eulen-
 spiegel nam das gelt vnd wandert / den er forcht
 das end. Der Schumacher empfienng sein gut/ vñ
 was frölich/ als einer der seins verlornen schadēs
 oder schuldt wider zu kompt/ vnd bate vmb hilff/
 das er des andern tags wolt leder schmierē. Die
 Schumacher knecht kamen starck/ den sie sich ei-
 nes guten Tropffs vermessen herten/ vnd begund-
 ten das werck anzufahn/ vnd mit heller stimm zu
 singen/ als denn auch der Schumacher weiß ist.
 Als sie nun die Thunnen zu dem Feuer brachten/
 vnd fieng an warm zu werden/ da gewunnen sie
 gleich wider ihren natürlichen geschmack/ vnd ge-
 ruch/ da sagt je einer zu dem andern/ ich mein du
 hast in die hosen geschiffen. Der Meister sprach/
 ewer einer hat in ein Dreck gerretten/ wñs art die
 Schuh/ es stinckt auß der massen sehr vbel / sie
 sucheten vnd forscheten all hin vnd her / sie fun-
 den aber nichts / begundten das schmaltz in ei-
 nen Kessel zuthun/ vñ wolten schmierē/ vñ je tieff
 er sie drein kamen/ je sehr es stäck/ zu letzt wurden

Wunderbarliche Historien/

sie es innen/ vnd liessen die arbeit stehn. Der mei-
ster mit den Gefellen liessen Eulenspiegel zu be-
sachen/ zu bekümmern vmb den schaden/ aber er
was mit dem Gelt hinweg / vnd sol die anderen
zwölff Gilden noch holen. Also must der Schuh
macher sein Tuisen mit dem Dalch auff die schel-
mengeub fürn/ vnd kam zu zwifeltigem schaden.

Die vlvj. History.

Wie Eulenspiegel zu Limbeck ein Bierbräher
ward/ vnd het ein Hund der hieß Hoppff/
den sod er für Hopffen.



Zu thettig macht sich Eulenspiegel mit seiner
arbeit / aber verdtenet offft nit viel dancks/
wie man denn spricht. Auff ein zeit came er
ein

ein mal gen Limbeck / vnd verdinget sich zu einem Bierbräuer. Es begab sich/das der Bierbräuer zu einer Hochzeit wolt gehen/vnd befahl Eulenspiegeln/er solt mit der Magd Bier brähen/auff den tag wolt er im zu hilff kommen/vnd vor allen dingen solt er fleisz haben/vnd den Hopffen wol sieden / auff das das Bier scharpff darvon schmecken würd. Eulenspiegel sprach ja/er wolt das best thun/ mit dem gieng der Bierbräuer mit seiner Hausfrawen zu der Thür auß/ Eulenspiegel begundt fast zu sieden/ die Magd vnderrichtet in/ denn sie mehr verstandts darauff het denn er. Da es nu kam/das man den Hopffen sieden solt/ da sprach die magd/ach lieber den Hopffen zu sieden thustu wol allein/vergönne mir/ das ich ein stund den Tanz besehen mag. Eulenspiegel saget ja/ vnd gedacht/geht die magd auch hinweg/so hast du ein schalckheit macht. Nun het der Bräuer ein grossen Hundt/der hieß Hopff / den name er als das Wasser heiß war/ vnd warff in darein/ vnd ließ ihn wol versieden / das ihm Haut vnd Haar abgieng / Als nun die Magd widerumb heim gieng/ wolt Eulenspiegeln zu hilff komen/ da sagt sie/lieber Bruder es ist genug/schlag ab. Als sie nun den Seibkorb fürschlug / begundten ein schufen nach der andern einschlagen/ da sagt die Magd/ hast du auch den Hopffen darein gethan/ich vernimb noch nichts in meiner schufen/ Eulenspiegel sprach/ auff dem grund wirstu den finden/die Magd fischet darnach/ vnd oberkam das Reß auff der Schufen/vnd begund laut zu

S ich schreien/

Wunderbarliche Historien/

Schreien / ey behüt mich Gott/was hastu daretu
gethan/der hencfer trinck das Bier. In dem kam
der bräuer wol gruncken/vñ sprach/was thut je
nuu mein lieben Rinder: die Magd sprach / ich
weiß nicht was den Teuffel wie thun/ich gieng
ein halbe stundt den dans zu besehen/vñ hieß vn
seru newen Anecht dē Hopffen diweil gar sieden/
so hat er vnsern Hundt gar gefortten / hie möget
je wol seinen Käcken sehen/Eulenspiegel sag: ia je
habt michs doch geheißt/ist es nicht ein plag/ich
thu wz man mich heißt/theren ander leut Gsind
halber das man sie hieß/ sie lieffen sich benügen/
nam vrelaub/vnd schied von dannen.

Die xlvij. History.

Wie Eulenspiegel sich zu einem Schneider
verdingt/vnd wie er vnder
einer Bätten
nehet.

WIE Eulenspiegel Ez ghen Berlin / da ver
dinget er sich für ein Schneiderknecht/als
er nun auff die Werckstadt saß / sagt der
Meister zu ihm/Anecht wiltu nehen so ne
he eng vnd wol/das mann es nicht sieht.Eulens
piegel sagt ja / nimpt ein Nadel vnnnd Gewand
vnnnd freicht vnder ein Bätten / vnnnd stept ein
nat vber ein Antel/vnnnd begunde darüber zu ne
hen/der Schneider stundt vnnnd sahe das an/vnd
sprach zu ihm.Was wiltu thun: das ist ein selts
ams vnnnd wunderbarliches Tehwerck / das du
machst.Eulenspiegel sprach/Meister ihr sagt/ich
solt



solt neben das man es nicht sehe / so sibet es nie-
 mand / der Schneider sprach / mein lieber Knecht /
 hör auff vnd nehe nit mehr also / vnd sahe an zu
 nehen dz man sehen kan. Das weret also ein tag
 oder drey / darnach kam es auff ein nacht dazu / dz
 der Meister müd ward / vnd wolt zu Beth gehn /
 da lag ein grawer Bawrn Rock halb vngeneht /
 den warff er zu Eulenspiegeln vnd sagt / schin / vñ
 mach de Wolff recht auß / vnd geh darnach auch
 zu Beth. Eulenspiegel sagt ja / geht nur hin / ich
 wil jm recht thun. Der Meister gieng zu Beth /
 vñnd gedacht niergendts an. Eulenspiegel nam
 den Rock / schneid in auff / vnd macht darauß ein
 Kopff als ein wolff / dazu leib vnd bein / vnd sperrt
 das von einander mit stecken / das sahe ein wolff /
 3 iij gleich /

Wunderbarliche Historien/

gleich / vnd gieng auch zu Beth. Des morgens
frund der Meister auff / vnd weckt Eulenspiegel
auch / vnd sind diesen wolff im Gaden stehn. Der
Schneider verwundert sich / doch sah er wol das
er gemacht was / also Kompt Eulenspiegel dazu /
da sprach der Schneider / was den Teuffel hastu
drauß gemacht? Er sprach ein Wolff / als jr mich
hießet. Der Meister sagt / solchen Wolff meinet
ich nicht / nur den grawen Bawrn rock / nit ich
ein Wolff. Eulenspiegel sprach / lieber meister dz
wizst ich nicht / het ich aber gwizst das ewer mei-
nung also gewesen wer / ich het lieber den rock ge-
macht denn den Wolff. Nun der Schneider was
des zu Frieden. Also schickt es sich vber vier tag /
das der meister des abents aber müd ward / vnd
gern geschlaffen het / vnd daucht in / es wer dem
Anecht noch zu früh schlaffen zu gehn / vnd lag
ein rock da / der was gemacht bisz an die Ermel.
Da nimpt der Meister den rock vnd die Ermel /
vnd warff den zu Eulenspiegeln / wärff die ermel
noch an den Rock / darnach geh auch schlaffen.


Eulenspiegel sagt ja / vnd hieng den Rock an
ein Hacken / vnd zündet zwey Liechter an / auff
jede Seiten eins / vnd nimmet ein Ermel / vnd
wärff den an den Rock / vnd wenn zwey liechter
verbrant waren / zünd er andere an / vnd warff al-
so die ermel an den rock / bisz an den morgen. Da
frunde der meister auff / vnd kam in laden. Eulen-
spiegel erschraek nit vor dem Meister / vnd warff
also für vnd für mit den Ermeln / der Schneider
frund vnd sah das an / vnd sprach / Was den
Teuffel

Teuffel machstu da für ein Gauckelspiel: Eulenspiegel sprach ernstlich/das ist mir kein Gauckelspiel/ich bin die ganze nacht gestanden/vnd hab sie daran geworffen/sie wöllen nicht dran kleben bleiben/es wer besser gewesen/ jr het mich lassen schlaffen gehn/denn das jr sie mich hieser erst anwerffen/vnd wiszten das es verlorn arbeit was. Der Schneider sprach/ist das nun mein schuld/vn wist ich das du das also verstehn woltst:ich meinet nicht also. Da sagt Eulenspiegel/das hab der Teuffel den lohn/pflegt jr ein ding anders zu sagen/denn jr das meinet/wie können ihr das so eben reimes/hett ich die meinung also gewiszt/ich wolt die Ermel wol gut angenehet haben/vnd het doch ein par stunden geschlaffen/so mögt jr jetzt den tag sitzen vnd nahen/so ich wol schlaffens bedürfft/ich will auch gehn schlaffen. Der Meister sprach/kein/mir nit also/ich will dich nit für einen Schloffer halten/vnd wurden also zanken/das der Schneider in dem zank Eulenspiegeln ansprach/vmb die Liechtere/er solte ihm die bezalen/so er ihm darüber verbrant het. In dem so rafft Eulenspiegel sein ding zusammen/vnd wandert darvon.

Die vliiij. history.

Wie Eulenspiegel drey Schneider knecht von einem Laden fallen macht/vnd darnach zu den Leuten sagt/der Wind hett sie herab gewehet.

Wunderbarliche Historien/



Bey dem Markt zu Brenburg was Eulenspiegel zur herberg/ wol rittig. tag. Vnd hart darneben wohnet ein Schneider. der het drey Knecht sitzen auff ein laden/ vnd wenn Eulenspiegel für sie gieng/ spotten sie sein allwegen/ oder warffen im fetzen nach. Eulenspiegel der schweige still/ vnd wartet der zeit / auff ein tag/ da der Markt voller Leut was/ vnd in der nacht daruor/ da seget Eulenspiegel die Laden pfoften vnden ab/ vnd liesz sie auff dem nidersten stein stehn / des morgens legten die Schneidertknecht den Laden auff die Pfoften/ vnnid sassen darauff vnd neheten / da nun der Schweinhirt auffbließ / das jederman sein Schwein ließe aufztreiben / kamen des Schneiders Sew auch auß seinem Hauß / vnd giengen bald vnder das Fenster/

Fenster / vnd begundten sich zu reiben an die La-
den Pfosten / so das die Pfosten wichen von den
reiben vnder dem Laden / das die drey Buecht
von dem Fenster auff die Gassen hart fielen / Eu-
lenspiegel nam jr war / begund laut schreien vnd
ruffen / sihe / sihe / der Wind wehet drey Schnei-
derknecht von dem Fenster / vnd ruffet laut / das
mann es vber den ganzen Markt höret / vnd die
leut / ruffen darzu / lachten vnd spotten jr / vnd die
Knecht schempten sich / vnd wisten nicht / wie sie
von dem laden oder fenster waren komen. In leuff
da wurden sie des jnen vnd gewar / das die La-
den pfosten waren abgesetzt / vnd merckten wol /
das es in Eulenspiegel ghan het / da schlugen sie
vnder Pfl darunder / vnd dorfften sein nit mehr
spotten.

Die vlij. History.

Wie Eulenspiegel die Schneider in dem ganzen
in Sechsischen Landt beschreiben lieff / wie er
sie wolt ein Kunst leren / die solt
inen vnd ihren Kinds
Kindern gut
thun.

Erz versamlung der Schneider beschreib
Eulenspiegel auß in die windischen sted /
vnd in das land zu Sachsen / als nemlich
in dem Landt zu Holstein / Pommern /
Stetin / vnd Meckelburg / auch den zu Lhbeck
vnd Hamburg vnd auch denen zu Wisimar vnd
ermant

Wunderbarliche Historien/



ermant sie im Brieff grosse trew/ so er zum hand
werck trug/ vnd das sie solten zu im Komen in die
Stad Rostock/ er wolt sie ein Kunst leren die solt
in vnd iren Kindern zu ewiger Gedechtnisz/ vnd
diaweil die Welt stünde nützlich sein. Die Schuel
der in den Stedten vnd Dörffern / die schrieben
einander zu/ wie ihr meinung wer / auff ein zeit
dahin zu Komen. Nun waren sie alle versamlet/
vnd ein jeden verlanger / was doch das möchte
sein/ das Eulenspiegel saget/ oder für ein Kunst
lernen wolte/ nach dem er sie so scharpffe verma-
net / vnd nach ihn geschriben hette / kamen
also zusamen ghen Rostock/ nach ihrem abschei-
den/ das sich viel Laut verwunderten / was die
Schneider da thun wolten. Als nu Eulenspiegel
hort das im die Schneider gefolgt hetten/ liefs er
sie

sie alle zusamen komen. Da sprachen die Schnei-
der Eulenspiegeln an / sie weren dar kommen/
vnd hetten ihm gefolgt nach seinem schreiben. Da
ein er vermeldt herr / wie er sie ein Kunst wolt le-
ren / das ihnen vnd ihren Kindern zu gut solt
kommen vnd baten ihn / das er sie wolt fördern
die Kunst offenbaren / vnd an tage thut / sie wol-
ten im ein gut schäck thun. Eulenspiegel sprach /
Ja / Kommet all zusamen auff ein wisen / das ein
jedt dz von mir hören kan. Sie kamen also zusa-
men auff ein weiten plan. Eulenspiegel steig auff
ein Hauß / sahe zum Fenster auß / vnd sprach.

Erbarn Menner / des Handwercks der Schnei-
der / ihr sollen mercken vnd verstehen / wenn ihr
habet ein Scher / Kleen / Faden / vnd ein Finger-
hut / darzu ein Nadel / so haben ir Gezeugs gnug
zu ewrem Handwerck / das ist kein Kunst zu vber
kommen / sonder es schickt sich selber / solt je an-
ders ewer Handwerck brauchen. Aber diese Kunst
habet von mir / vnd gedencet mein dabey / wenn ir
die Nadel gefedmet habt / so vergesset nicht / das
ir an dz ander ende des Fadens ein Knopff mach-
et / oder ir stechet manchen stich vmb sonst / so het
der Faden kein versach / das er auß der Nadeln
wäschet. Ein Schneider sahe den andern an / vñ
sprachen zu einander / die Kunst wissen wir allo-
vor wol / vnd alles was er vns gesagt hat / vnd
fragenen ihn / ob er etwas mehr zu sagen het-
den der Fantasoy wolten sie nit sehen oder zwölff
Meilen nachgezogen sein / vnd dazu einander bot-
ten geschickt habet / diese Künste haben wir Schnei-
der

Wunderbarliche Historien/

der lang wol gewiszt. Darauff antwort in Eulenspiegel vnd sprach/Was vor Tausent jarn gschehen ist/dz wer niemant ein gedenck/auch sprach er/wer es ihn nicht zu danck / das sie das nemen für vnwillen/vnd jeder gieng da er herkommen was. Da wurden die Schneider zornig auff ihn/die von weitem kommen waren. Also giengen die Schneider von einander / ein theil waren ganz vnwillig/das sie so fern gangen waren/ die mit hausz da woneten/ die lachten vnd spotteten der andern /vnd sprachen/habt ihr nicht gewiszt was Eulenspiegel für ein vogel gewesen ist.

Die I. History.

Wie Eulenspiegel Wollen schlug an ein Heiligen tag.

WIE Eulenspiegel gehn Stendel kame/ther er sich für ein Wollenweber auß/ da sagt sein Meister zu im/ lieber Knab/je Gesellen halt ein Feiertag am Montag/vnd welcher das pflegt zuthun / den habe ich nicht gern in meiner arbeit/ Eulenspiegel sprach / in Meister/das ist mir aller liebst/ da stund Eulenspiegel des morgens auff vnd schlug Wollen / vnd des Dinstags auch/das bekam dem Wollenweber wol. Da was es am Mitwoch eins Apostels tag/den musten sie feiren/Eulenspiegel aber ther als ob er nichts wiste / stunde des morgens auff/vnd begund zu schnurren/vnd schlug Wollen/das man es vber die ganze strassen höret / der Meister



Meister wuschet von stund an auß dem Beth/vñ
 sprach zu jm/hör auff/hör auff/es ist ein Heiliger
 tag. Eulenspiegel sagt/Lieber Meister ihr
 verkündet mir doch am Sonntag Keinen Heiligen
 tag/sonder wie ich solt die gantz woch außwer-
 cken. Der Wollenweber sagt/lieber Knecht/das
 meiner ich nicht also/sonder hör du auff / vñnd
 schlag mit mehr/ was du denn magst verdienen/
 das wil ich dir gleich wol geben. Eulenspiegel
 war zu frieden/vñnd hielte des abents Collation
 mit dem meister. Da sprach der Wollenweber zu
 ihm/das ihm wol gelinge die Woll zu schlagen/
 sonder er müst sie ein wenig höher schlagen. Eu-
 lenspiegel sagt ja/vñnd stundt des morgens gantz
 frü auff/spannet den Bogen oben an die larren/
 vñnd sagt drunder ein leiter/da steige er hinauff/
 vñnd

Wunderbarliche Historien/

vnd macht das die Ruth nach folgen kundt/ bisz
auff die hurt/ vnnnd holt denn die Woll vonn der
Zurt/ die stund auff der erden bisz an die Bän/
vnd schlug die Woll das sie vber das Hausz stob.
Der Wollenweber lag im Beth/ hott am schlag
wol das er im nicht recht thet/ stund auff vnd sah
ihm an. Eulenspiegel sprach/ Meister wie dunck
euch: ist es hoch genug: Der Meister sprach zu im:
trann ständest du auff dem Dach / so wete es
noch höher / so du also woltest/ hettestu sie wol
auff dem Dach geschlagen/ als du sie auff der Lei
ter schlegst/ geht damit in die Kirck. Eulenspie
gel nimpt den Bogen/ steigt auff das Dach/ vnd
schlegt die Woll auff dem Dach / das warde der
Meister auff der gassen gewar/ vnd kompt bald
gelauffen/ vnd sprach / Was den Teuffel machst
du: hör auff/ pflegt man die Woll auff dem Dach
zu schlagen: Eulenspiegel sagt/ was sagt ir nu/
ihr sprachet doch/ es were besser auff dem Dach/
denn auff der Leitern/ denn das wer noch höher/
der Weber sprach/ wilt du Wollen schlahen / so
schlag sie/ wilt du Narrerey treiben / so treib sie/
steig nur von dem dach/ vnd scheiß bey die hurt/
also gieng der Weber in das Hausz/ vnd Eulen
spiegel steig bald von dem Dach/ geht in ds hausz
vnd macht ein grossen hauffel dreck in die Zurt/
Der Wullenweber kam auß dem hof sahe das er
bey der Stuben schiß/ vnd saget zu ihm/ das dir
nimmer guts geschehe / du thust als die Schelck
alle thun. Eulenspiegel sprach / Meister ich thu
doch anders nichts / denn als ihr mich geheissen
habt/

habt jr sagten ich solt von dem dach steigen/vnd
scheissen bey die huret/warumb zornet jr darumb/
ich thu als ihe mich doch geheissen habt. Der we-
ber sprach/du scheisest mir wol auff den kopff vñ
geheissen/nimb den dreck vñ drag in an ein ort/
da in niemands habē will/Eulenspiegel sagt ja/
vñ nimpt den dreck auff ein stein/vñ treget de
in die Speiszkammer/da sagt der weber/lasz ihñ
dausz/ich wil in nicht darinn habē. Eulenspiegel
sagt/dz weiß ich wol/dz jr in nicht da haben wöl-
let/vñ niemands wil ihñ da haben/noch so thu
ich als jr mich heisset. Der Wollenweber ward zor-
nig/vñ lieff zu dem stall/vñ wolt Eulenspiegel
mit einem Scheit an den kopff werffen/da gieng
Eulenspiegel zu dem hausz auß/vñ sagt/Kan ich
des niergend danck verdienen/ der Wollenweber
wolt dz holtz bald erwischen/vñ besudelt die fū-
ger allzumal/da lieff er den Dreck fallen/lieff zu
dem Brunnen/vñ wusch die herde wider/die
weil gieng Eulenspiegel hinweg auß dem hausz

Die li. History.

Wie Eulenspiegel sich zu einem Kürschner ver-
dingt/vñnd im in die stuben
scheis.

Eins mals kam Eulenspiegel gen Aschers
leben/zu Winters vñ thewrot zeit/ge-
dacht er/was wiltu nun ansehen/das du
aus dem winter komest/da woz niemands
der eines Knechts bedorfft/denn ein Kürschner/
J des

Wunderbarliche Historien/



Der wolt ein Knecht annemen von seinem Zandt/
werck/da gedacht Eulenspiegel/was wiltu thun/
es ist winter vñ must leiden was du leiden kanst/
vnd verdingt sich zum Kärszner für ein Knecht/
als er nun auff die Werckstatt gieng / vnd wolte
Belz nehen/was er des geschmacks nit gewont/
vnd sagt/Pfey/Pfey/Distu so weßs als freuden/
vnd stinckst so vbel als dreck/Der Kärszner sagt/
sih reuchstu das nit gern/vnd gehst dar sitzen/dr
es stinckt ist natürlich/ vnd es ist von der wollen
die das Schaf hat auff der rechten seiten. Eulens/
piegel schweig vnd gedacht / ein böß pflegt das
ander zuuertreiben / vnd ließ ein sauren scheiß/
das der meister vnd sein fraw/die Nasen musten
zuhalten/vnd der Kärszner sagt/was machstu
wiltu so vbel farzen/so gehe auß der Stuben in
Zof/

Hof/ vnd schertz so vil du wilt. Eulenspiegel sagt/
 das ist ein menschen viel natürlicher zu gesund
 heit/ denn der stauff von den Schaaffellen. Der
 Bärszner sprach/ das sey gesund oder nicht/ wilstu
 fersten so geh in Hof/ Eulenspiegel sprach/ Meis-
 ster es ist verloren/ es wöln nit die Fürtz inn der
 felt sein/ denn sie seindt stets in der wärme/ vnd
 das es war ist/ so laßt ein Fürtz/ so geht er gleich
 widder wärme zu in die nase / denn er von der
 wärme kommen ist. Der Bärszner schweig/ er ver-
 name wol/ das er mit einer Schalckshaur bela-
 den war/ vnd gedacht/ er wolt in nit lang brauch-
 en. Eulenspiegel saß fürtet an/ nehet vnd warffe
 auß/ vnd hustet das Har auß dem Mundt. Der
 Bärszner saß/ vnd sahe ihn an/ vnd schweig bisz
 in den abend/ da sie gessen hetten/ da sprache der
 meister zu im/ lieber knecht/ Ich sih wol/ das du
 bey diesem Handwerck nicht gern bist / ich laß
 michs düncken / du seiest kein rechter Bärszner/
 knecht/ wenn du bist des nicht gewont/ hertest du
 dar bey nit mehr denn vier tag geschlaffen/ so rüm-
 pfest du dich nit also darab/ drum lieber knecht/
 gelust dich nit hie zu bleiben. / so magstu morgen
 wandeln. Eulenspiegel sagt/ lieber meister/ wenn
 ihr mit nun wöllet gestatten/ das ich vier Nacht
 bey dem werck schlief/ denn sehet jr was ich thut
 mag. Des was der Bärszner zu frieden/
 denn er bedorfft sein/ vnd fund
 auch wol uehen.

Wunderbarliche Historien/

Die 11. History.

Wie Eulenspiegel einem Kürszner in Belgen
schlieff / die waren trucken vnd nass/
als in der Kürszner ge-
betten hat.



Der Kürszner gieng mit seiner Hausfra-
wen zu beth. Eulenspiegel nam die berei-
ten fell die auff dem Rücken hiengen / vñ
nimpt die trucken Fell die gelideret wa-
ren / vnd die nassen / vnd treget sie zusamen auff
die Bän / kreucht mitten darunder / vnd schlieffe
also darbey bisz an den Morgen / Da stundt der
Meister auff / vnd sahe das die Fell von den Rük-
cken hinweg warn / lieff eilend oben auff die bän /
vnd wolt Eulenspigeln fragen / ob er nichts von
den

Tyl Eulenspiegels. 67

den sellen wißt/da fande er Eulenspiegeln nicht/
 vnd sahe das die belz trucken vnd nass durch ein
 ander lag/ein durch den andern her/da warde er
 sehr bekümmert / vnnnd rüfft mit weinender stüß
 der Magd vnd der Frayen/vnd von dem ruffen
 erwacht Eulenspiegel vnd wüschet auff auß den
 Belzen/vnd sprach/lieber Meister was ist euch/
 das jr so hefftig rufft. Der Kürzner verwundert
 sich vnd wußt nicht was in dem hauffen Belzen
 was vnd sprach/wo bist du: Eulenspiegel sprach
 hie bin ich/ Der meister sprach/ das dich nimmer
 glück besthe/ hast du mir die Belz von den rüß
 en gnommen/die trucken vnd die nassen auß dem
 Balch/die zusamen gelegt/ vnnnd verderbest mit
 eins mit dem andern/was ist das für ein Fantas
 sey: Eulenspiegel sprach/wie meister/werden ihr
 darumb zornig / vnnnd bin nicht mehr denn ein
 nacht darinn gelegen/so würd jr viel böser wenn
 ich vier necht darinn schlieff / als ihr die nechte
 nacht sagten/dy ich des wercks nit gewonet wer.
 Der Kürzner sprach/du leugst als ein Schalck/
 ich hab dichs nit geheissen / das du mir die berei
 ten Fell soltest auß die Bün tragen/vnd die nas
 sen/vñ darinn schlaffen/sucht ein Knüttel/wolt jr
 schlähen / dieweil gieng Eulenspiegel vorn der
 Treppen / vnd wolt zu der Thür außzlauffen/da
 kam die Magd vnd fray für die Treppen/vnnnd
 wolten jr halten/da rüfft er hefftiglich/laszt mich
 gehn den Arzt holen/ mein Meister hat ein Bein
 en zwey gefallen/da liessen sie ihn gehen vnd lieff
 en die Trepp auß/der Meister herab / vnnnd lieff

Wunderbarliche Historien/

Eulenspiegelh hefftig nach/ vñ felt ober die frau
vnd Magd/ das sie a!! drey bey einander lagen/
also entwüschet Eulenspiegel dem Kärszner.

Die liij. History.

Wie Eulenspiegel zu Berlin einem Kärsz-
ner Wolff für Wolffsbeltz
macher.



S Koszlistige leut seind die Schwaben/ vñ
wo die des ersten hinkomen vmb narung
vnd die nicht finden/ da verdirbt ein an-
derer gar / doch seindt ihr ertliche mehe
gneigt auff den Bierkrug / vnd auff das sauffen/
denn auff ihr Arbeit / deszhalbten ihr Werck statt
wüß ligen. Auf ein zeit wohnt ein Kärszner zu
Berlin/

Berlin/ der was ein Schwab seines handwercks
 sehr kunstreich / auch guter anschlege / er was
 reich / vund hielt ein gut Werckstat / Denn er mit
 seiner arbeit an ihm her / den fürsten des landts /
 die Ritterschafft / vund viel guter leut vnd Bür-
 ger. Also begab es sich / das die Fürsten des Lan-
 des ein grossen Hof mit rennen vund stechen des
 Winters halten wolten / darzu er sein Ritter-
 schafft vnd ander Herren beschreib / als den Kei-
 ner der hinderst sein will / wurdē zu denselben zei-
 ten viel Wolffs belz bey dem vorgmelten Kürsz-
 ner zu machen bestellt / das ward Eulenspiegel ge-
 war / kam zu dē meister / vnd bate in vmb arbeit.
 Der Meister bedorfft auff die zeit gesind / was sei-
 ner zukunfft fro / vnd fragt ihn ob er auch Wölff
 machen könd? Eulenspiegel sagt ja / er wer nicht
 der minst im Sachssen land bekant / Der Kürsz-
 ner sprach / lieber Knecht / du komst mir eben
 recht. Komm her / des lohns wollen wir vns wol
 vertragen. Eulenspiegel sagt / ja Meister ich sihe
 euch wol so redtlich an / ir werdet selbs erkennen /
 wenn ir mein arbeit sehet. Ich arbeit auch nit bey
 andern Gesellen / ich musz allein sein / so kan ich
 mein arbeit nach willen vnd ungeirt machen. Al-
 so gab er im ein Stäblin ein / vnd legt im für viel
 Wolffs heut die zu Belzen bereit waren / vund
 gabe im die mass vonn etlichen belzen gross vnd
 Klein. Also begund Eulenspiegel die Wolffs fell
 an zu gehen / schneid zu / vund macht auß den
 Sellen eitel Wölff / vund fült die mit Hew /
 vñ machet in Wein von Secken / als ob sie lebten.

Wunderbarliche Historien/

Da er nun die Fell all zerschnitten/ vnd die Wölff
ausgemacht het/ da sprach er/ Meister die Wölff
sind bereit/ ist auch etwas mehr zuthun: der wei-
ster sagt/ is mein Zuecht/ neh sie als viel du im-
mer thun kanst// mit dem gieng er hinaufz in die
Stuben/ da lagen die Wölff auff der erden/ Klein
vnd groß/ die sahe der Meister an / vnd sprach/
was sol das sein/ das dich der Ritt schützte/ was
hastu mir grossen schaden gethan/ ich wil dich fah-
ren vnd straffen lassen. Eulenspiegel sagt/ Mei-
ster ist das mein lohn/ ich habs doch nach erwem
eigen willen gemacht/ jr hießet mich doch Wölff
machen/ hert jr gesagt / mache mir Wolffsbeltz/
das het ich auch gethan/ vnd het ich das gewißt
das ich nicht mehr danck solt verdienen haben/
ich wolt so grossen fleisz nit gebraucht haben. Al-
so schied der gut from Eulenspiegel von Berlin/
vnd liez nieregend guten thum hinder im / auch
ward im selten etwas guts nach gesagt / vnd zoh
also ghen Leipzig.

Die liiij. History.

Wie Eulenspiegel zu Leipzig den Kürsznern
ein lebendige Baz neht in ein Sassen-
fell/ sie in ein Sack that/ vnd
verkauft sie den

Kürsznern.

Schnell



Schnell kundert Eulenspiegel ein Schalck-
 heit erdencken / Als er zu Leipzig den
 Bärszner beweist an der fasznacht / die
 se Bech zusammen hielten / da begab sich /
 das sie gern wildpret betten gehabt / das vernam
 Eulenspiegel / vnd gedacht / der Bärszner zu
 Berlin hat dir nichts für dein arbeit geben / das
 sollen diese Bärszner bezalt. Also gieng er in sein
 Berberg / da het sein Wiert ein schöne Katz / die
 nam er vnder sein Rock / vnd bat den Koch vmb
 ein Hasenfell / er wolt damit ein hübsche Bābe-
 rey zurichten / der Koch gab ihm ein fell / darein
 nehet er die Katz / vnd thete Bawen Kleider an /
 stundt für das Rathhausz / vnd hielt sein Wild-
 pret vnder dem Rock verborgen / so lang bisz das
 der Bärszner einer daher kommet gelauffen / den

J v frage

Wunderbarliche Historien/

fragt Eulenspiegel ob er nicht ein guten Hasen
Kaufr: vnd liefs in den sehen. da kamen sie zusam
men/das er im vier silberin Groschen für den ha
sen gab/vnd sechs pfenning für den alten Sack/
da der Hasz in stacke/den truge der Kürsner inn
ihres Zunftmeisters hausz/da sie alle bey einan
der waren mit grossen geschrey/da saget er/wie
er den schönsten lebendigen hasenn Kaufrer hett.
Als sie nun die Hasznacht haben wolten/da liefs
sen sie den hasen lauffen im Garten/holten Zün
de/vnd wolten Kurzweilen/die hund lieffen dem
Hasen nach / als nun der Hasz nicht entlauffen
Kundt/da sprang er auff die Beem / vnnnd rufft
Mawan/da die Kürsner das sahen vnd hortten/
da rufften sie/ir lieben Stallbrüder/ der hat vns
mit der Katzen geesset / schlägt in todt. Aber Eu
lenspiegel hett sich verkleidet / vnnnd was dahin.

Die lv. History.

Wie Eulenspiegel einem Ledetgerber Leder
send/mit Stülen vnd Bencken/
zu Braunschweig auff
dem Damme.

Als Eulenspiegel von Leipzig reifste/Kam
er gheh Braunschweig zu ein gerber vnd
es war Winters zeit/ da gdacht er/du solt
dich mit diesem Gerber diesen Winter lei
den/vnd verdinget sich zum Gerber. Als er nun
acht tage bey dem Gerber gewesen was / da
schickt es sich das der Gerber wolt zu Gast essep.
Vnd



Vnd auff denselbigen tag solte Eulenspiegel leder
 gar machen/ Da sagt der Gerber zu Eulenspie-
 geln/siede gar den Tuber voll leders. Eulenspie-
 gel sprach ja / was sol ich für Holz dazu nemene
 Der Gerber sprach / was ist des fragens nothe
 wenn ich kein Holz auff den Holzheusern het/so
 het ich noch wol so viel Stül vnd bench damit du
 das Leder gar machest. Eulenspiegel sagt ja/es
 wer gut/der Gerber gienge zu Gast. Eulenspie-
 gel hieng vber ein Kessel / vnd steckt das Leder
 darein/ ein Haut nach der andern / vnd sode das
 Leder alles gar/ das man das mit den Fingern
 enzwey griff. Als nun Eulenspiegel das Leder
 also gesotten het/zerhiew er Stül vnd Bench ent-
 zwey/alle die im hausz waren/steckt sie vnder den
 Kessel/

Wunderbarliche Historien/

Kessel/ vnd sode das Leder noch basz/ vnd da es
geschehen war / da thete er das Leder auff dem
Kessel/ vnd leget das auff ein hauffen/ gehet außz
dem Hausz vnnnd wandert hinweg. Der Gerber
besorgt sich niergendts für / vnd tranck also den
tag hin / vnd gieng des Abents Doll zu Beth/
vnd des morgens verlangt ihn / wie sein Knecht
das Leder gemacht het/ stund auff/ gieng also in
das Gerbhausz/ vnd fand das Leder also gar ge
sotten/ sind aber weder Stul noch Bendt in dem
hausz/ ward deszhalbē ganz trawrig/ vnd gieng
in die Kammer zu seiner Frawen vnnnd sprach/
fraw es ist hie vbel zu gangen/ ich halt es dafür/
das vnser newer Knecht sey Eulenspiegel gewes
sen/wenn er pflegt alles das zuthun/das man in
heißt/er ist hinweg/ vnd hat all vnser Stül vnd
Bendt in das Fewr gehawen/ vnd hat das leder
alles damit zu gar gsotten. Die Fraw ward wei
nen vnd sprach/ folgt im heftig nach /vnnnd holt
in wider. Der Gerber sprach / nein ich beger sein
nicht wider/er bleib nur daussen/bißz dz ich nach
im schicken werd.

Die lvi. History.

Wie Eulenspiegel den Weinzepffer zu
Lübeck betrog/ als er in ein
Kann Wassers für ein
Kann Wein
gab.

Eulenspiegel



Eulenspiegel sahe sich Klüglichen für / als
 er ghen Lübeck kam / vnd htelte sich gebür
 lich / das er niemants kein schalckheit thet
 wenn es ist zu Lübeck ein scharpffs recht
 In derselbigen zeit was ein Weinzepffer inn dem
 Rathskeller / der was nu ein Hochmütiger stolz
 er Mann / vnd liesz sich duncken / das niemands
 so weisz wer als er / vnd dorfft das auch wol von
 im selber sagen / er wolt auch gern einen solchen
 Mann ansehen / der in betriegen solt / vnd in sei
 ner Klugheit bethören / darumb wurden ihm viel
 Bürger gram. Als nu Eulenspiegel diesen vber
 mut des weinzepffers hort / da kunt er den schalck
 nicht lenger verbergen / vnd gedacht / das müste
 du versuchen was er kan / vnd nam zwo Käsen /
 die waren beyde gleich gemacher / nimpt inn ein
 Käse

Wunderbarliche Historien/

Kann Wasser/ vnd laßt die ander Lehr/ die trug er vnder dem Rock verborgen/ da das Wasser in was / die ledig trug er offenbar / vnd geht mit den Kannen inn den Weinkeller/ leßt im messen ein Stübichen Weins / vnd thut die Kann mit dem Wein vnder den Rock/ vnd zeucht die Wasser Kann herfür/ sagt sie in das Kannen faß/ dz ers nicht sahe/ vnd sprach / Weinzeppfer / was gilt das Stübichen Weins? Vierzig Pfenning sagt er / Er ist zu thewer/ sprach Eulenspiegel/ ich hab nicht mehr denn vier vnd zwenzig pfenning / mag ich in darfür haben? Der Weinzeppfer ward zornig/ vnd sprach/ Wilt du meinen herren den Wein schetzen / das ist hie ein gefatzter Kauff/wen das nicht gelüst/ der laß den wein in meiner Herren Keller. Vnd nimpt der Weinzeppfer die Kann vor bosheit / vnd meiner das werder Wein/ da was es Wasser / geußt das oben zum spontloch wider ein/ vnd sager/ w/ bistu für ein Tor/ laßest dir wein messen/ vnd kanst den nit bezalen. Eulenspiegel nam die Kann vnd gieng hinweg/ vnd sprach/ Ich sih wol das du ein Tor bist/ es ist niemands so weiß / er wirdt von den Toren betrogen / vnd wenn er gleich ein Weinzeppfer wer/ vnd gieng damit hinweg.

Die lvij. History.

Wie man Eulenspiegel zu Lübeck hengen wolt/ vnd er mit behender schalckheit davon kam.



Als nun Eulenspiegel aus dem Keller gien-
 ge / gedacht der Weinzepffer Eulenspie-
 gels worten erst nach / geht hin / vnd vber
 kombt ein Büttel / der laufft Eulenspiegel
 nach / vnd erlaufft in auff der Strassen / der Büttel
 greiff in an / vnd funden dieswo Kannen bey
 ihm / Die ledig vnd voll Kann / darinn der Wein
 was. Da sprachen sie in an für ein Dieb / vnd für-
 ten in in das Gefengnuß. Also ward von etlichen
 ein vertheil geben / er hett den Galgen darumb
 wol verdient / man solt in darumb hencken / vnd
 etlich sprachen / es wer nicht mehr denn ein sub-
 tile Büberey / vnd die meinten der Weinzepffer
 solte auffgesehen haben / als er denn spricht / das
 in niemands betriegen könd / vnd das hat Eulen-
 spiegel gethan / vmb seiner vermessenheit willen.

Aber

Wunderbarliche Historien/

Aber die Eulenspiegel gram waren / die sprach
en/es were Dieberey / er müste darumb hangen.
Also das vber ihn das vrtheil warde geben / der
Todt des Galgens. Nun der Gerichts tag kam/
das man Eulenspiegel aufzuführen vnd henden
solt / da ward ein lauffen inu der ganzen stadt/
das jeder zu Ross vnd Fuß auff was / also das es
dem Rath von Lübeck leid was / das er in solt ab
gedrungen werden / vund verschafften / das er
nicht gehendt werde. Etliche wolten sehen wie er
sein ende wolt nemen / nach dem als er ein aben-
thwrllicher Mensch was gewesen in seinem leben.
Etlich meinten er könd etwas mit der schwarzen
Kunst / vund das er sich damit erledigen wärd/
vnd das mehrer theil die gunten ihn das er ledig
wärd. Aber in der letzten Ausführung was Eu-
lenspiegel ganz still / vnd sprach nicht ein wort/
also das sich jederman verwundert / vund mein-
ten er wer verzweiffelt / das weret nun bis an
den Galgen / da thet er den Mund auff vnd hieß
den ganzen Rath zu ihm komē / vnd bat ihn gar
demütiglichen / das sie ihn wolten ein bit gewer-
ren / er wolt sie weder ymb Leib / ymb Leben
bitten / noch ymb Gelt oder Gut / etwas gures
nach zu thun / noch ewig Mess / noch ewig Spen-
den / noch ewiges Gedechtnus / sonder ein gering
sach / das on schaden wol zu thun ist vnd das der
ehrlich Rath von Lübeck leichtlich thun köndt /
on eins Pfennigs Kosten. Die Raths Personen
stunden all zusamen / giengen darumb auff ein
sätzen zu Rath / vund wurden des zu frieden / das
sie

sie in seiner bitt folgen wolten/die er vor außs ge
 dingt het/darumb er sie bitten wolt/vnd der wa
 ren etwa mancher/die verlangt sehr was er doch
 bitten wolt/vnd sprach zu ihm/was er gebetten
 het/das solt geschehen/so ferr / als er nicht bit
 ten wolt außs den artickeln/das er vor erzelt het/
 wolt er das also haben so wolten sie in seiner bitt
 gweren. Eulenspiegel sprach/die Artickel/die ich
 vor erzelt hab/die wil ich euch nit bitten/sonde
 ren wolt ic mit das halten/drumb ich euch bitt/
 gebt mir die hendt drauff/dz theten sie allzumal/
 vnd gelobten im das mit handt vnd Mundt. Da
 sagt der arm gfangen Eulenspiegel/ Ir ehlich/
 en Herren von Lübeck/so ic mit nun gelobt habt/
 so bitt ich euch/vud ist das mein bitt/Wenn ich
 Gehangen bin/das denn der Weinzepffer wolte
 kommen all morgen/drey tag lang/der Schenck
 zum erstē/vnd der Kolgrauē darnach/vnd mich
 küssen mit dem Mund nächtern in den Aes. Da
 speiten sie alle außs/vnd sprachen das were nicht
 ein zimlich bitt. Eulenspiegel sprach/ich halt den
 ehelichen Rath zu Lübeck so redlich/er werd mit
 halten/was er mit zugsagt hat/mit Mundt vnd
 mit handt / sie giengen aber all drüber zu Rath/
 so das mit gunst vnd ander zusalnder sach ward
 beschlossen/das sie in ledig liessen gehn.

Also zog Eulenspiegel von
 dannen mit freu
 den.

Wunderbarliche Historien/

Die lviij. Historie.

Wie Eulenspiegel zu Helmstet ein grosse
Daschen verdingte zu
machen.



WIt einer Daschen richtet Eulenspiegel
aber ein schalckheit zu / es was zu Helm
stet ein Daschenmacher / zu dem k̄ E u
lenspiegel vnd sprach / ob er ihm wolte
ein grosse hübsche Daschen machen: Der Meister
sprach / ja / wie groß sol sie sein: Eulenspiegel sagt /
das er sie groß genug macht / denn es war zu der
zeit / das man grosse Herinne Daschen trug / die
war breit vnd weit. Der Daschenmacher macht
Eulenspiegeln ein grosse daschen. Als er darnach
kame vnd besahe die Dasche / sprach Eulenspie
gel /

gel/Die dasch ist nit grosz genug/das ist ein desch
lin/macher mit eine die grosz genug sey. Der desch
ennacher macht ihm ein deschen von einer ganz
en Fühhaut/vnd macht sie so grosz/das man wol
ein fertig Kalb darein gestossen hett. Da nun Eu/
lenspiegel daru kam / gefiel ihm die Desche aber
nicht/vnd sprach / die desch wer noch nicht grosz
genug/wolt er ihm eine machen dz er sie im grosz
macht/er wolt im zwen gülden drauff geben. Der
Deschenmacher der nam die zwen gülden / vnd
machte ihm ein andere daschen/darzu nam er drey
Ochsen heur. Da nu Eulenspiegel diese Daschen
sah/da sprach er/Meister diese dasch ist grosz ge
nug/aber die grosse Dasche die ich meint/ist diese
Dasch nicht/ich will ihr auch nicht/sie ist noch so
Klein. Wenn ihr mit ein grosse dasch wolt mach
en/ darein ich möcht ein pfenninge aufnemē/vñ
das stetigs zwen darinn bleiben / vnd nimmer
künd an den bodē greiffē/ die wolte ich euch gern
bezalen/ gting also hinweg / vnd liesz ihm sein
Daschen.

Die lix. History.

Wie Eulenspiegel ein Messger zu Erf
furdt vmb ein Braten
betrog.

SEr gut Eulenspiegel kundte sein schalck
heit nicht lassen / als er ghen Erffurdt
kame/denn er ward bald bekant von den
Bürgern vnd Studenten. Eulenspie
gel gieng eins mals bey den Fleischbender hin
A g Da

Wunderbarliche Historien/



Da sprach ein Metzger zu im/er solt etwas Kauf
fen/das er mit ihm zu hausz trüg. Eulenspiegel
sagte zu im. Was sol ich mit nemen? Der Metzger
sprach/ein guten Braten. Eulenspiegel sprach/
ja/ vnd nimpt den Braten bey dem ende / vnd
gieng damit hinweg/der Metzger lieff im nach/
vnd sprach zu ihm/nein/ nicht also/du must mit
den braten bezaln. Eulenspiegel sprach/von der
bezalung habt je mit nicht gesagt/sonder jr sag-
ten/ob ich nit etwas wolte mit mir nemen / vnd
her in geweißt auff den braten/das er den mit im
solt nemen zu hausz/das wolt er beweisen mit sei-
nen Nachbawren/die dabey stunden/die andern
Metzger kamen dazzu/vnd sprachen außs hafs/ so
es wer war/die andern warn im gram/ darumb
wenn jemand kam zu den andern Metzgeren/vnd
wolt

wolt etwas Kauffen/so rufft er den leuten zu sich/
vnd zog inen die kundschafft ab/darumb stiftten
sie in dazu/das Eulenspiegel den Braten solt be
halten/dieweil der Metzger also zandct/da nam
Eulenspiegel den Braten vnder den Rock/vnnd
gieng damit hinweg/vnd liesz sie sich drüber ver
tragen/auffs best so sie kundren.

Die ix. History.

Wie Eulenspiegel zu Erfurdt einen Metz
ger wider vmb ein Braten
betrog.



S Der acht tag kam Eulenspiegel wider vn
der die fleischbentz/da sprach derselbige
Metzger Eulenspiegeln wider an mit spez
B ij worten/

Wunderbarliche Historien/

worten/ Kom wider her/ vnd hol einen Braten/
Eulenspiegel sagt ja/ vnd wolt nach dem Braten
tasten/ da was der Metzger behend/ vnd nam den
Braten wider. Eulenspiegel sprach/ laßt den bra-
ten ligen/ ich wil ihn bezalen. Der Metzger leget
den Braten wider auff die Bancf. Eulenspiegel
sprach zu ihm / Ist es das ich dir ein wort sage/
das dir zu gut kompt/ sol der brate mein sein/ der
Metzger sagt/ ja du möchtest mit solch wort sage
die mir nicht nüz weren / du möchtest mit auch
solche wort sagen/ die mir wol gefielen/ vnd wol-
test den Braten hinweg nehmen. Eulenspiegel
sprach/ ich wil den Braten nicht anrühren/ meine
wort solln dir schmecken/ vnd sprach weiter. Ich
sag also/ wol auff herr seckel/ vnd bezal die leut/
wie gefell dir das: schmeckt dir das nit: Da sagt
der Metzger/ die wort gefallen m. wol/ aber sie
schmecken mir nicht wol. Da sprach Eulenspiegel
zu denen die herumb stunden/ lieben freunde das
höret ihr wol/ so ist der Braten mein. Also name
Eulenspiegel den braten/ vnd sagt zu dem metz-
ger mit sport/ nu hab ich aber ein braten geholt/
gieng darmit darvon/ vnd kam darnach nit wi-
der.

Die lys. History.

Wie Eulenspiegel zu Drefen ein Schreiner-
Knecht ward/ vnd wider nicht
viel dancks ver-
dienet.

Bald



Wald hub sich Eulenspiegel außs Döringen
 gegen Drefen / für den Böhmer waldt an
 der Elb / vnd gab sich außs für ein Schreie
 ner knecht / da nam er ein Schreiner an /
 der bedorffte Gesellen zu der notturfft / denn sein
 Gesellen hetten außs gedient. Nun ward ein hoch
 zeit in der Stadt / da was der Meister außs gela
 den / da sprach der Schreiner zu Eulenspiegeln /
 lieber knecht ich muß morgen zu hochzeit gehn /
 vnd werde bey tag nicht widerumb heim komin /
 thu wol vnd arbeit fleißig / vnd bringe als balde
 die vier Bretter außs das Kontor / außs gnawst
 zusamen in den Leim / Eulenspiegel sprach ja /
 welche Bretter gehören zusamen / der meister lege
 ihm außs einander die zusamen gehörten / vnd
 gieng mit seiner Hausfrawen zu der hochzeit /
 A uij Eulens

Wunderbarliche Historien/

Eulenspiegel der fromme Knecht / der sich stets mehr fleiß sein arbeit widerwertig zuthun / denn recht / sieng an / vnd durchddert die schönen Frauen Tisch / oder Kontor bretter / die im sein Meister auff einander glegt het / an drey oder vier enden / schlugs zu hauffen / vnd het den Leim in ein grossen Kessel gefotten / damit er die allenthälben bestrich / trugs auff das Hausz vnd stiesz die oben zum fenster ausz / das der leim an der Soßen solt trucken werden / vnd machet zeitlich feierabend / des abents kam der Meister heim / hette wol getruncken / vnd fraget Eulenspiegeln was er den tag gearbeitet het / Eulenspiegel sagt / Meister ich hab die vier Tisch bretter auffz genawest in den Leim gebracht / vnd bey guter zeit feierabend gemacht / das gefiel dem Meister wol / vnd saget zu seiner frauen / das ist ein rechter Knecht / dem thu gütlich / vnd gieng also schlaffen / Aber des morgens hieß der Meister Eulenspiegeln den Tisch bringen / den er gemacht hett / Eulenspiegel kam mit seiner arbeit von der Bünen gezogen.

Da nun der Meister sah / das im der Schalck die bretter verderbt hett / sprach er / Knecht / hastu auch das Schreiner Handwerck gelehrt / Eulenspiegel antwort / wie er also fragt / Ich frage darumb / das du mit so gute bretter verderbt hast / Eulenspiegel sprach / Lieber Meister ich hab gethan als jr mich habt bericht / ist es nu verderbt / das ist ewr schuld. Der meister wz zornig vñ sagt du Schalcksnarr / darumb hebe dich auß / mer Werck statt / ich habe deiner arbeit kein nutz.
Also

Also schied Eulenspiegel von dammen/ vnd verdient aber nicht fast grossen danck/ wiewol er alles das thet/ das man ihn hiesz/ dennocht was es nicht recht.

Die lviij. History.

Wie Eulenspiegel ein Brillenmacher ward/ vnd in allen Landen kein arbeit vberkommen fundt.



Ust Zornig vnd Zwitterrechtig waren die Churfürsten vndereinander/ also dz kein Römischer Keiser oder König was/ da bgab sichs/ das der Graue von Supplein burg/ von den Churfürsten zum Römischen König gefohren ward. Nun waren aber andere/ die

A v sich

Wunderbarliche Historien/

sich meinten mit gewalt in das Reich zutringen:
Da mustt der new gkoren König sich sechs Mo/
nat für Franckfurdt legen/ vnd warten/wer ihn
da hinweg schläg.

Als er nu so groß Volck zu Rossz vnd fußz bey
einander het / gedacht Eulenspiegel/was ihm zu
thun wer / dahin kommen frembde Herrn / die
fassen mich nicht vnbegabt/ vberkomme ich denn
etlich gelt/ so besteh ich wol/ vnd macht sich auff
den weg. Da zogen die Herrn auß allen Landen/
da begab sich in der Wederaw bey Fridburg das
der bischoff von Trier mit seinem Volck Eulens/
spiegeln auff dem weg gegen Franckfurdt fand.
Als er nun selzam gkleidet was/ da fraget in der
Bischoff/was er vor ein Gesell wer: Eulenspie/
gel antwort vnd sprach. Gnediger Herr / ich bin
ein brillenmacher / vnd komm auß Brabant/da
ist nichts zu gewinnen / derhalben wolt ich nach
arbeit wandern / so ist es gar nichts auff vnserm
Handwerck. Der Bischoff saget/ich meinet dein
Handwerck solt vonn tag zu tag besser werden/
vrsach/das die Leut von tag zu tag krencker wer
den/vnd am Gesicht abnemen/ derhalben manin
den viel Brillen dörffen wirdt. Eulenspiegel ant/
wort dem Bischoff vnd sprach/ ja gnediger herr/
Ewer Gnad sagt war/ aber einerley das verdet/
bet vnser handwerck/ weñ ich das sagen dörffte/
das ewer Gnad drüber nit zörnen wolt: Klein/
sprach der Bischoff/ wir seind das wol gewont/
sag das nur frey. Gnediger Herr / das verdet/
bet vnser Handwerck / vund es ist zu besorgen/
das

das es noch damit vertilget wird/denn je vnd an
der grosse Herren/ Ppft / Cardinel / Bischoff/
Kaiser/ König / die sehen nun zur zeit durch die
Finger/ aber vor zeiten finder man geschrieben/
das die Herren vnd Fürsten / all in rechten pfle-
geten zu lesen vnd studieren/auff das niemands
vntrecht geschch/dazu hetten sie viel Brillen/ da
was vnser Handwerck gut/auch so Studierten
die Pffaffen mehr den jetzt/Da giengen die Weil-
len hinweg/so seind sie nu so Gelert/das sie ihre
Zeit aufwendig Können /dazu ihre Bücher inn
vier wochen nicht ein mal auffthun / deshalben
ist vnser handwerck verdorbē/ vnd ich lauff auß
ein land ins ander/ vnd kan niergends arbeit an-
komen/der gebrech ist so weit komen/das es die
Bawren auff dem Land pflegen zuthun.

Der Bischoff verstand den Text/vnd sprach/
Eulenspiegel folge vns nach ghen Standt furd/
wir wöllen dir ein Geschenck geben / da zog er
mit im hinweg.

Die lytis. History.

Wie Eulenspiegel zu Mildesheim sich zu
einem Kauffman für einen Koch
vnd Stubenheizer
verdingt.

Leich in der Strassen als man von dem
Zewmarckt will gehen / da wöbnet ein
reicher Kauffman / der gienge auff ein
zeit vor demselben Thor Spazieren/
vnd wolt in seinen Garten gehn / vnderwegen
auff

Wunderbarliche Historien/



auff ein grünen Acker/sand er Eulenspiegel in
gen/den grüsset er/fragt in was er für ein Stall
bruder were/vnd was sein handel were: Eulens-
piegel antwort ihm/mit verdeckter schalckheit/
vnd sprach also/er wer ein Büchertnab/vnd het
keinen dienst. Da sprach der Kauffman zu ihm/
wenn du woltest fromb sein/ich wolte dich selber
auffnehmen/vnd dir newe Kleider machen/ wenn
ich hab ein fraw die kriegt all tag vber das Koch-
en. Eulenspiegel glockt im grosse trew vnd fromb
Zeit/drauff nam in der Kauffman an/vnd fragt
in wie er hiesze: Herr ich heisz Bartholomeus. Der
Kauffman saget/das ist ein langer Nam/man-
Fan den nicht bald nennen / du solt Doll heissen:
Eulenspiegel der sprache / Ja lieber Juncker/es
gilt mir gleich wie ich heisse. Wolan sprach der
Kauffman

Kauffman zu Eulenspiegeln du bist mit ein rech-
 ter Knecht / Kom her bald / vnd gehe mit mit inn
 meinen Garten / wie wollen Kraut mit vns heim
 tragen / vnd junge Hüner damit fällen / denn ich
 hab auff den nechsten Sonntag Gess geladen / den
 wolt ich gern gütlich thun. Eulenspiegel gieng
 mit ihm in sein Garten / vnd schneide Rosenma-
 ein / damit er die Hüner fällen wolt / auff welche
 manier / die andern mit Zwiblen / Eyern / vnd an-
 deren Arentern / vnnnd giengen mit einander zu
 hauss. Als nun die Fraw den seltsamen gast von
 kleidung sahe / fragt sie ihren Hauswirth / was
 das für ein Gesell wer / was er mit ihm thun wol-
 te / vnd ob er besorgt das Brod wurd Schimlige
 Der Kauffman sprach / Fraw sey zu friden / er
 sol dein eigener Knecht sein / er ist ein Koch / Die
 Fraw sprach / Ja mein mann / er sol wol gut ding
 Kochen / sey zu friden sprach der Kauffman / du
 wirst es morgē wol sehen / was er kan / vnd ruffte
 Eulenspiegel Doll / er antwort bald / Juncker.
 Nimb ein Sack vnnnd gehe mit nach vnder die
 Fleischbend / wie wollen fleisch zu braten holen /
 Also folgt er ihm nach / da kaufft sein Herr fleisch
 vnd ein braten / vnd sprach zu ihm / Doll leg den
 Braten morgen bald zu / vnnnd solt ihn käl vnnnd
 langsam abbraten / das er nicht verbrenne / das
 ander fleisch setz auch bey zeiten zu. Eulenspiegel
 sagt ja / vnd stund des morgens frū auff / vnd setze
 die Kost zum feur / sondern den Braten den steck-
 et er an ein Spisz / vnd legt in zwischē zwey vass
 Limbeck's Bier / inn den Keller / das er käl lege /
 vnnnd

Wunderbarliche Historien/

vnd nicht verbrennt. Als nu der Kauffman den
Stadtschreiber vnd ander gute Freund zu Gast
geladen hett/ kam er / vnd wolt besehen ob die
Gest kommen weren / vnd die Kost auch bereit
wer/ fragt sein newen Knecht/ ob er fertig were
Eulenspiegel antwort/ es ist alles bereit/ on den
Braten / wo ist der Braten: Eulenspiegel sagt/
er ligt im Keller zwischen zweien Vassen/ kein Kü
lere stat wußt ich im Hausz nicht/ als ihr das sa
get/ ich solt in küal legen. Ist er denn auch bereit
sprach der Kauffman. Nein sprach Eulenspie
gel / ich hab nit gewußt wenn ihr in haben wolt.
Inn dem kamen die Gest/ denen sagt er vonn sei
nem newen Knecht/ vnd wie er den braten in den
Keller gelegt het / das lachten sie all/ vnd mach
ten ein schimpff drauß. Aber die Fraw was des
nicht zu frieden/ vmb der Gest willen/ vnd sagt
zu ihrem Herren / er solte den Knecht gehen las
sen sie wolt ihn im Hausz nicht lenger leiden / sie
sehe das er ein schalck were. Der Kauffman sagt/
liebe Fraw bisz zu frieden/ ich werde ihn zu einer
Kheiß ghen der Stadt Gorszler bedörffen / vnd
so ich wider heim köme/ wil ich in denn springen
lassen / kaum kund er die Fraw vberreden / das
sie zu frieden was. Als sie sassen vnd truncken/
vnd guter ding waren / vnd es auff den abend
ward / sprach der Kauffman zu seinem Knecht.
Doll/ richte den Wagen zu / vnd schmier den
wol/ wir wöllen morgen ghen Gorszler fahren/
es ist ein Pfaff/ der heißt Herr Heinrich Samen
bet / der ist da daheim / der wil mit fahren.

Da sprach der fromb Knecht Eulenspiegel / ja es sol sein / vnd fragt in / was er für Salb nemen solt: Der Kauffman warff im ein Schilling dar / vnd sprach zu ihm / gehe hin vnd kauf Barren Salb / vnd laß die fraw altes feißt darunder machen.

Er thet im also / vnd da jederman schlaffen was / beschmiert Eulenspiegel den wagen inwendig vnd außwendig / vnd am aller meiste da man sitzen solt. Am morgen früh stunde der Kauffmann auff mit dem Pfaffen / vnd hießen Eulenspiegel die Pferd anspannen / das thet er baldt / sie saßen auff / vnd fuhren fröhlich dahin / da hub der Pfaff an vnd sagt.

Was den galge ist hie so feißt / ich wolt mich halten / das mich der Wagen nit schwendct / vnd beschweiß die hend so gar aller ding / sie hießen Eulenspiegel still halten vnd sprachen zu im / sie waren beyd hinten vnd fornen gar beschmiert / vnd wurden zornig vber den guten Eulenspiegel.

In demselben Kompt ein Bawr mit einem fuß der stroh / der wolt zu Marckt damit faren / dem kaufften sie etlich Gebund ab / vnd wüschten den wagen damit / vnd saßen da wider auff. Da saget der Kauffman in zorn zu Eulenspiegel / Du verlassener Schalck / das dich nimmer glück besteh / fahre nun fort an den liechten Galgen du Schelmenhalß. Das thet Eulenspiegel. Aber nun vnder einen galgen kam / hielt er still / vnd spaßt die Pferd auß. Der Kauffman sprach / was machstu damit

Wunderbarliche Historien/

damit du schalck: Eulenspiegel sprach/ ihr hieß/
set mich vnder den Galgen fahren/ vnd da seindt
wir darunder / ich meinet wir wolten hie ruhen.
In dem sahe der Kauffman auß dem wagen/ da
hielten sie vnder dem Galgen.

Was solten sie thun/ sie wurden der Thorheit
lachen/ vnnnd der Kauffman sprach zu im/ Heng
für du Schalck/ vnd fahr fort recht auß/ hin/ vnd
sihe dich nicht vmb. Nun zoge Eulenspiegel den
Nagel auß dem Langwagen/ vnd als er ein Ack
erleng wegs gefahren was / gieng der Wagen
von einander/ vnd das hinderst Gestell mit dem
Höbel bleibe stehn/ vnnnd Eulenspiegel fuhr für
sich hinweg/ dem sie nach rüfften/ vnd lieffen im/
nach biß sie ihn vberkamen. Der Kauffman wolt
ihn zu Todt schlagen / dem der Pfaff halff auff
best er kundt.

Nun sie vollbrachten die Reiß/ vnnnd kamen
wider zu hausz. Da fragt die frau/ wie es im gan
gen wer. Seltsam genug sagt der Kauffman/ doch
wir kommen wider/ vnd rüfft damit Eulenspie
geln/ vnd sagt/ Companien / die nacht bleib hie/
iß/ vnd trinck dich voll/ vnnnd morgen raume mir
das hausz / ich wil dich nicht lenger haben / du
bist ein betrogner Schalck / wo du doch herko
mest. Eulenspiegel sprach/ Lieber Gott/ ich thu
alles was man mich heist/ noch kan ich niemands
recht thun / doch geliebet euch mein dinst nicht/
so will ich euch Morgen nach ewern worten das
Hausz raumen/ vnd wandern. Ja / dem thu also
sprach der Kauffman/ nun des andern tags stund
der

Tyl Eulenspiegels.

81

stand der Kauffman auff/ vnd sprach zu Eulens-
 spiegeln. Ist vnd trinck dich satt/ vñ schlep dich/
 ich wil in die Kirchen gehn/ laß dich nicht wider
 finden. Eulenspiegel Schweig still/ vnd als bald
 der Kauffman auß dem Hausz kam/ bgund er zu
 raumen/ Stül vnd Bencf/ vnd was er schleyffen
 kund/ das bracht er auff die Gassen/ Kupffer/ Zin-
 werck/ vnd Wachs/ das die Nachbawren sich des
 verwundereten/ was doch drauß werden wolt/ da-
 man alles dz gut auff die gassen truge. Das ward
 dem Kauffman gesagt. Der kam heftiglichchen ge-
 lauffen/ vñ sprach zu Eulenspiegeln. Du from-
 mer knecht/ wz thustu hie? sind ich dich noch hie.
 Ja Juncker / sprach Eulenspiegel/ ich wolt erst
 ewern willen erfüllet haben / denn jr hießet mich
 das Hausz raumen/ vnd darnach wandern: Vnd
 sprach/ greiffe mit der hand an/ die Thür ist mit
 zu schwer/ ich kan dz nicht allein gweltigen. Laß
 ligen/ sprach der Kauffman/ vnd gehe für de teuf-
 sel hinweg/ es hat mehr gekost/ den das man das
 in den dreck werffen sol. Lieber Herr Gott sprach
 der gute Eulenspiegel/ ist das nicht ein groß wun-
 der/ ich thün alles wz man mich heißet / noch kan
 ich niergend danck verdienen/ das betrengt mich
 nicht/ ich bin in etner vnglückhafftigen stund ge-
 bören worden. Also schiede der gut fromb Eule-
 nspiegel von dammen/ vnd ließ den Kauffman dz gut
 wider hinein schleyffen/ das er außge-
 ranmpet het/ das die Nach-
 bawren vor vñnd
 nach lachten.

2

Die

Wunderbarliche Historien/

Die lynn. History

Wie Eulenspiegel zu Wismar ein Pferd
Teuffter oder Kofzteuffcher ward/
vnd ein Kauffman
betrog.



Schimpfflich schalckheit thet Eulenspie-
gel einem Kofzteuffcher/ bey dem See zu
Wismar / wenn dahin kam allezeit ein
Kofzteuffcher/ der kaufft kein pferdt/ nur
das er den kauff machet/ vnd nicht kauffet/ vnd
zog denn die Pferd bey dem Schwanz/ das thet
er den pferden die er nicht kaufft/ vnd het sein ge-
merck am ziehen/ ob das Kofz lang leben würd.
Vnd was sein gemerck also. Het ein pferd ein lan-
gen Schwanz/ so zog ers beim Schwanz/ stund
im

Im das lang hat schwach im Schwanz/ so kauft er das nit/denn er het den glauben/das es nicht lang lebt/stund im das hat fest im Schwanz/das kauft er/vnd het guten glauben daran / das es lang leben wurde/vnd were harter Natur/vnnd disz was ein gemein sag zu Wismar/ das sich je derman darnach richtet. Disz ward Eulenspiegel auch zu wissen/vnd gedachte/dem must du auch ein schalckheit thun/es sey mit was es wöll/ das der irthumb auß dem Volck komb/so kund Eulenspiegel etwas mit der schwarzen kunst sich behelffen/vnd oberkam da ein Pferd/ vnd macht im da ein Schwanz mit Blut vnd Hartz/ als er das haben wolt/zog damit zu dem marck/ vnd bot das Pferd thewr/auff das sie im das nicht abkauften/so lang bisz der Kauffman kam/der die pferd bey dem Schwanz zog/dem bot er das pferd gutes kauffs.

Der Kauffman sahe wol/ das das Pferd schön was/vnd gut für das Gelt/vnd gehet auch her zu/vnd wolt es hart bey dem Schwanz ziehen/vnd Eulenspiegel hett das gemacht. So baldt er dem pferd de schwanz zog/ das er in in der hand behielt/vnd was dem pferd also geschehn/als ob er dem pferd den schwanz het außgezogen.

Der Kauffman war zaghaftig / vnd Eulenspiegel warde rüffen/ ober diesen Böswicht/Se het lieben Bürger/wie er mit mein pferd verhöner vnd verderbet hat. Die Bürger kamen auch dazu/vnd sahen das der Kauffman des Pferdis Schwanz noch fein in der Hand hett / vnd da es

L § sein

Wunderbarliche Historien/

sein Schwanz nicht het/ vnd der Kauffman sich
sehr forchte/ sielen die Bürger darzwischen/ vnd
machen/ das der Kauffman Lulenspiegel gab
zehnen Gùlden/ behielt sein Pferd dazu/ vnd Lu-
lenspiegel zoh mit seinem pferd wider hinweg/ setze
ihm den Schwanz wider an/ vnd der Kauffman
zoge nach der zeit / Ein Pferd mehr bey dem
Schwanz.

Die lxx. History.

Wie der fromme Lulenspiegel einem Pfeif-
fendreher zu Lünenburg ein grosse
schalckheit thet.



D Lünenburg wonet ein pfeiffendreher/ der was ein Landfarer gewesen/ vñ mit dem lotter holtz umbglauffe/ der saß eins mals bey dem Bier/ Eulenspiegel kam auch in das geloch/ vnd het viel Gesellschaft da. Dieser pfeiffendreher der lud Eulenspiegel zu Gast/ inn dieser weils/ das er in essen wolt/ vnd sagt zu ihm/ Kom morgen zu mittag/ vnd isz mit mir/ ob du kanst. Eulenspiegel sprach ja/ verstand das wort so bald nicht/ vnd kam des andern tags/ vnd wolt zu dem Pfeiffenmacher zu gast gehen/ als er nun für die thür kame/ woz die oben vnd vnden eingeschlagen/ vnd all Fenster zu/ Eulenspiegel gieng für das Haus hin vnd her/ so lang/ das es schier mit tag ward/ das Haus bleib stets zu/ da gedacht er wol das er betrogen was/ da lieff er davon/ vnd schwiege still bisz an den andern tag.

Da kam Eulenspiegel zu dem Pfeiffenmacher auff dem Markt/ vnd sprach zu im. Sihe fromb Mann/ pfeiget jr das zuthun/ wenn ihr Gest lachend: Gehet selber auß/ vnd thun die Thür vnden vnd oben zu.

Der Pfeiffenmacher sprach/ hörstu nicht wie ich dich bat: Ich sagt/ Kom morgen zu Mittag/ vnd isz mit mir ob du kanst/ so fandestu die Thür zu geschlossen/ da kundest du nicht hinein kommen. Eulenspiegel sprach/ das habr danck/ das wußte ich noch nicht/ ich lerne alle tag. Der Pfeiffenmacher lacht vnd sprach/ ich wil dich nicht umbtreiben/ gehe nur hin heim/ mein thür steht offen/ du findest gesortens vñ gebratens bey dem feur/

L ij gehe

Wunderbarliche Historien/

gehe für hin / ich wil dir nachkommen / du solt allein sein / ich wil keinen gast mehr haben / denn dich / Eulenspiegel gedachte / das wird gut / vnd geht bald zu des pfeiffenmachers Hausz / vnd fand de dz / als er im das gesagt hatte. Die magd wendet den Braten / vnd die Fraw stund darbey vnd richtet zu. Eulenspiegel kam in das Hausz / vnd sagt zu der frawen / das sie bald solt kommen mit der magd / ihrem Hauszwiert were geschendct ein grosser fisch / das sie im den hülffen heim tragen / er wolt den braten so lang umbwenden / die fraw saget ja lieber Eulenspiegel / ich wil gehn mit der Magd / vnd behend wider kommen. Er sagt ja / geht bald. Die Frawe vnd Magd giengen zu Marckt / vnd der Pfeiffenmacher kam vnderwegen zu ihn / vnd sprach / was sie zu lauffen herren. Sie sprachen / Eulenspiegel wer in das hausz kommen / vnd het sie geheissen zu im kommen / vnd het gesagt / ihm wer ein grosser Fisch geschendct worden / den solten sie heim tragen. Der Pfeiffenmacher sprach / küdest du nicht im hausz bleiben / er hat das nicht umb sonst gethan. Vnd dieweil het Eulenspiegel das Hausz vnden vnd oben beschlossen. Als nun der Pfeiffenmacher vnd seine fraw mit der magd für sein hausz kamen / da fanden sie die Thür zu. Da sprach der pfeiffenmacher zu seiner Frawen. Nun siehest du wol / was du für ein Fisch holen solt / vnd sie klopfften an der Thür. Eulenspiegel gieng für die Thür / vnd sagt laßt ewr klopffen sein / ich laß niemand ein / dieses Wirt hat mir befohlen / vnd zugesagt /
ich

Ich sol allein hinnen sein/er wolt kein Gast mehr haben/denn mich/darumb so gehet nur hin vnd Kompt nach dem essen herwider. Der Pfeiffenmacher sprach/ds ist war/ich sagt also/aber ich meinet es nicht also. Nun lasset ihn essen sprach der Pfeiffenmacher/ich wil im wider ein schalckheit darumb thun/ vnd gieng mit der Frauen vnd der Magd in des Nachbawren Hauß/ vnd hart so lang das Eulenspiegel ledig was/ vnd Eulenspiegel bereitet die Kost gar/ vnd setzet die auff ein Tisch/frasz sich voll/vnd satz die speisz darnach wider zum Feuer/vnd da es in gut daucht/da thut er die Thür auff/vnd liesz sie offen stehn. Da kam der Pfeiffendecker/vnd sprach zu Eulenspiegel / Das pflegen fromme leut nicht zuthun/ als du gethan hast/lieber Eulenspiegel.

Da sagt der gut Eulenspiegel / Solte ich das thun/selb ander/das ich allein thun solt/würd zu Gast geben/ vnd wolt niemands mehr haben/denn mich allein/vnd brecht im mehr Gest/das würde dem Wiert nicht gefallen/ vnd gieng mit den worten auß dem Hauß. Der Pfeiffenmacher sahe im nach/vnd sprach also/nun ich bezale dich wider/wie schalckhafftig du bist. Eulenspiegel sprach/wer das best Egn/der sey Meister.

Da gieng der Pfeiffenmacher von stund an zu dem Schelmenschinder/vnd sagt zu ihm/ in der Berberg sey ein fromm Mann/ der heißet Eulenspiegel/dem sey ein Pferd gestorben / das solte er aufsären/vnd zeigt im das Hauß. Der Schelmenschinder sah das es der Pfeiffenmacher war/

Lüg vnd

Wunderbarliche Historien/

vnd sprach/ ihs/ er wolte es thun/ Vnd fuhr mit dem Schinderkarch für die Herberg/ als ihm der Pfeiffenmacher het angezeigt/ vnd fragt da nach Eulenspiegeln. Eulenspiegel kam für die Thür/ vnd fragt in was er wolt? Der Schelmenschinder sprach/ der Pfeiffenmacher wer bey im gewesen/ vnd het im gesagt/ das sein pferd gestorben wer/ das solt er außfürē/ ob er Eulenspiegel hieß: vñ ob es war wer? Eulenspiegel keret sich vmb/ vnd zohe die bruch ab/ vnd zert den Arsz weit von einander/ vnd sprach sihe hie/ vnd sag dem Pfeiffenmacher/ ist Eulenspiegel in dieser Gassen nit gefessen/ so weiß ich nit in wz strassen er sitzt. Der Schinder ward zornig/ vnd fuhr mit dem Schinderkarchen für des Pfeiffenmachers haus/ ließ im den karchen also stehn/ vnd verklagt in/ also must der gut Pfeiffenmacher dem Schelmenschinder vi. Gilden geben. Eulenspiegel satlet sein Pferd/ vnd rheit auß der Stadt.

Die lxxj. History.

Wie der gut fromb Eulenspiegel verspott ward von einer alten Bewrin/ da er sein Daschen verlorren het.

Der alten zeiten / da wohneten zu Gerdaw im land zu Lünenburg/ ein par alter leute / die bey Fünffzig Jaren im Ehelichen stand bey einander gewesen / vnd hetten



hätten grosse Kinder / die sie fürter berathen vnd
 außgeben hätten. Nun was zu der zeit gar ein
 sündlistig Pfaff auff der Pfarre daselbst / der alle
 zeit gern was / wo man prasset vnd schlempt / der
 macht mit seinen Pfarreleuten also / das auff's we
 nigest im Jar einest / must in ein jeder Bawre zu
 Gast haben / mit seiner Magd ein tag oder zwen
 voll halten / vnd auff das gülichest thun.

Nu hätten die zwey alten leut in viel jaren kein
 Kirchweih / Kindtauff oder Gastung / da der
 Pfaff ein schlamp davon haben möcht / das es in
 verdross / vnd gedacht ihm ein sinn / wie er den
 Bawren darzu brecht / das er ihm ein Collation
 geb. Er schicket ihm einen Botten / vnd fraget
 ihn / wie lang er mit seiner Hausfrawen in dem

L v Ehelis

Wunderbarliche Historien/

Ehlichen standt gefessen were? Der Bawr antwort dem Pfarrherrn/ lieber Herr Pfarrherr es ist lang das ich es vergessen hab. Dem der Pfarrherr antwort/ Das wer ein ehelicher Standt zu seiner seelen heil/ so ir nun fünfzig jar bey einander gewesen seit/ so wer der gehorsam des Ehlichen Stands auß/ als eines Mänchs inn einem Kloster/ des magstu dich mit deiner frauen vnderreden/ vnd komme wider zu mir/ vnd berichte mich der ding/ auff das ich euch helffe rathen zu ewr seelen seligkeit/ das ich meinen Pfarrkindern schuldig bin/ Dem thet der Bawr also/ vber schlug das mit seiner Hauszfrauen/ vnd künde doch nit gründlich sal jres Ehlichen Stands dem Pfarrherr anzeigen/ vnd kamen beyde mit grosser sorgfeltigkeit zu dem Pfarrherr/ vnd bathen in umb ein guten rath zu geben/ für ir unwirdigkheit willen. Der pfarrherr sprach zu in/ nach dem sie kein gewisse zeit wisten/ vnd umb sorgfeltigkeit willen jrer seelen/ so wil ich euch auff den nächsten fünffrigen Sonntag auff ein news wider zusamen geben/ ob ir nit in Ehlichem Stand wert/ das ir von newem darein kompt. Vnd darumb so schlagen einen guten ochsen/ schaf vnd schwein/ vnd bitt ewr kinder vnd gute freund zu ewr kost/ vnd thut in allen gütlich/ so wil ich auch bey euch sein. Ah lieber ja/ Herr Pfarrherr/ dem thut also/ es sol mir an ein Schock Hüner nicht ligen/ solten wir so lang bey einander gwesen sein/ vnd nun erst auß dem Ehlichen Standt sitzen / das weren icht gut.

Er gieng damit in sein Hansz/ vnd richtet zu.
 Der Pfartherr lud zu solcher Kost etlich Prelaten
 vnd Pfaffen/da er mit bekant was/ vnder denen
 was der Probst von Ebsdorff/der allzeit ein sen
 beilich Pferd oder zwey her/ vnd auch wol essen
 sehen mochte. Bey dem was Eulenspiegel ein zett
 lang gewesen/ zu dem kam der Probst/ setze dich
 auff meinen Hengst/ vnd reit mit mir/ du solt wil
 kommen sein/ dem thete Eulenspiegel also. Vad
 da sie nun kamen/ assen vnd truncken/ vnd frölich
 waren/ da saß die alte Frau/ die die Braut solte
 sein / oben am Tisch / als die Breute pflegen
 zu sitzen/ das sie müd ward vnd sprach/ ließ man
 sie auß/ da gieng sie hinten in den Hof bey dem
 Wasser Gerdaw/ vnd setze die süß in das was
 ser. Inn dem wolt der Probst mit Eulenspiegel
 ghen Ebsdorff heim reiten/ da hofiert Eulenspi
 gel der Braut mit dem jungen Hengst/ mit scho
 nen sprängen/ vnd macht dieser so viel/ daß ihm
 sein dasch vnd gürtel von der seiten fiel/ als man
 zu der zeit pflage zu tragen / Da nu das die gut
 Frau sah/ stund sie auff/ vnd nam die Daschen/
 gieng zu dem Wasser/ vnd saß darauff/ da nun
 Eulenspiegel ein Ackerleng wegs hinweg war ge
 ritten/ da vermiszt er erst sein Dasch / vnd rant
 wider ghen Gerdaw/ vnd fragt die gut alte bew
 rin/ ob sie nicht ein alte rostige Daschen vernom
 men oder gefunden hett/ die gut alt Frau sprach/
 ja Freund/ in meiner Hochzeit vberkame ich ein
 alte Daschen/ die hab ich noch/ vnd sitz drauff/ ist
 es die. O ho das ist lange sprach Eulenspiegel/ da

Wunderbarliche Historien/

du ein Braut warest/ es musz von nöten nun ein
rostige dasche sein/ ich beger deiner alten Desche
en nit/ aber wie schalckhaftig vnd listig er was/
so ward er dennoch von der alten bewrin geäfft/
vnd must auch seiner Deschen entberen/ dieselbi-
gen Deschen haben die frawen zu Gerdaw noch/
Ich glaub das die alten witwen dieselbig in ver-
wahrung haben/ Wem etwas daran leg/ der möch
te darnach fragen.

Die luytj. History.

Wie Eulenspiegel einen Bawren betrog/
ymb ein Grün Ländisch Thuch vor
Olzen/ vnd in vber redt
das es Blaw
wer.

Estottens vnd Gebratens wolt Eulen-
spiegel alzeit essen / darumb must er se-
hen/ wo er es neme. Auff ein zeit kama
er in dem Jarmarckt ghen Olzen/ vnd
besahe hin vnd her was zuthun wer/ vnder anda-
rem/ so sicht er das ein Landman ein Grün Län-
disch Thuch kaufft/ vnd wolt damit zu hausz/ da
gedacht Eulenspiegel auff das letzte / wie er den
Bawren ymb das thuch möcht bringen/ vnd fra-
get nach dem Dorff/ da der Bawer her/ oder da
heim was/ vnd nam zu jm ein Schotten Pfaffen/
vnd such ein losen Gsellen/ vnd gieng mit denen
ausz der Stad auff den weg/ da der bawer herk-
men solt/



men solt/ vnd machet da sein anschlag/ wie sie im
 thun solten wenn der bawr mit dem grünen tuch
 keme/ das es blau were / vnd ihr einer solte ein
 halbe Akerleng von dem andern gehen / gegen
 der Stad zu. Also/ da der Bawr mit dem Thuch
 auß der Stad gieng/ im willen/ das Thuch heim
 zu tragen / Ulenspiegel sprache den an/ wie er
 das schöne blau Thuch gekaufft het: Der Bawr
 antwort/ es wer Grün/ vnd nicht blau. Ulens-
 spiegel sprach/ es wer blau/ daran wolte er zwei-
 zig Gilden setzen/ vnd das nechste Mensch das
 daher keme/ das Blau vnd Grün kennen känd/
 der solt ihm das wol sagen/ da gab Ulenspiegel
 dem ersten ein Zeichen/ das er kame/ zu dem sage
 der Bawer / Freundt / wir zwen sein zweyspen-
 sig vmb die Farb von diesem Thuch / sage die
 Wahrheit/

Wunderbarliche Historien/

Wahrheit/ ob es Grün oder Blaw sey / vnd was du vns sagest / darbe. wöllen wir es lassen bleiben. Der hub an vnd sagt/ das ist ein recht schön Blaw Thuch. Der Bawr sagt nein/ ihr seid beyd Schälck/ jr haben das beyde mit einander angelegt. Da sprach Eulenspiegel/ Wolan/ auff das du sehest das ich recht habe/ so wil ich dir das zu geben/ vnnd bey diesem frommen Priester lassen bleiben/ der daher Kommet/ was der sager / das sol mir wol vnd vbel thun/ des was der bawr nu auch zu frieden. Als nun der Pfaff neher hinzukam/ da sprach Eulenspiegel zu ihm/ Herr sager recht/ was farb hat disz thuch: Der Pfaff sprach/ das sehet ihr selber wol. Der Bawer sprach/ ihr Herr das ist war/ aber die zwen wöllen mich eins dings oberreden/ das ich weiß das es erloge ist. Der Pfaff sprach/ was hab ich mit ewrem hader zuschaffen/ was frag ich darnach/ ob es schwarz oder weiß sey. Lieber Herr sagt der Bawr/ entschaidet vns/ da bit ich euch vmb. So jr das haben wölt/ sprach der fromme pfaff/ so kan ich nit anders erkennen/ denn das das Thuch blaw ist. Hörstu das nun wol/ sprach Eulenspiegel / das das tuch mein ist/ der Bawr sagt/ fürwar Herr/ wenn ihr nicht ein Geweichrer Priester wert / so sprech ich gern ihr lägen alle drey/ vnnd werend schelck daru. Aber so ihr gern ein frommer Priester weren/ so muß ich schweigen/ vnnd muß es glauben/ wie wol es erlogen ist / vnd mußte also der gut Bawr das glauben/ vnd Eulenspiegeln das Thuch lassen.

Die

Die lynnij. History.

Wie Eulenspiegel zu Hanower in die Bad-
stuben scheyt / vnd meint es wer
ein Hausz der reinigte
keit.



Dem dem Lien Thor zu Hanower in der
Badstuben wolt der Bader nicht das es
ein badstuben heißen solt sonder es hieß
ein Hausz der reinigte / des warde Eul-
enspiegel tunen / vnd als er ghen Hanower kam /
da gieng er in die Badstuben / vnd zog sich auß /
vnd als er in die Badstube trat / Da sprach er /
Got grüß euch Herr vnd ewer Hauszgsind / vnd
alle die in diesem Reinhausz sind / dem Bader
was es lieb / vnd hieß ihn willkommen sein / vnd
sprach /

Wunderbarliche Historien/

sprach/ Herr Gast ihr sagt recht/ das ist ein Keim
hausz/ vnd ist auch ein Hausz der reinigkeit/ vnd
ist kein Badstuben / wenn der Staub ist inn der
Sonnen/ in der Erden/ in der Aschen / vnd auch
in dem Sand. Da sprach Eulenspiegel / das ist
ein Hausz der Reinigkeit/ das ist offenbar/ wenn
wir gehen unrein-her ein/ vnd rein wider hinaus/ mit
dem so scheiszt Eulenspiegel einen grossen
hauffen zu dem wassertrog mitten in die Badstun-
ben / das es in der ganzen Stuben stand. Da
sprach der bader/ Nun sihe ich wol das die wort
vnd werck nicht gleich seind/ die wort waren mir
angemen / Aber deine werck seind mir nicht thig-
lich/ wenn deine wort waren gut/ aber deine werck
stinken vbel/ pfleget man disz im Hausz der Rei-
nigkeit zuthun? Eulenspiegel sagt / Ist das mit
ein Hausz der Reinigkeit: ich het hüssen mehr be-
helffen denn daussen / ich wer sonst nicht herein
komen. Der Bader sagt / die Reinigkeit pfleget
man auff dem scheiszhauß/ Das ist ein hauß der
Reinigkeit von Schwitzen / vnd du machst ein
Scheiszhauß darausz. Eulenspiegel sprach / ist
das nicht Dreck von Menschen leib kkommen: sol
man sich reinigen so musz man innen als wol rei-
nigen als aussen. Der Bader ward zornig/ vnd
sprach / solche reinigung pfleget man auff dem
Scheiszhauß zuthun/ vnd der schelmenschinder
pfleget das auß zu führen auff die schelmengrub/
vnd das pfleg ich nicht auß zu waschen/ vnd mit
diesen Worten hieß der bader Eulenspiegel auß
der Badstuben gehn. Eulenspiegel sprach/ Herr
Wier

Wiert lasset mich für mein Gelt Baden / ihr wöl
 let viel Gelt haben / so wil ich auch wol Baden.
 Der Bader sprach / das er nur außgieng außs se
 ner Badstuben / er wolt seines gelts nicht haben /
 wolt er nicht gehn / so wolt er jm bald die thür ze
 gen. Da gdacht Eulenspiegel / hie ist böß fechten
 mit Schermessern / vnd gienge also zu der Thür
 auß / vnd sprach / da hab ich für ein Dreck wol ge
 badt / vnd zog sich da wider zu / in einer Stuben
 da der Bader in aß mit seinem Hausgesindt / da
 versperret ihn der Bader / vund wolt ihn also er
 schrecken / als ob er in wolt fahen lassen. Diweil
 meint Eulenspiegel / er wer mit genug gereiniget
 in der Badstuben / vnd sieht einen zusammen geleg
 ten tisch / den thut er auff / vnd scheißt ein Dreck
 darauff / vnd thet den tisch wider zu. Also zuhand
 liesz ihn der bader wider auß / vñ waren der sachs
 en wider eines. Da sprach Eulenspiegel zu ihm /
 lieber Meister / in dieser Stuben / bin ich erst
 ganz gereiniget worden / gedend't mein in gu
 tem so es mittag wird. Ade ich scheid darvon / vñ
 mit diesen worten schied er von dannen.

Die lxiij. History.

Wie Eulenspiegel zu Bremen Milch kaufft
 von Bewein vnd sie zusamen
 schütten liesz.

S Elzam vnd lecherlich ding treib Eulen
 spiegel zu Bremen. Auff ein zeit came er
 dahin da ward ein grosser Jarmarckt / vñ
 W sah

Wunderbarliche Historien/



sah das die Bawrin viel Milch zu Markt brach-
ten. Da wartet er eins mals drauff auff ein markt
tag da kam vil milch dar/da vberkam er ein gros
se Büttten/ vnd setzet die auff den Markt/ vnd
kauffet alle die Milch auff/ die auff dem Markt
kam/ vnd liesz sie all in die Büttten schütten/ vnd
schreib jegliche fraw an zu ring herumb/ die eine
so viel/ die ander so viel/ vnd also für auß/ vnd
sagt den Frawen/ sie solten harrn/ so lang bisz er
die Milch bey einander het/ so wolt er ein jeglich
bezaln. Die Frawen sassen da auff dem Markt/
in einem ring herumb. Eulenspiegel kauffet dar
milch so vil/ das kein fraw mit milch mehr kam/
vnd der Zuber was auch gar voll. Da came Eul-
enspiegel/ macht ein schimpff/ vnd sagt/ ich hab
auff disz mal kein Gelt/ welche nicht harrn vnd
waren

warten wil Vierzeihen tag/die mag jr milch wider auß der Bünnen nehmen/vnd gieng mit hin weg. Die Bawrin machten ein Rumor/die hette so viel gehabt/die ander so viel/die dritt desgleichen/also das sich die frawen drüber mit eymern vnd Lögeln/ flaschen einander nach den Köpfen warffen/ schlugen vnd gossen einander die milch vnder die augen/vnd schürten einander die milch auff die Kleider vnd erden/das es sahe/als hett es milch geregnet/die Bürger die es sahen/lachten der schalckheit/das die frawen also zu marck giengen/vnd Eulenspiegel ward sehr gelobt in seiner schalckheit.

Die lxx. History.

Wie Eulenspiegel Zwölff Blinden saget/
er hette ihn Zwölff Gilden geben/
vnd meinet ein jeglicher der
ander het die Zwölff
Gilden/vnnd
was doch
nichts.

ALS nun Eulenspiegel ein Land auffwandert das ander nider/kam er ein zeit wider ghen Hanower/vnd treib da vil selzamer abenthewr/da reit er ein zeit für das Thor ein Ackerleng wegs spaciern/ so begegneten ihm zwölff Blinden leut/ als nun der gut Eulenspiegel

A q gel

Wunderbarliche Historien!



gel zu inen kam / sprach er / woher jr blinden. Die
Blinden stunden vnd horten wol das er auff ein
pferd saß / meineten es wer ein ehrlicher Mann /
vnd zogen jr hüt vnd Kappen ab / vnd sprachen /
lieber Juncker / wir seind in der Stad gewesen /
da was ein reicher mañ gestorben / dem hielt man
ein Seel ampt / vnd gab spend / vnd es was mech
tig Kalt. Da sprach Eulenspiegel zu den blinden /
es ist gar Kalt / ich fürcht jr werd erfriern zu tod /
nemet hin zwölff Galden / gehet darmit wider in
die Stad / zum Hansz Fritz in die Herberg / vnd
verzerr die zwölff galden vmb meint willen / bisz
der Winter hinweg ist / das ihe vor frost wider
wandern mögt. Die blinden stundē neigten sich /
vnd danckten jm fleissig / vnd meinet je ein blind
der der ander het das Gelt / vnd der ander meint
der

der dritt het das gelt/ vnd so fort an/das der letzte meiner der erst het das gelt. Also giengen sie in die Herberg/ da sie Eulenspiegel hin weisset/ vnd sprachen/ es wer ein gut Mann für sie geritten/ vnd het ihn zwölff gülden vmb Gottes willen geben/das mir sie vmb seiner willen verzeret/bisz ds der Sommer Kompt/den es wer jezund sehr kalt. Der Wiert was gericht nach dem gelt / name sie dafür an / vnd gedacht nicht drauff / das er sie gefragt het/ vnd gesehen welcher Blind das gelt het/vnd sprach/ja lieben Brüder / ich wil euch göttlich thun/er schlug vnd hiew zu / Kochet den Blinden/vnd liesz sie zeren/ so lang in daucht/ds sie zwölff Gülden verzeret hetten/da sprach er/lieben brüder /wöllen wir ein mal rechen/die zwölff Gülden seind gar bald verzeret.

Die blinden sagten ja/vnd ie einer sprach den andern an/Welcher die zwölff Gülden het/das er den wiert bzalt/der ein het die zwölff gülden nit/der ander het sie auch nicht/der dritt auch nicht/der vierdt desz gleichen / der letzte mit dem ersten hett sie auch nicht.

Die Blinden sassen vnd krazten die Köpffe/wenn sie waren betrogen/der Wiert desz gleichen saz vnd gedacht/verleurestu sie nun/so wirdt die deine Kost nicht bezalt/ beheltest du sie denn/ so freffen sie vn zeren noch bazz/habē dennoch nichts vnd bist in zweien scheden / schlug sie hinden in den Schweinstall/beschloß sie/ vnd legt ihn für Brodt vnd Stroh/vnd Hew.

Eulenspiegel gedacht / es sol nun bey der zeit

M ij sein

Wunderbarliche Historien/

sein/ das die vnsehtgen Blinden solches Gelt ver
zert hetten / verkleidet sich vnd reit in die Stadt
zu diesem wiert in die Herberg. Als er nun in den
Hof geritten kam / vnd wolt sein Pferdt in den
Stall binden / sihet er das die Blinden inn dem
Schweinstal lagen. Da gieng er inn das Haus/ /
vnd saget zu dem Wiert / Herr Wirt / was sinn
haben ihr dazu / das jr die armen blinden leut in
dem Stal laß liegen? Erbarmet euch nicht/das
sie essen/das ihn am Leib vnd Leben wehe thut.
Der wiert sprach/ich wolte das sie weren/da alle
Wasser zusamen komen/het ich mein Kost bezalt/
vnd sagt ihm alles wie er von den Blinden betro
gen wer. Eulenspiegel sprach/Wie Herr Wiert/
möget ihr kein Bürgen vberkommen. Der Wiert
gedachte/O her ich jez einen vnd sprach/ freund
kündt ich ein gewissen Bürgen vberkommen/den
neme ich an/vnd ließ die vnsehtgen blinden lauff
en. Eulenspiegel sprach/wolan/ich wil die gan
ze Stadt umbsehen / das ich euch ein Bürgen
vberkommen. Also gieng Eulenspiegel zu dem
Pfarherr/ vnd sagte zu ihm. Lieber Herr Pfar
herr/wöllet ihr thun als ein guter Freund/ mein
wiert allhie ist besessen mit dem bösen geist in die
ser nacht/ vnd der leßt euch bitten / das ihr mit
Beschweren in dauon erledigen wolt.

Der pfarherr sagt ja sonder er müßt ein tag
oder zwen harn/solch ding möchte man vberet
len. Eulenspiegel sagt/ ich wil hingehn/vnd sein
Fraw holen/das jr es zu jr selber saget.

Der pfarherr sagt ja/lasset sie herkommen.

Da

Da gieng Eulenspiegel zu seinem Wiert/ vnd sprach zu im/ ich hab euch einen Bürgen bekommen/das ist ewer Pfartherr/der wil darfür geloben/vnd euch geben das ihr haben solt/ so lasset die fraw mit mir zu im gehn/er wil ihr das zusagen/ Der Wiert was des zufrieden/ vnd schicket sein fraw mit im zu dem Pfartherr. Da hub Eulenspiegel an/ Herr Pfartherr/ hic ist die fraw/ saget jr nun selber/ als jr mir saget/ vnd gelobt habet. Der Pfartherr sprach/ ja liebe fraw/ verziehet ein tag oder zwen/ so wil ich im denn helfen/ die fraw sagt ja/ vnd gieng mit Eulenspiegeln wider zu hause/ vnd sagt das irem Mann/ der was fro/ liez die Blinden gehn / vnd sagt sie ledig/ vnd Eulenspiegel schleich von dannen.

An dem dritten tag gieng die Fraw hin / vnd manet den Pfartherrn vmb die zwölff gülden/ dz die Blinden verzert hetten/ der Pfartherr saget/ liebe fraw hat euch ewer Hauswiert das geheissen/ Die fraw sagt ja. Der Pfartherr sprach/ das ist der bösen Geist art/ das sie Gelt begern. Die Fraw sprach/ das ist kein böser Geist/ bezalt im die kost. Der Pfartherr sagt/ mir ist gesagt/ ewer Mann sey besessen mit dem bösen Geist / holet mir ihn / ich wil ihm darvon helfen mit der hilff Gottes. Die Fraw sagt/ das pflügen Schelck zuthun die Lügner sind/ so sie sollen bezalen.

Ist mein man gefangen mit dem bösen Geist/
das soltu sehen/ lieff zu hause/ sagt es irem man/

M iij was

Wunderbarliche Historien/

was der Pfarherr gesagt hett. Der Wiert ward bereit mit spieß vnd helleparten/ vnd lieff hin zu dem Pfarhof/ Der Pfarherr wardts gwar/ vnd rüfft seinen Nachbawren/ segnet sie/ vnd saget/ Kompt mir zu hilff lieben Nachbawrn/ sehet die ser Mensch ist besessen mit dem bösen Geist. Der Wiert sagt/ Gedend Psaff/ vnd bezal mich.

Der pfarherr stund vnd segnet sich. Der wiert wolt den pfarherr schlagen. Die Nachbawrn kamen darzwischen/ vnd kundten sie kaum mit grosser noth von einander bringen. Vnd dieweil der Pfarherr lebet/ weret das mit dem Wiert/ den den pfarherr vmb den ganzen schaden mant.

Vnd der Pfarherr sprach/ er wer ihm nichts schuldig. Sonder er were besessen mit dem bösen Geist/ er wolt im bald daruon helfen/ das weret dieweil sie beyde lebten.

Die lxxj. History.

Wie Eulenspiegel zu Bremen seinen
Gesten den Braten auß dem
hindern betreuft
fet.

Als nun Eulenspiegel die Biberrey zu Bremen het außgericht/ ward er ganz wol bekant in der Stadt / das ihn die Bürger wol bey jnen leiden mochten/ vnd in allen schimpffen gern haben wolten. Eulenspiegel was lang



lang in der Stadt/bisz ein versammlung von Bür
 gern vnd auch von einwonern / als Kauffleuten
 geschahē / die hetten ein Collation vnder einan
 der/das einer zu vor auß ein Braten/ Besz vnd
 Brodt/vnd welcher nicht kam/ohn sonder groß
 not / der muste dem Wiert die Zech gar bezalen.
 Auff solches Geloch kame Eulenspiegel / vnd sie
 namen ihn zu inen für ein Schimpffman / das er
 mit inen Collation hielt/als nun das Geloch he
 rumb gienge/kame es auff Eulenspiegeln auch/
 da lude er seine Zechgesellen in sein Herberg/vnd
 kaufft einen Braten / vnd legt in zu dem Feuer.
 Als nu schier essens zeit wolt werden. Da kamen
 die Zechgesellen auff dem Markt zusammen / vnd
 sprachen vnder einander/wie sie wolten Eulnspe
 geln zu ehren gehn / vnd einer fragt den andern /

Al v wüste

Wunderbarliche Historien/

wüſte jemand ob er auch etwas gekocht het oder nicht / das ſie nicht vergebens dar kamen / vnd wurdens also eins / das ſie zuſamen wolten dahin kommen / es wer beſſer ſie empfiengen den ſpott mit einander / denn einer allein. Also da die Sechſſen für die Thür kamen / da der gut einfeltig Eulenspiegel in zu herberg was / nam er ein ſtück Butter / vnd ſtieß das hinten in die Kerben / vnd fert den arß hinten zu dem feur / vber den Braten / vnd betreuſt den Braten mit der Buttern / auß der Kerben. Da die Geſt für die thür kamen / ſtunden vnd wolten ſehen / ob er auch etwas gekocht het / da ſahen ſie das er also ſtund bey dem feur / betreuſt den Braten. Da ſprachen ſie / der Teuffel ſey ſein Gaſt / ich iß den Braten nicht / vnd Eulenspiegel manet ſie vmb die Vrten / die ſie im gern gaben / auff das ſie von dem Braten nicht dorfften eſſen.

Die lxxij. History.

Wie Eulenspiegel in einer Stadt in Sachſen Schelck ſeet.

Wld darnach kam Eulenspiegel zu der Weſer in ein Stadt / vnd bleibe da ſo lang / das er alle Zendel innen wardt / denn er het da zwölff herbergen / was er in einem Hauß lehend / das fand er im andern wider / hört vnd ſah / das er nicht wuſzt / vnd ſie wurden ſein müd / deß gleichen warde er ihr auch müd / vnd erberkam bey dem Waſſer kleine Steinlin / gieng auff der gaſſen vor dem Rathauß vnd orten auff vnd



vnd nider/ vnd seet sein Saat zu beyden theilen/
 da kamen die frembden leut darzu/ vnd fragten
 was er seet: Eulenspiegel sprach / ich see Schel-
 ke / Die Kauffleut sprachen/ die darffest du hie
 nicht seen/ ihr seindt vor gnug hie. Eulenspiegel
 sagt/ das ist war/ sondern sie wohnen hie in den
 Heusern/ sie solten daransz lauffen/ sie sprachen/
 warumb seest du hie nicht auch fromme leut. Eu-
 lenspiegel sprach/ fromme Leut wöllen hie nicht
 auffgehen/ der Boden tregts nicht / solche wort
 kamen für den Rath.

Eulenspiegel wurde beschicket / sie geboten
 ihm/ sein Samen wider auff zu heben / vnd sich
 zu der Stadt außz schleppen / Dem thet er also/
 vnd kam zehen meilen von dannen/ in ein andere
 stad/ in willens/ er wolt mit der Saat in Dernet
 schen/

Wunderbarliche Historien/

sehen/aber das geschrey war vor im in die Stad
kommen/damit must er geloben durch die Stad
hinweg zu ziehen/ohn essen vnd trincken mit sein
Saar/das es nun mit anders sein mocht/da ent
lehnet er ein Schifflin / vnd wolte einen Sack
mit dem Aran in das Schifflin lassen heben/ als
er nu von der Erden auffgehoben ward / brache
der Sack in der mitten entzwey? / vnd bleibe der
Saar vnd der Sack da liegen. Eulenspiegel
verlieff sich/vnd sol noch wi
der kommen.

Die lxxiij. History.

Wie Eulenspiegel sich zu Hamburg zu
ein Barbierer verdingt/vnd dem
Meister durch die Fenster
inn die Stub
gieng.

Eins mals kam Eulenspiegel ghen Ham
burg auff den Hofmarck / stund vnd sahe
sich umb/da kam ein Barbierer zu ihm/
der fraget ihn/was bistu für ein Handt
wercks gefell? Eulenspiegel sagt/ich bin ein Bar
bierer mit kurz im gsagt. Der Meister dinget in/
vnd derselbig Barbierer wohnet auff dem Hof
marck/gleich daneben ober/da sie stunden / vnd
das hausz hert hohe Fenster gegen der Strassen/
da sagt der Meister zu Eulenspiegeln/ siehest du
das hausz da gegen ober / da die hohen Fenster
sind/da gehe ein/ich wil baldt hinach kommen.
Eulen/



Eulenspiegel sagt ja / vnd gehet zu dem Fenster
 hinein / vnd sagt / Gott grüß euch vnd das hand
 werck. Die Fraw saß in der Stuben vnd spann /
 die erschrack zu mal vbel / vnd sprach / sihe / füh
 ret dich der Teuffel da herein / kanstu nicht zu der
 Thür herein gehen / ist dir das Thor nicht weit
 genug ? Eulenspiegel sprach / liebe Fraw / zörner
 nicht / ewer Hauszwert hat mich das geheissen /
 vnd gedingt für ein Knecht. Die Fraw sprach /
 das ist mir ein getrewer Knecht / der selnem mei
 ster Schaden thut. Eulenspiegel sprach / Liebe
 Fraw / sol nicht ein Knecht thun als in sein Mes
 ter heisset. Mit dem so Kompt der Meister / vnd
 hört / vnd sahe den handel als Eulenspiegel be
 gangen hat. Da sprach der meister / wie Knecht /
 kanst du nicht zu der Thür eingehen / vnd hettest
 mich

Wunderbarliche Historien/

mir meine Fenster ganz glassen/was ursach hast du doch hie gehabt/das du mir durch die Fenster bist herein gekrochen: Lieber Meister ihr hiesst mich/da die hohen Fenster seind/da solt ich ein gehn/ihr wolter baldt hinnaich kommen/so hab ich nach ewrem geheissen gethan/ vnd ihr seind mir nicht nach kommen/als ihr sagt/das ich vor hin solt gehen. Der Meister schweige still/denn er bedorfft sein/vnd gedacht/wenn ich das mein bessern kan/so wil ich das wol mit ihm finden/vnd im das abbrechen an seinem lohn. Da hieß der Meister Eulenspiegel die Schermesser schleiffen. Eulenspiegel sagt/ia gern/der Meister er sprach/schleiff sie glatt auß dem Rücken gleich der schneiden/ Eulenspiegel sprach ia/ vnd begund zu schleiffen/ den Schermessern/ den Rücken gleich der schneiden/ der Meister kam vnd wolt zu sehen/wz er drauß machen wolt/da sahe er/das die Messer/ die er geschliffen het/ der Rück was als die schneid/vnd die Messer die er auff dem Schleiffstein herrt/die schliffe er auch darnach/Da sagt der Meister/wie machstu das/dz wirdt böß ding/Eulenspiegel sprach/wie solt das böß ding werden/ihn ist doch nicht weh/denn ich thu als ihr mich geheissen habt. Der Meister ward zornig/vnd sprach/ich heisz dich/das du ein böser arger schalck bist/hör auff/vnnd laß dein schleiffen/vnd geh wider da du her bist kommen. Eulenspiegel sprach ia/ vnd gieng inn die Stuben/vnd sprange zu dem Fenster wider hin auß/da er hinein kommē was/da ward der barmherziger

Scherer

schere noch böser / vnd liess ihm nach mit dems
Büttel / vnd wolt ihn fahen / das er ihm die fen-
ster bezalt / die er im zerbrochen het / Aber Eulenspiegel der was behend / vñ war eh bereit denn
der Meister / kam in ein schiff / vnd fuhr bald dar
von.

Die lxxiiii. History.

Wie ein Fraw Eulenspiegel zu Gast lude / vnd
der Hof zu der Nasen aufzhieng /
vnd troff.



Es bgab sich auff ein zeit / das ein Hof solt
werden / vnd Eulenspiegel wolt drauff rei-
ten / da warde ihm sein Pferd hinden /
derhalben gieng er zu Fuß / es was aber
heiß / vnd ihn hungert vbel. Nun was ein Klein
Dörfflin

Wunderbarliche Historien/

Dörfflin vnder / aber kein Wierts hausz darin/
vnd was vmb mittag/da gieng er in das Dorff/
darin er wol bekant was/vnd kam in ein Hausz/
da saß die Fraw/machet Kesz/vnd het ein Klom-
pen Molken / in dem hieng ein grosser Schnu-
del auß der Nasen / da bot ihr Eulenspiegel ein
guten tag/vnd sahe den schmidel wol/ das merck-
te sie/vnd dorfft die Nasz auch nicht an den Er-
mel wäschen/so kundt sie sich auch nicht schneu-
gen/da sprach sie zu ihm/ Lieber Eulenspiegel/
setz euch vnd wartet / ich wil euch gute frische
Butter geben. Da keret sich Eulenspiegel vmb/
vnd gieng zu der Thür auß/ die Fraw küßt ihm
nach/hart doch vnd essen vor etwas/Eulenspie-
gel sagt/Liebe Fraw/darnach er fellt/vñ gieng
in ein ander Hausz/ vnd gedachte / der Buttern
magstu nicht / der darzu ein wenig Teig het/
dürfft kein eyer einschlagen/sie würden von dem
Koz feist gnug.

Die lyyv. History.

Wie Eulenspiegel ein Weißz Musz allein
auß als/darumb das er ein Klumpen
auß der Nasen ließ darein
fallen.

S Koz schalckheit thet Eulenspiegel einer
Bewrin nach dem er was hungerig wor-
den/vnd fand die Fraw allein / die saß
bey dem feur/vnd kocht ein weißz musz/
das roch Eulenspiegel so wol vnder Augen / das
ih



in das lust zu essen/ vnd bat die Fraw/ das sie ihm
 das weiß Musz wolt geben/ die Fraw sagt/ ja lie
 ber Eulenspiegel gern/ vnd solt ich das selber ent
 bereu/ so wolt ich euch das geben/ das jr das al
 lein esset. Eulenspiegel sagt/ mein liebe fraw/ das
 möcht wol komen nach ewern worten/ die fraw
 gab ihm das Musz gar/ setzt die Schüssel auff den
 Tisch mit dem weißen Musz/ vnd bracht Brodt
 dazu/ Eulenspiegel was hungriq/ begund zu es
 sen/ vnd die fraw kam/ vnd wolt mit ihm essen/ als
 der Daur pflegt zuthun / da gedacht Eulenspie
 gel/ wil sie fast kommen/ so wirdt nicht lang eta
 was da bleiben/ hustet ein grossen Knotten/ vnd
 warff den in die schüssel/ in das weiß Musz/ Da
 ward die Fraw zornig/ vnd sprach/ Psey dich/
 das Weiß Musz frisz du Schalck allein. Eulen
 7 Spiegel

Wunderbarliche Historien/


Spiegel sagt liebe Fraw / ewere ersten wort waren also. Ihr wolt das selber entberen / vnd ich solde das Weiss Musz allein essen / nu kommet vnd es set jr mit mir / vnd hettē das weiss Musz wol mit dreien bitten außz der schüsseln geholt. Die Fraw sprach / das dich nimmer guts angehe / gönness du mir mein eigne kost nicht / wie woltest du mir denn dein kost geben. Eulenspiegel sagt / Fraw ich thu nach ewrn Worten / vñ aßz das weiss musz alles außz / wäschet den Mundt / vnd gieng davon.

Die hyyvj. History.

Wie Eulenspiegel in ein Hausz scheiß / vñnd bließ den gestand durch die Wand in ein Orten / die ihn nit leiden mochten.

Sehr hefftig wandert Eulenspiegel / vñnd kam gen Nürnberg / da was er vierzehn tag / vñnd in der herberg wohnt ein frommer mann / der was reich / gieng gern in die Kirch / vñnd er vermocht sich nit wol der Spilleut / wo die waren / oder her kamen / da gieng er darvon. Nun hett derselb mann ein gewonheit / das er zu seinem Mahl sein Nachbawrn zu Gast bat / vñnd welcher Nachbawer ein Gast bey ihm het / oder die frembd waren / dis lud er auch mit ihnen / die waren ihm als lieb / als seine Nachbawren. Da kam nu die zeit / das der fromb vñnd Reich Mann die Gest wolt haben / vñnd als bald

schicku



schickt sich eben / Das Eulenspiegel in seins nech-
 sten Nachbawren Hausz zu Herberg was. Dieser
 Reich Mann lud seine Nachbawren / als er denn
 ein gewonheit hat / vnd alle ihre Gest die sie her-
 ten / von den frembden leuten / Sondern Eulens-
 spiegeln / den lud er nicht / denn er sahe in für ein
 Gauckler an / darumb wolt er in nicht laden. Da
 nun die Nachbawren zu dem Reichen Mann zu
 gast in sein hausz giengen / mit den frommen leu-
 ten / die bey item Hauszherrn zu Herberg waren /
 gieng der Wiert auch / bey dem Eulenspiegel zu
 Herberg was / mit seinen Gesten / vnd der wiert
 sagt zu dem Eulenspiegelin / wie ihn der Reichs
 Mann für ein Gauckler anseh / darumb het er in
 nit geladen. Eulenspiegel was des zufteden vnd
 gedacht / bin ich ny ein Gauckler / so wil ich ihn
 n u Gauckler

Wunderbarliche Historien/

Gauclerey beweisen/ vnd verdrosz in/ das in der Reich mann nicht geladen het. Nun was es bald nach Sanct Martinus tag / da die gästung geschah. Der wiert saß mit seinen gästen in einem köstlichen gemach/ das was hart an der Wand/ da Eulenspiegel zu herberg was/ als sie nun saßen/ vnd waren guter ding/ Kompt Eulenspiegel vnd hort ein loch durch die Wand/ die in das gemach gieng/ da die Gest in saßen/ vnd nimpt einen Blaszbalg/ macht ein grossen hauffen seines dreck's/ vnd bliesz mit dem blaszbalg in das loch/ das er gebort hette/ das stanck so vbel / das niemand in dem Gemach bleiben mochte/ she cñer sahe auff den andern / der ein meinert/ der ander reucht/ der ander meinert der drit stanck also. Vnd hort nicht auff mit dem Blaszbalg/ bisz die Gest auff musten stehn/ vnd kundten vor dem gestanck nicht bleiben. Sie suchten vnder allen Vencken Ferten da in allen wincklen/ das halff alles nicht/ niemand wusst wo dz herkam/ da kame Eulenspiegels Wiert heim / vnd der was von dem gestanck so schwach worden/ das er alles auß ihm bräche/ das er im Leib het / vnd sagt wie es inu de Gemach von menschen Dreck gestuncken het/ Eulenspiegel der ward lachen/ vnd sprach/ wolt mich der Reich Mann nicht zu Gast laden/ vnd mir gönnen seiner Kost/ ich bin ihm doch gänstiger denn er mir ist/ ich gönne im doch wol meiner Kost/ were ich da gewesen/ so het es nicht so vbel gestuncken/ vnd rechnet von stund an mit seinem Wiert/ vnd reit hinweg / wenn er fürcht/ es kem von

von im auß. Also merck't der wiert wol das er et
 was wist von dem gestand / vnd kundte es doch
 nicht recht erfarn / wie er das het zugericht / vnd
 verwundert in sehr. Als nun Eulenspiegel zu der
 Stad hinauß was / findet der wiert diesen Blas
 balg / der gar wol beschissen was / fand auch das
 Loch / das er in seines Nachbawren Hausz durch
 die Wand gebort hette / von stund kompt er dar
 auß / vnd holt sein Nachbawren / vnd sagt ihm
 diese ding / wie Eulenspiegel die gethan het / vnd
 sein wort gewesen wern. Der Reich mann sprach
 lieber Nachbawr / der Toren vnd Spilleut wird
 niemands gebessert / darumb wil ich der nit mehr
 in meinem hausz haben. Ist mir nun diese Bube
 rey geschehen ewers Hausz halben / da kan ich nit
 zu / ich sahe ewern Gast an für ein Schalck / das
 ließ sich an dz warzeichen / so ist noch besser von
 ewrem Hausz / denn von meinem hausz / vielleicht
 hette er mir schedlicher ding gethan. Eulenspie
 gels Wiert saget / lieber Wiert / ihr habt wol ge
 hört / vnd ist auch also / für ein Schalck soll man
 zwey liechter setzen / vnd das muß ich wol thun /
 denn ich muß allerley Gest halten / damit
 giengen sie von einander. Eulens
 spiegel was da gewesen /
 vnd kam nicht
 wider.

Wunderbarliche Historien/

Die lxxviij. History.

Wie Eulenspiegel den Wiert zu Eiszleben
erschrecket / mit einem Todten
Wolff / den er zu fahen
versprochen
het.



In Eiszleben wohnt ein Wiert / der was spät
tisch / vnd hielt sich das er ein grosser Wiert
was / da kam Eulenspiegel in sein Herberg /
vnd es was winter / das ein grosser Schnee
lag / da kamen drey Kauffleut / auß Sachssen in
finstere Nacht inn die Herberg / die wolten ghen
Nürnberg / der Wiert was behend mit dem mun-
de / vnd hiesz diese drey Kauffleut willkommen
sein / mit elenden worten / vnd sprach also. Wo
het /

her/was den teuffel das sie so lang auß/ weren ge
wesen vnd kommen so spat inn die herberg. Da
sprachen die Kauffleut/ Herr wiert ihr dörfft vns
nit also stürmē/ vns ist ein abentheur wider fare
vnderwegen/das vns ein Wolff gar vil leids hat
gethan/der bekame vns also im Moß/ das wir
vns mit ihm schlagē mußten/das hindert vns so
lang. Da der wiert dz hort/da was er ganz spöt
tisch auff sie/vnd sprach / das were ein schandt/
das sie sich liessen ein Wolff hindern. Vnd wen er
allein in dem feld wer/ dz im zwen wölff im moß
bekamen/die wolt er versagen. Nun weren jr drey
vnd liessen sich ein Wolff erschrecken/ das weret
den abend auß/das der wiert die Kauffleut ver
acht/bisz sie zu beth giengen. Eulenspiegel saß da
bey/vnd hōret das gespōrt.

Als sie nun zu Beth giengen / Da warden die
Kauffleut vnd Eulenspiegel inn ein Kammer ge
legt/da sprachen die Kauffleut vndereinander/
wie sie in dem thun möchten/ das sie den wiert be
zalten. Da sprach Eulenspiegel / lieben Freund/
ich merck wol das vnser wiert ein Hochbocher ist
wōlt ihr mich hōren/ich wil in bezalen/das er euch
nicht mehr von dem Wolff sol sagen. Den Kauff
leuten gefiel das wol/ vnd gelobtem ihm Gelt zu
geben/da sprach Eulenspiegel / das sie hinritten
nach irer Kauffmanschaft/vnd kemen in irer wi
derreiß wider herein zur Herberg/so wil ich auch
als denn da sein/da solten sie den Wiert bezalen/
das geschach auch darnach. Die Kauffleut waren
wegfertig / vnnnd bezalten ihr zering / vnd fār
Eulenspiegel

Wunderbarliche Historien/

Eulenspiegeln auch/ vnd ritten auß der herberg/ vnd der Wiert küßt den Kauffleuten nach in ge spött. Ir Kauffleut sehet zu/ das ench kein wolf bekom/ Sie sprachen/ habt danck das ihr vnns warnet/ ist das vns die Wölff essen / so Kommen wir nicht wider. Da reit Eulenspiegel auff den Hartz / vnd stellet den Wölffen / vnd steng ein/ den tödter er/ vnd liesz den hart gefrieren/ gegen der zeit/ als die Kauffleut gen Eiszleben wolten wider in die herberg Kommen/ da nam Eulenspiegel den todten wolf in ein sack/ vnd reit gen Eiszleben / vnd fand die drey Kauffleut / als ir abscheid was/ des abents vnder dem nacht essen. Da was der wiert noch gemlich mit den Kauffleuten vber dem Wolff/ sie sprachen. es were in also gangen/ begeh es sich/ das ihn zwen wölff ankemen/ dz er sich den eines Wolffs zum ersten erwehret/ vnd schlag denn den nesten hernach. Der Wiert sprach grosse wort/ wie er zwen Wölff zu stücken schlagen wolt/ vnd das weret den ganzen abent/ bisz sie zu beth wolten gehen. Eulenspiegel schweige still/ so lang/ bisz er zu den Kauffleuten in die Kamer kam/ da sprach Eulenspiegel zu den Kauffleuten. Ir guten freund seit still vnd wacht/ was ich wil/ das wöllet ihr auch/ lasset mir ein Lecht brennen. Als nun der Wiert mit seinem gesind schlaffen was/ da schleich Eulenspiegel laisz von der Kammern/ vnd hette den todten Wolff/ der da sehr hart gefroren was / vnd truge den zum herd/ vnd vnderstalt denselbigen mit stecken/ das er auffrecht stundt / vnd sperrt ihm das Maul weit

welt auff/ vnd steckt im zwen Binds schühlin in
 das Maul/ vnd gieng wider zu den Kauffleuten
 in die Kammer/ vnd rüfft dem Wiert/ der wiert
 hört das baldt/ den er was noch nicht entschlaf-
 fen / vnd der wiert sprach/ was sie wolten/ ob sie
 aber ein Wolff beissen wolt. Da sprachen sie/ Ach
 lieber Wiert sendet vns ein Knecht / das er vns
 trincken bringe/ wir können für durst nicht blei-
 ben. Der Wiert was zornig vnd sprach / das ist
 der Sachssen art/ die sauffen tag vnd nacht/ vnd
 rüfft der Magd/ das sie auffstünd / vnnnd brecht
 ihn trincken in die Kammer / die Magd stund
 auff/ vnd gieng zu dem Fewr/ vnd wolt ein liecht
 anzünden/ da sah sie dem Wolff recht ins maul/
 da erschrack sie/ vnd ließ das Liecht fallen / vnd
 lieff in den Hof/ vnnnd meinet nit anders / denn
 der Wolff hett die Kinder fressen.

Eulenspiegel vnd die Kauffleut rüfften fortan
 vmb trincken. Der Wiert meinet die Magd wer
 entschlaffen / vnd rüfft dem Knecht / der stund
 auff vnd wolt auch ein liecht anzünden/ vnd sicht
 den Wolff auch da stehn / da meinet er / er hette
 die Magd gessen/ vnd lieff in den Keller. Eulens-
 piegel vnd die Kauffleut horten solche ding. Eulens-
 piegel sprach / seit guter ding das Spil wilk
 gut werden. Eulenspiegel vnd die Kauffleut rüff-
 ten zum dritten mal / wo der Knecht vnnnd die
 Magd wer/ das sie kein trincken brechten / das
 er doch selber kem / vnd brecht ein Liecht / sie
 kändten nit auß der Kammer komen/ der wiert
 meinet nicht anders / denn der Knecht wer auch

entschlaffen/


Wunderbarliche Historien/

entschlaffen/ vnd stunde auff/ vnd ward zornig/
vnd sprach/hat der Teuffel die sachsen gemacht
mit ihrem sauffen/ vnd zân der ein Liecht an bey
dem Fewr / vnnnd sihet den Wolff oben bey dem
Zerd sitzen/vnnnd her die Schuh im Maul ward
er laut schreien / vnd rüfft/ Mordto / Mordto/
Ketten liebe freund/vnd lieffe zu den Kauffleu/
ten/die in der Kammer waren/vnd sprach/Lie
ben Freund/Kommet mir zu hilff/ein gewaltiches
Thier stehet bey dem Fewr/vnd hat mir die Kin
der / die Magd mit dem Anecht gefressen/ die
Kauffleut waren balde bereitet/ vnd Eulenspieg
el auch/vnd giengen mit ihm zu dem fewr. Der
Anecht kam auß dem Keller/die Magd kam auß
de Hof. Die Fraw bracht die Kinder auß der Kam
mer / so das sie noch alle lebten. Eulenspiegel
gienge herzu/ vnd stieß den Wolff mit dem Fuß
ymb / der lag vnd reget sich nicht. Eulenspiegel
sagt/das ist ein todt Wolff / vnd ihr macht dar
auß ein geschrey/was sein jr für ein blöder man/
beißt euch ein todter wolff in ewrem Haus/vnd
sagt euch all ewer Gestnd in die windel / vnd ist
nicht lang da wolten ihr zwen lebendig Wölff im
Selde schlagen. Die Kauffleut lachten/ vnd bez
alten was sie vnnnd Eulenspiegel verzert herten.

Die lxxvij. History.

Wie Eulenspiegel zu Cöllen dem
Wiert auff den Tisch
schelß.

Bald




Wald darnach kam Eulenspiegel ghen Cöb-
 len in ein Herberg / vnd truckt sich ein tag
 oder zwen / das er sich nicht zu erkennen
 gab / in den tagen mercket er / das der
 Wiert ein Schalck was / da gedacht er / wo der
 wiert ein Schalck ist / da haben es die Gest nicht
 gut / du solt ein ander herberg suchen. Des abents
 mercket der Wiert an Eulenspiegeln / das er ein
 ander Herberg hette / da weist er die andern zu
 Beth / vnd in nicht. Da sprach Eulenspiegel / wie
 Herr Wiert: Ich bezale meine Kost so theur / als
 die ihr zu beth weiset / vñ ich solt hie auff der bäck
 schlaffen. Der wiert sagt / sehin / da hastu ein par
 Leilachen / vnd liesz ein grossen Jurtz / vnd auff
 der stert noch einen / vnd sprach / sehin da hastu
 ein Hauptpfälben / vnd zum dritten / liesz er
 noch

Wunderbarliche Historien/

noch einen hertretten / vnd sprach / sehñ / da hast du ein ganzes beth / behelff dich bisz morgen vnd leg sie mir zu hauff / das ich sie bey einander wider find. Eulenspiegel schweig still / vnd gedacht sihe das merckstu wol / du must den Schalck mit einem Schalck bezalen / vnd lage also die Nacht auff der Bancf. Da hatte der Wiert ein seuberliche Tischtafel mit Flügeln / den thet Eulenspiegel auff / vnd scheiß darauß einen grossen hauffen / thet den wider zu. Des morgens gieng er für des Wierts Kammer / vnd sprach. Wiert ich danck euch für ewer Herberg / vnd liesz mit dem ein grossen scheiß / vnd sagt zu jm / hört das sind die Federn von dem Beth / Hauptfüßen / Leilach / Decken mit dem Beth / habe ich zusammen in ein hauffen glegt. Der wiert sagt / Herr Gast / das ist gut / ich wil darnach sehen / wenn ich auff stehe. Eulenspiegel sprach / das thut / sehet euch vmb / ihr werdet das finden / vnd gieng damit auß dem Hausz. Der Wiert solt des mittags viel Gestr haben / vnd solten auff der hübschen Tafel essen. Als er nun die Tafel auffthet / da gieng ihm ein böser geschmack entgegen / vnd fand den Dreck darinnen / vnd sprach / er gibet den lohn nach den wercken / ein furtz ist mit einem scheissen bezalt / da hieß er ihn wider holen / vnd wolt ihn basz probieren / Eulenspiegel kam wider / vnd er vnd der Wiert vertrugen sich der sachen also / das er hinfurt auff ein gut Beth kam.

Die lxxix. History.

Wie Eulenspiegel den Wiert mit dem
Klang von dem Gelt
zalet.



Zu Cöllen was Eulenspiegel langzeit in der
Herberg/da begab es sich/ das die Kost spat
zu dem fewe bracht ward/ Das es hoch mit
tag war/ das verdrosz Eulenspiegeln sehr/
das er so lang solt fasten/ den verdruß sah in der
Wiert wol an/ vnd sprach zu jm/ wer nicht har-
ren wil bisz die Kost bereitet wird/ der möcht es-
sen was er hette. Eulenspiegel gieng vnd als ein
Semel auff/ vnd gieng da auff den Herdt / vnd
da es zwölff schlug/ da ward der Tisch gedeckt/

die

Wunderbarliche Historien/

die Kost warde darauff bracht/ der Wiert gieng
mit den Gessen sitzen/ vnd Eulenspiegel bleib in
der Küchen. Der Wiert sprach/wie/wiltu nicht
zu Tisch sitzen:nein/antwort Eulenspiegel/Ich
mag nicht essen/ich bin des geschmacks von dem
Braten vol worden. Der Wiert schweig/asz mit
den gessen/vnd nach essens bezalten sie die Irten/
der ein wandert/der ander bleib. Eulenspiegel
sasz bey dem Feuer. Da kam der Wiert mit dem
Selbreit/vnd was zornig/vnd sprach zu Eulens-
spiegeln/das er aufflegt zwen Cöllisch Weispfen-
ning für das Mahl. Eulenspiegel sprach/ Herr
Wiert seid jr ein solcher Mann/das jr Gelt von
ein nemet/der ewerer speisz nit isset. Der Wiert
sprach zorniglich/ das er das gelt gebe / hetre er
schon nicht gessen/so wer er doch des geschmacks
voll worden/er wer da gefessen vber dem Brate/
das wer so viel/als wer er vber der Tafeln gefes-
sen/vnd het daruon gessen/das wolte er ihm für
ein mahl rechnen. Eulenspiegel zog herfür ein Cöl-
lischen Weispfenning / vnd warffe den auff die
Banc/vnnd sprach/Herr Wiert/höret ihr wol
diesen Klang? Der Wiert sprach/diesen Klang hö-
re ich sehr wol. Eulenspiegel der was behend bey
dem Pfening/stiess den wider in Sectel/vnnd
sprach/so viel als euch der Klang hilffet von dem
Pfening/ so viel hilfft mich der geschmack von
dem Braten in meinem Bauch/spotter des
Wierts/zohe von dannen vom Rein/
wider inn das Landt zu
Sachsen.

Die lxxx. History.

Wie Eulenspiegel zu Rostock hin-
weg schied.



Wie ernst Reiser Eulenspiegel vonn Ros-
stock / als er die schalckheit hett gethan /
vnd kam in ein Flecken zu Herberg / da
vinn was nicht viel zu essen / vnnnd der
Wiert het viel Kinder / dabey was Eulenspiegel
gantz vngern. Da hand Eulenspiegel sein Pferde
in ein Stall / gieng inn das Hausz / vnd kame zu
dem Feuer / sand ein kalten Herdt / vnd ein lehre
wohnung / da merckt er wol / das armut da was /
Da sprach er / Herr Wiert / si habe böse Nachba-
ren. Der wiert sprach / ja Herr Gast sie stelln mit
elles was ich im Hausz hab. Eulenspiegel lache

Wunderbarliche Historien/

vnd gedacht/hie ist der Wiert wie der Gast / er hette wol lust da zu bleiben/ sonder die Kinder die mocht er nicht leiden/denn er sahe/ das sie giengen / vnd theten ihre notturfft hinder die hauszthür/ein Kind nach dem andern.Da sprach Eulenspiegel zu dem Wiert. Wie sind ewre Kinder so vn sauber/haben sie keine statt/da sie möchten ihre notturfft hin thun / denn hinder die hauszthür? Der Wiert sprach/ Herr Gast/ was schelt ihr daran/mir mißfellt doch nicht daran/ich werde es morgen hinweg.Eulenspiegel schweig still/vnnd darnach so er not het/da schiess er ein grossen hauffen zum Fehr/ da kam der Wiert / die weil Eulenspiegel vber seinem werck was. Vnd sprach /das dich der Ritt schütt / scheisdestu jetzt zu dem Fehr/ist der Hof nit weit genug? Eulenspiegel sprach/Herr Wiert was scheltet jr daran? da ligt mir auch nit an / ich Fers reglich hinweg/vnd sass auff sein pferdt/rheit zu der Thür auf: Der Wiert rufft jm nach/halt/halt / vnd mache den Dreck von dem Herd hinweg. Eulenspiegel der sprach/wer der letst ist/der Fere das hausz/ so wirdt mein Dreck vnd ewer Dreck mit einander außgesetzt/vnd rheit also dahin.

Die lxxxj. History.

Wie Eulenspiegel ein Sündtschande/
vnd gab das Sell der Wiertin für
jr bezalung/darumb
das er mit jm

als

WFF



Wff ein zelt begab es sich / das Eulenspie-
 gel kam an ein ort zu Hausz / vnd fand die
 Wiertin allein / vnd da het die wiertin ein
 zornigs hündlin / das het sie gar lieb / vnd
 must je sters auff dem schoßz liegen wenn sie müß-
 sig was. Als nu Eulenspiegel bey dem feur saß /
 vnd tranck außz der Kannen. Da het die scraw den
 Hund darzu gewent / wenn sie Bier tranck / so
 must sie dem Hund bier in ein schüßelin geben /
 das er auch tranck. Als nu Eulenspiegel saß vnd
 tranck / da stund der Hund auff / vnd geliebet sich
 zu Eulenspiegeln. Das sahe die Wiertin / vnnnd
 sprach / Ach lieber gebet ihm zu trincken in die
 schüffel / das ist sein meinung. Eulenspiegel sage
 zu ihr / gern / die Wiertin gieng / vnnnd thet die
 ding / die sie zu schaffen het / vnnnd Eulenspiegel
 tranck /

Wunderbarliche Historien/

tranc̃/ vnd gab dem Hund auch in ein Schüssel/
vnd darein ein bißten Fleisch/ so das der Hundt
voll war/ vnd er legt sich zu dem Feuer/ vnd stre-
cket sich so lang er was/ da sagt Eulenspiegel zu
der wiertin/ wir wollen rechen/ vnd sprach/ liebe
Wiertin/ ob ein Gast ewer Kost iszt/ vnnnd ewers
Biers trinckt/ vnd er het kein Gelt / woltet ihr
dem Gast auch borgen: Die Wiertin bedacht sich
nicht darauff / das er den Hundt meinet / vnnnd
gdacht er wer derselbig Gast/ vnd sprach zu im/
herr gast man borget hie nicht/ man muß gelt ge-
ben oder pfandt. Eulenspiegel sprach/ das bin ich
meins theils zu frieden / ein anderer sorge für dy
sein / da gieng die Wiertin hinweg / vnd da es
Eulenspiegel fundt zu wegen bringen/ nam er de
Hund vnder den Rock/ vnd gieng in den stall/
vnd zog im das fell ab/ gehet wider in das hausz/
zu dem Feuer/ vnd het des Hunds fell vnder dem
Rock. Da hieß Eulenspiegel die Wiertin zu ihm
kommen/ vnd sagt/ laßt vns rechen. Die wiertin
rechnet/ vnd Eulenspiegel leget das halb ge-
loch. Die wiertin sprach/ wer das ander halb be-
zalen solt/ er het das Bier allein getruncken. Er
sprach/ Nein/ ich het einen gast/ der tranc̃ auch
mit / vnnnd derselbe het kein gelt / sondern er hat
ein Pfand / der sol die ander halbe bezalen. Die
Wiertin sagt/ was ist das für ein Gast/ was hat
er ein Pfande Eulenspiegel sagt das ist der rock
den er hat / vnd zog das Hundsfell vnder dem
Rock herfür/ vnd sprach/ sehet Wiertin / das ist
des Gasts Rock/ der mit mir tranc̃. Die wiertin
erschrack/

erschreckt / vnd sahe wol das es ihres Hundts fell
 war / vnd ward zornig / vnd sprach / das dir nim-
 mer guts gescheh / warumb hast du mir meines
 Hundt abgerogen? Eulenspiegel sagt / Fraw das
 ist ewer eigen schuld / ich laß euch fluchen. Ir sagt
 mir selber / ich solt dem Hundt einsehencken / vnd
 ich sprach / der Gast hat kein gelt / vnd ihr woltet
 mir nit borgen / ir wolt gelt oder pfand haben / so
 het er kein gelt / vnd das Bier müst bezalt sein /
 da müst er sein Ruck zu pfandt lassen / den nemet
 nun für sein Bier / das er getruncken hat.

Die Wiertin ward noch böser / vnd hieß ihr
 auß dem hausz gehn / vnd solt nimmer in ir hausz
 kommen. Eulenspiegel sprach / ich wil auß ewern
 hausz nicht gehn / sondern darauß reiten / saddlek
 sein pferdt / vnd chait zu der Thür auß.

Die lxxvij. History.

Wie Eulenspiegel dieselbige Wiertin über-
 redt / das Eulenspiegel auff
 dem Rad le-
 ge.

Nicht weit von Staszfurt ligt ein Doerff /
 da kam Eulenspiegel hin zu herberg / vnd
 sahe in dem hausz ligen ein Rad / da le-
 get er sich oben drauff / both der Wiertin
 ein guten tag / vnd fraget / ob sie nicht etwas ge-
 hört het von Eulenspiegeln sagen? Sie sprach /
 was sie von dem Schalck hören solte / sie möchte
 ihn nicht neuen hören. Eulenspiegel sprach /

Was

Wunderbarliche Historien/



was hat er euch gethan/ das ihr im so gram seit/ doch wo er hin kam/ da schied er ohn schalckheit mit/ sie sprach/ das bin ich wol innen worden/ er kam auch her/ schand mir meinen hund/ vnd gab mir die haut für das Bier so er getruncken her.


Eulenspiegel sprach/ Fraw das ist nicht wol gethan/ Die Wiertin sprach/ es wirdt ihm auch fellschlich gehn. Eulenspiegel sprach/ Fraw/ das ist schon geschehen/ er ligt auff dem Rad / Die

Wiertin sprach/ das sey GOTT gelobt/ vnd gedanckt/ Eulenspiegel

sprach/ ich bin es/ Ade/ ich fahr dahin.

Die lxxvij. History.

Wie Eulenspiegel ein Wiertin mit bloßem Arsz in die heiße Eschen setzet.



Wise vnd zornige nachreden bringē bösen lohn. Als nun Eulenspiegel von Rom reiset/ da kam er in ein Dorff/ da waz ein grosse Herberg/ vnd der Wiert was nicht zu Hausz. Da sprach Eulenspiegel zu der Wiertin/ ob sie auch Eulenspiegel kenneet.

Die Wiertin sprach/ nein / ich kenn sein nit/ aber ich hab wol von ihm gehört sagen / das er sey ein außserlesener schalck / da sprach Eulenspiegel/ liebe Frau/ warumb sagt jr das er ein grosser
 O ij ser

Wunderbarliche Historien/

ser Schalck ist: vnd ir Kennet in nicht. Die Fraw sprach/was ist dran glegen/ das ich in nit kenn/ da ist kein macht an glegen/ die leut sagen aber/ er sey ein böser bub. Eulenspiegel sagt/ lieb fraw hat er euch je leyd gethan: Ist er ein schalck/ das habt ir von hören sagen. Die Fraw sprach/ ich sag als ich von den leuten gehört hab/ die zu mir auß vnd eingehn. Eulenspiegel schweig still/ des morgens tagt es/ da scharrt er die heisz Asch von einander/ vnd geht zu dem beth/ vnd nimpt die wiertin auß/ dem schlaff auff sich/ vnd tregt sie in die kuchen/ vnd setzt sie mit blossen arsz auff die heisse Aschen/ verbrant ir den Arsz gar/ vnd sprach/ Nun Wiertin/ jetzt mögt ir wol von Eulenspiegel sagen/ das er ein Schalck ist/ ir empfind das nu wol/ vnd habt in gesehn/ hiebey mögt ir in erkennen. Das Weib ward ruffen jamer/ vnd Eulenspiegel gieng auß/ dem Haus/ lachet heimlich dieser schalckheit.

Die lxxviii. History.

Wie Eulenspiegel einer Wiertin in das Beth scheisz/ vnd die Wiertin oberredt/ das es ein Pfaff gethan het.

WIt einem Pfaffen wandert Eulenspiegel ghen Franckfurdt an die Oder/ vnd kamen beyde inn eine Herberg auff den abendt/ da thet ihn der Wiert gütlich/ gab



gab in fisch vnd wildpret. Als sie nun zu tisch sitzen wolten/ da setzt die Wiertin den Pfaffen oben an den Tisch/ vnd was guts in der blatten was/ das legt die Wiertin dem Pfaffen für/ vnd sagt/ das esset von meinet wegen. Eulenspiegel saß vnd den am Tisch/ vnd sahe den Wiert vnd Wiertin fast an/ aber niemands legt im etwas für/ oder hieß in essen/ vndd must doch gleich als viel gelten. Das Mahl ward volbracht/ vnd als es nun schlaffens zeit was/ da ward Eulenspiegel vndd der pfaff in ein kammer glegt/ vnd jeglichem ward ein schön beth bereit/ darauff schliefen sie. Nun des Morgens zu guter zeit/ stunde der Pfaff auff vnd betet sein zeit/ vnd bezalt darnach den wiert vnd zog weiter. Eulenspiegel der bleib ligen/ bisz das die Glock Neune schlug/ vnd schiffe in das

O iij Beth/

Wunderbarliche Historien/

Beth/darinn der pfaff glegen was/da fraget die Wiertin den Hausknecht/ ob der Pfaff oder die andern gest auff wern gstanden/ oder ob sie auch gerechnet hetten: Der Anecht sprach ja/der pfaff stund vor einer guten zeit auff / betet/ bezalt vnd wandert weiter/ aber den Gesellen hab ich disen morgen noch nicht gesehen. Die fraw besorgt/ er wer Franck/ gieng in die Kammer/ vnd frage Eulenspiegel ob er nicht auffstehn wolt: Er sprach ja Wiertin/ ich was nicht wol zu Passz / In dem wolt die fraw die Leilachen von des pfaffen bethe nemen/da sie das auffdeckt/da lag ein grosser dre eke im Beth/ey behüt mich Gott/sprach sie/wz ligt hier: Ja liebe fraw/ das verwundert mich nit sprach Eulenspiegel/denn was nechren guts auff den Tisch kam/das ward dem pfaffen für glegt/ vnd was kein ander sagen/denn Herr esset/ vnd mich verwundert/das es darbey blieben ist / als viel der Pfaff assz/das er die Kammer nicht auch voll geschissen hat.

Die wiertin flucht dem vnschuldigen pfaffen/ vnd sagt/wenn er wider keme/ so müst er weiter gehn/aber Eulenspiegel den frommen Anecht/ den wolt sie gern beherbergen.

Die lxxxv. History.

Wie ein Solender Eulenspiegel ein gebra-
ten Apffel auß der Rachel assz/
der ihm nicht wol
bekam.

Ein



In Holender bezaleet Eulenspiegel recht
 vnd redlich zu Antdorff in einer herberg/
 da warn Holendische Kauffleut/ vnd Eu
 lenspiegel ward ein wenig krank/ das er
 kein Fleisch mocht/ vnd kochet im wetche Eyer/
 als nu die Gest zu Tisch sassen/ kam Eulenspiegel
 zu dem Tisch/ bracht die weichen Eyer mit ihm/
 vnd der ein Holender sahe Eulenspiegeln für ein
 Bawen an/ vnd sprach/ wie Bawer/ magstu des
 Wierts Kost nicht/ muß man die Eyer kochen/
 vnd nimpt die Eyer beyde/ vnd schlecht sie auff/
 vnd schüttert eins nuch dem andern in Halsz/ vnd
 leget die Schalen wider für den Eulenspiegeln/
 vnd sprach/ sehin leck das Vasz/ der Totter ist he
 rausz/ die andern gest lachten des/ vnd Eulenspie
 gel mit in. Aber auff den abend da kaufft Eulen
 spiegel

Wunderbarliche Historien/

spiegel ein hübschen Apffel/den hõlet er innwendig auß/vnd stieß den voll Mücken/Dreck vnd Fliegen/vnd brierte den Apffel mäslichen/vnnd schelt den apffel/bsteckt in auswendig mit zucker vnd imber / als sie nu des abents wider zu Tisch sassen/da bracht Eulenspiegel den apffel auff einem Deller/vnd keret sich von dem Tisch/als ob er mehr wolt holen. Als er nu den Rücken wend/da greiff der Holender zu/ vnd nimpt den gebraten Apffel von dem Deller/vnd schlucket den gar baldt ein/von stundt an wardt sich der Holender brechen/vnd spey das gar von ihm / was er im Leib het/vnd ihm ward ganz vñrecht/das der Wiert meinet/vnd die andern Gest/ er het im in dem Apffel vergeben. Eulenspiegel sprach/das ist kein vergiffte/ es ist ein reinigung seines Magens / denn einem begirigem Magen bekõmmt sein Kost nit wol/denn het er mir das gesagt/das er den apffel so begirig wolt haben eingeschlicket/ich wolt in haben gewarnet/denn in die weychen Eyer kamen keine Mücken/aber in den gebratenen Apffel lagen sie/das must er wider von ihm speien/in dem da kam der Holender wider zu ihm selber/das es ihm nicht schadet / vnd sprache zu Eulenspiegeln/Is vnd Brat/oder Koch

was du wilt / so isz ich nicht

mit dir/vnd hettest du

schon Krammats

Vogel

Die

Die lxxxvi. History.

Wie Eulenspiegel macht/das ein Frau
alle ihre Hasen enzwey
schlug.



Nun Eulenspiegel diese schalckheit hett
ausgericht/das reiset er wider gen Bres
men/zu dem Bischoff/der hett nun viel
schimpffs/vnd hett in fast lieb/vnd ste
tes richtet er im ein schimpfflich abentherer zu/
des der Bischoff sehr lacher / vnd hielte ihm sein
Pferdt kostfrey / da thet Eulenspiegel/ als ob er
der Hüberer müd wer / vnd wolt in die Kirchen
gehn/da spottet sein der Bischoff fast/aber Eu
lenspiegel ferret sich nit daran / gieng vnd betet/
bisz

Wunderbarliche Historien/

bis das der Bischoff in reizet auff das aller hin
derst. Da hett sich Eulenspiegel heimlich mit einer
frawen vertragen/die was eins Hafners Fraw/
saz bey dem markt/ vnd het die Hasen feil. Die
Hasen bezalt Eulenspiegel der Frawen alle mit
einander/vnd vertruge sich mit ihr/ wie sie denn
thun solt/ wenn er ihr wincket oder ein Zeichen
geb. Da kam Eulenspiegel wider zum Bischoff/
vnd thet gleich als ob er in der Kirchen wer ge
wesen. Der Bischoff fiel in wider an mit gespöt/
zuletzt sprach Eulenspiegel zu dem Bischoff/ Ge
nediger Herr/ Kommet mit mir an den Markt/
Da stehet eine Hafnerin mit Hasen / da wil ich
mit euch wetten/ich wil jr nicht zusprechen/noch
mit gesicht wincken / ich wil sie mit stillen Wor
ten darzu bringen/das sie auffstehen sol/vnd nes
men ein stecken/vnd sol die Töpff selber enzwey
schlagen. Da luste mich wol zu sehen sprach der
Bischoff/vnd wettet mit jm vmb Dreissig Gäl
den/die Fraw thet das nicht/ die wertunge war
de angeschlagen/vnd der Bischoff gieng mit Eu
lenspiegeln auff den markt. Eulenspiegel seyget
ihm die Frawe/vnd giengen auff das Rathausz.
Vnd Eulenspiegel bleib bey dem Bischoff/vnnd
thet solch geberd mit Worten vnnd mit wercken/
wie er die Fraw dahin bringen wölte/das sie al
so thun würde / zuletzt gabe er der Frawen das
Zeichen/ als ihr abscheid was/da stund sie auff/
vnd schlug die Töpff alle enzwey. Als nun der
Bischoff wider in sein hof kam/da nam er in auff
ein seit/vnd sagt zu jm/das er in das solte leren/

wit

wie er das het zu gericht/ das sie die töpff enzwey
 schläg/ so wolt er ihm dreissig gülden geben/ als
 denn verwert weren. Eulenspiegel sagt ja/ Gnedi-
 ger Herr / vnd sagt ihm / wie er zum ersten die
 Töpff bezalt het / vnd das mit der Frawen an-
 gelegt/ vnd het das mit der schwarzen Kunst nit
 gthan/ sagt ihm alle ding/ da lacht der Bischoff/
 vnd gab ihm die dreissig Gülden / vnd er müste
 ihm da geloben / das er das niemands wolte sa-
 gen / vnd wolt es ihm darzu mit einem feiszen
 Ochsen bessern. Eulenspiegel sprach ja/ er wolte
 das gern verschweigen/ war auch fertig/ stun-
 de auff/ vnd zohe von dannen. Als nun Eulen-
 spiegel hinweg was/ da saß der Bischoff mit sei-
 nen Rittern vnd Knechten vber Tisch/ vnd sagt
 zu ihnen/ wie er die Kunst kōnd/ vñ wolt die fraw
 auch dahin bringen/ das sie all ihr töpff enzwey
 schläge. Die Ritter vnd Knecht begerten nicht zu
 sehen/ das sie die Töpff enzwey schläg/ sondern
 das sie die Kunst möchten wissen. Der Bischoff
 sprach/ wil ein jeder mit einen guten feiszen och-
 sen in mein Küchen geben / so wil ich euch diese
 Kunst alle leren/ da was es im Herbst / das die
 Ochsen am besten wāren/ vnd ein jeder gedacht/
 du soltest ein par Ochsen geben/ sie kommen dich
 doch nicht sawer an/ auff das du die Kunst möch-
 test gelernen. Die Ritter vnd die Knecht boten
 dem Bischoff ein jeder ein feiszen Ochsen / vnd
 ein jeder Ochs was zwölff gülden werth/ also/ da
 die dreissig Gülden die er Eulenspiegeln gab/ die
 waren dreifaltig bezalt/ vnd dieweil kam Eulen-
 spiegel

Wunderbarliche Historien/

Spiegel geritten / als die Wchsen noch bey einander
der stunden / vnd sprach / von dieser beut gehört
mir das halb. Der Bischoff sprach zu Eulenspie-
gel / halt du mir was du mir gelobt hast / ich wil
dir auch halten was ich dir gelobt habe / vnd laß
deine Herren auch bey ihrem Brodt bleiben / vnd
gab ihm ein feisten Wchsen / den name Eulenspie-
gel an / vnd danckt dem Bischoff. Nach dem so na-
me der Bischoff dieselben seine diener / vnd hube
an vnd sprach / das sie alle ihm zu hören / er wöl-
te inen diese Kunst sagen / vnd sagt ihm alle ding /
wie sich Eulenspiegel vorhin mit der Frawen ver-
tragen het / vnd die Töpffen bezalt. Als nu der
Bischoff das gesagt hette. Da lassen alle seine die-
ner / als ob sie mit listen betrogen weren / vnd je
Keiner dorffte vor dem andern etwas reden / der
ein kratzt sich auff dem Kopff / der ander hinder
dem Nacken / der Kauff het sie gerewet / denn sie
mühten sich all umb ihre Wchsen / zu letzt müß-
ten sie zu frieden sein / vnd trösteten sich damit /
es wer ein Gnediger Herr / ob sie ihm schon die
Wchsen geben müßten / so bliebē sie auch dabey /
vnd das wer inn einem schimpff geschehen / es
verdrosz sie nichts so sehr / nach dem das sie
ihre groß Toren / dz sie ire Wchsen für Kunst
halten hetten geben / sondern das ein solche
Santafey was. Eulenspiegel
bracht ein Wchsen dar
von / vnd zog
he hin
weg.

Die LXXXVij. History.

Wie ein Bawer Eulenspiegeln auff ein Karren
setzt/der Pflaumen ghen Limbeck
zu Markt führen
wolt.



Die Durchleuchtigen vnd Hochbornen
Fürsten von Braunschweig/hielten zu
der zeit ein Rennen/Stechen vnd Tur-
nieren/mit vielen frembden Fürsten vnd
Herren/Ritter vnd Knechten/ Inn der Stadt zu
Limbeck/ vnd mit iren Vnderassen. Nun was
es in dem Sommer/das die Pflaumen vnd ander
Obs zeitig was.

Da wtz zu Oldenburg bey Limbeck ein fromer
einfel

Wunderbarliche Historien/

einfeltiger Mann/ den het ein garten mit pflaum
baumen/ der ließ ein Karren voll Pflaumen brech
en/ vnd wolt damit ghen Limbeck fahren / als
denn viel Volcks da was / vnd meinet derer da
basz abzukommen / denn anders wo. Als er nun
für die Stadt kame / da lag Eulenspiegel vnder
einem grünen Baum in dem Schatten / vnd hett
sich in der Herren Höf vbertruncken / das er wes
der essen noch trincken mocht/ vnd einem Todten
Menschen gleicher denn einem Lebendigen was.

Als nun der fromme Mann bey ihm herfuhr.
Da sprach Eulenspiegel den Mann an ganz
Krencklich / als er wol kund/ Ach guter freund/
sihc/ hie bin ich so krank drey tag gelegen/ vnnd
wo ich noch einē tag also ligen soll/ so müßte ich
Hungers vnd Durst halb wol sterben/ darumb so
thu das best / vnd fähr mich vmb Gottes willen
in die Stadt.

Der gut fromme Mann sprach / Ach guter
Freund/ ich wolte es gern thun/ aber ich hab ein
Karren voll Pflaumen geladen/ wenn ich dich da
rauff setze/ so machest du mir sie alle zu schanden.
Eulenspiegel sprach/ nimme mich mit / ich wil
mich vorthen auff dem Karren behelffen.

Der gut Mann was alt / vnd thet seinem leib
vnd Leben weh ehe er dem Schalck auff den Kar
ren half/ der sich auff das aller schwerest macht/
vnd fuhr da vmb des Kranken willen defter ge
mechet. / da nu Eulenspiegel ein weil gefahren
was / da zog er das Stroh von den Pflaumen/
vnd steig hinder seinen Rücken heimlich auff den
Karren/


Barren / vnd scheiß dem armen Mann auff die Pflaumen / vnd zoh das Stroh wider drüber. Als nun der Bawr in die Stadt kam. Da rüfft Eulenspiegel / Halt / Halt / hilf mir von dem Barren / ich wil hie aussen vor dem Thor bleiben. Der gut Mann halffe dem argen Schalck von dem Barren / vnd fuhr darnach sein Strasz / den nechsten weg zu dem Markt. Nun was einer in der stadt der was allwegen der erst / wenn dahin etwas zu Markt kame / vnd doch selten etwas kauft / der kam nun auch dazu / vnd zohe das Stroh wol haßber herab / vnd bescheiß die hend gar. In dem kam der mann wider auß seiner herberg. Eulenspiegel her sich gar verkleid / vnd kam auch ein andern weg her gezogen / vnd sagt zu dem Bawrn / was hast du zu Markt bracht: Pflaumen sprach der Bawr. Eulenspiegel sagt / du hast bracht als ein Schalck / die Pflaumen seind beschissen / man solt dir das Landt verbieten mit den Pflaumen. Der gut Mann sihet darnach / vnd sahe das es also was / vnd sprach / vor der Stad lage ein krank Mensch / der sah gleich als der hie steht / denn das er ander Kleider an hat / den fuhr ich umb Gottes willen für das Thor / derselbig Schalck hat mir den schaden gethan.

Eulenspiegel der sprach / der Schalck wer wol schlagen wert. Also muszt der fromme Mann die Pflaumen hinweg fähren auff die Schelmengrub / vnd dorfft sie niergends mehr verkauffen.

Wunderbarliche Historien/

Die lxxxviii. History.

Wie Eulenspiegel ein Roszteu-
scher was.



Woff ein zeit het Eulenspiegel ein stetiges
Pferde feil/da kam einer vnd wolts im ab
Kauffen/besah es/vnd gefiel im wol/vnd
fragt ihn/ob es kein bösen tuck hinter im
het/er solt es im nit verhehlen/so wolt ers im red
lich bezaln. Eulenspiegel sprach ich weiß kein ge
brechen an im/denn es geht nit ober die Baum.
Der Kauffman sprach/ich wil es ober kein baum
reiten/wilt du mirs umb ein zimlichen pfennig
geben/so nem ichs. Eulenspiegel sprach/ich gibe
dits umb kein pfennig/aber umb fünfzehn gäl
den wil ichs geben/er ward des kauffs eins/vnd
bezalt

bezalt es ihm / Da er nun das Ross wolte zu der
 Stadt außs reiten / da kundte er es nicht vber die
 bruck bringen / wenn die bruck war von beuemen
 gemacht / noch meiner der / so das Pferdt kauffen
 het / es gteuge nicht vber die Beum die auffrecht
 ständen / vnd nam Eulenspiegel mit Recht für /
 da wurd erkant es were ein betrug / Eulenspiegel
 solt ihm sein Gelt wider geben / vnd solte er sein
 Pferdt nemen / das was Eulenspiegel nicht ge
 legen.

Die lxxxix. History.

Wie Eulenspiegel einem Rossteuſcher ein
 Pferdt abkaufft / vnd im das nur
 halb bezalt:



Wunderbarliche Historien/

En Hildesheim kam Eulenspiegel zu ein
Kostenscher/der bot im ein Pferd vmb
Fünff vnd zwenzig Gilden. Eulenspie
gel der marckt mit im/die vier vnd zwen
zig Gilden wolt er im geben/vnd saget/ich wil
dir jetzt zwölff Gilden geben/die anderen zwölff
wil ich dir schuldig bleiben. Der Kostenscher
sprach/nimb hin/vnd schlugs im dar. Eulens
piegel zelt im die zwölff gilden dar/vnd reit mit
dem Pferd hinweg. Es stund wol auff drey Mo
nat/da kam der Kostenscher zu ihm/vnd hiesch
im die zwölff gilden. Eulenspiegel sprach/ich sol
sie dir schuldig bleiben / sie kamen mit einander
für Gericht. Eulenspiegel verantwort sich/wolt
nicht von dem geding wie ers kauft het/vnd sa
get/ich habs Kofs kauft vmb vier vnd zwenzig
gilden/vnd hab im zwölff gilden bar drauff ge
ben/die andern zwölff sol ich im schuldig bleibe/
wenn ichs im nun geb / so bleibs nit bey meinen
worten/vnd hab doch mein wort jimmerdar war
gehalten / vnd gethan alles was man mich
geheissen hat/ ich hoff es bleibe auch da
bey. Also warde das Recht verzo
gen/vnd sol Eulenspie
gel das Gelt noch
geben.

Die

Die xc. History.
 Wie Eulenspiegel ein Hirdt wurde im
 Hertzogthumb zu Brauns-
 schweig.



WAS Eulenspiegel anfieng / so kundert er
 doch nicht Reich werden / noch gut vber
 Komen / vnd gedacht / wie thetest du der
 Sach / das du auch etwas vberkomest /
 All Amptleut des Fürsten werden reich / ohn ich /
 vnd trät auch zum Fürsten / vnd bate / das er et-
 liche Jar seines Viehs Hirdt were / er döfft ihm
 kein lohn geben / der Fürst verlihe es ihm zehen
 Jar. Da Eulenspiegel nun ein gewaltiger Hirdt
 wurde / schreib er einer Stadt im Land / er höret
 sagen wie sie gut Weide hetten / er wolt Komen /

P in vnd

Wunderbarliche Historien/

nd seines Fürsten vtehe darauff weiden. Sie er
Chracken vbel vnd forchten sich/als auch gesche
hen wer/er würde ihn die Weide gar abeyßen/da
mit ihnen ihr Vieh mangel müßzt leiden/vnd scht
afeten ihm schaff vnd zwenzig Galden/er solt sie
des vberheben mit viel worten. Eulenspiegel ge
dacht/es wil gut werden vnd darnach schreib er
in ein andere Stadt / die ihm gelegen was / sie
schickten ihm auch gelt/vvnd also für vnnnd für/
bizz er ein Fächsin Roß trug/vnd gut vberkam/
Der Fürst fragt ihn/wie es zu gieng. Eulenspie
gel sprach/Gnediger Herr/es hat ein sinn/es ist
kein Ampt so klein/es treget etwas nutz auff
ihm. Ein anderer sprach/es ist kein
Ampt so klein/es ist hen
kens werdt.

Die xvj. History.

Wie Eulenspiegel ein par Schuh kaufft
ohn Gelt.

Dff ein zett gieng Eulenspiegel zu Keffurd
durch die Schumacher gassen/da sprach in
eins Schumachers Fraw an / er solt ihr
ein gut par Schuh abkauffen/ er versucht
einen Schuh an/der was im gerecht/vnnnd thet
den andern Schuh auch an / vnd trolt sich hin/
die



die gassen auß / die frau lieff im nach / vnd schrey
haltend den Dieb / die Nachbawren wolten ihn
halten / da saget er / Sey lasset mich gehen / wie
lauffen die wett vmb ein bar Schuh / also kam er
daruon / vnd gab die schuh dem knecht in seiner
Berberg.

Die xcij. History.

Wie sich Eulenspiegel zu einem Baw-
ren verdinget.

Eins mals wolt der Bawr mit seim Knecht
Eulenspiegel in den Wald faren / einen
Barren mit Holz holen / der Knecht saß
auff dem Pferd / vnd saß der meister hin-
der dem Pferd auff den hohen Baumen.

P un Da

Wunderbarliche Historien/



Da sah der Meister einen Hasen vor im vber den
weg lauffen/ vnd sprach/ Knecht/ Ker wider vmb/
es ist gar vnglücklich wenn ein Hase ein vber den
weg laufft/ wir wöllen heut etwas anders thun/
Ker fuhr wider heim/ des anderen tags fuhren sie
wider hinaus. Da sie schier zu dem wald kamen/
da sprach Eulenspiegel/ Meister / es ist da vor/
nen ein Wolff vber den weg gelauffen/ der Mei-
ster sprach/ fahr hin / es ist eitel glück/ wenn ein
Wolff vber den weg laufft/ sie fuhren hin/ vñnd
spantten das pferd auß/ auff die weyd/ vnd liessen
den Karren also stehen/ giengen in Waldt vñnd
machten holtz. Nun schickt der meister nach dem
pferd vnd Karrn/ das sie laden vnd heim führen.
Da

Da der gut Knecht sarn wald kompt/ sihet er das
das Pferd ist gefelt/ vnd steckt der Wolff in im/
vnd friszt. Eulenspiegel was heimlich fro/ lauffet
hin vnd rufft dem Meister/ vnd sprach/ Kompt
Meister/ das glück steckt im Pferd. Der Mei-
ster sprach/ was sagest du? Eulenspiegel sprach/
gehet baldt/ oder ihr versumpt das glück/ da
gienge er hinzu/ vnd sahe den Wolff im Pferd
stecken vnd frasz. Da sprach der Knecht/ Meister
bettet ihr vns dem Hasen lassen nach fahren/ der
het euch das pferd nit gessen/ vnd sprach/ Mei-
ster jr seid aberglaubig/ ich wil wandern.

Die viij. History.

Wie Eulenspiegel ghen Parisz auff die ho-
he Schul zog.

Auff ein zeit zog Eulenspiegel gen Parisz/
da was eben ein Disputatz da von etlichen
Doctores/ als man Examiniert ad Licen-
tiam / Da gienge Eulenspiegel auch
mit hinnein/ vnd stunde für den / der oben auff
dem Stul saß/ vnd sahe ihn sehr an. Der Doc-
tor Kathetriert/ vnd sprach/ Lieber Gesell was
sihest du also/ woltest du etwas fragen? Eulen-
spiegel bedacht sich kurze/ vnd sprach/ ja Herr/
ich hab ein hohe Frag zuthun/ vnd sprach. Wel-
ches ist besser/ ist besser das ein Mensch das thu/
das er weiß/ oder das/ das einer erst lern/ das er
nit weiß? Oder machen die Doctores die bücher/
odder machen die Bücher Doctores? Die Do-
ctores


Wunderbarliche Historien/



ctores sahen einander an / vnd wurden Opinto
nes vnder in / einer meinet je das ander wer das
best/aber der mehrertheil waren darauff das ein
Mensch thet/das er wist/wer besser/ denn das
er lernen wolt/das er nicht wiste. Da sprach Eu
lenspiegel/so seid ihr alle grosz Narren / das ihr
stets wolt leren das jr nicht wist/vnd das ihr
wisset/das thut ewer keiner/vnd spre
che/Disputa vmb die Bücher/
wie obstehet/keret sich
vmb/vnd gienge
hinweg.

Die veltij. History.

Wie Eulenspiegel zu Berlin ein Büttel oder
Stadtknecht ward/ vnd hett ein gros-
sen lust den Bawren Gelt
odder Pfand auß
zutragen.



Wff ein zeit da ward Eulenspiegel auß ge-
schicket in ein Dorff Gelt zu heischen/ von
einem bawrn/ der gab nicht geen gelt auß/
was auch arm. Eulenspiegel zohe dahin
mit sein spizlin vnuerdacht/ da kam der Teuf-
fel zu im in eins Bawrn weisz/ aber Eulenspiegel
der mercket das wol / das er der Teuffel was/
Sie giengen vnd redten mit einander/ der Bawe
sprach / du wilt Gelt heischen oder bringen/
lass

Wunderbarliche Historien/

laßz vns mit einander gemein haben / denn ich
gehe auff ein verborgen Schatz / den wil ich ein
bringen / vnd mit dir theilen. Eulenspiegel ge-
dacht/du hast lang wol gehört / der Bößz wisse
viel Schetz zu finden / vnd war der sach eins mit
ihm/vnd giengen also durch ein Dorff / da hör-
ten sie ein Kindt schreien vnd weinen / da kam
die Mutter zum Kindt / sprach in zorn / ey nun
schreye vnd weine / das dich der Teuffel holen
müsse. Da sprach Eulenspiegel / hörstu nicht/
das man dir ein Kindt wil geben/warumb nim-
stu es jez nicht. Der Teuffel sprach / lieber / der
Mutter ist nicht ernst / sie ist so zornig. Nun sie
giengen hin vber das Feldt / da giengen sie für
ein grosse herd Saw/da was ein grosse feist saw
neben außz gelauffen / vnd lieff sie der Hirt nach/
das er sie wider vmb treib / vnd sprach/Hubin/
das dich der Teuffel hole aller Saw. Eulenspie-
gel het gern theil gehabt / vnd sprach / hörst du
nicht / da gibst man dir jez ein Saw / warumb
nimbstu sie nicht / ich wil dir fürter die gemein-
schafft auff sagen. Vnd der Teuffel sprach / Lie-
ber / was wolt ich mit einer Saw thun / ihm ist
auch nit ernst/vnd wenn ich sie ihm denn nem/so
müßst sie der arm Hirt bezalen/ich warte auff ein
bessers. Eulenspiegel gdacht als auff ein Schatz/
also giengen sie bisz in den Hof/ da Eulenspiegel
solt Gelt heischen / da stund der Bawer dort in
der Schwern/vnd drasche Korn/so bald er Eu-
lenspiegeln sichr mit der Büchsen / so spricht er/
wol einher in aller Teuffel Namen / das dich der
Teuffel

Teuffel holen müß: Der Teuffel sagt zu Eulenspiegel / hörstu auch was der Bawr sagt? vnd dem ist jetzt ernst / du must mit mir. Eulenspiegel sagt / ich beger mit dir für das Recht / denn ich hab gesaget / ich wil die gemeinschafft schier aussagen / das thu ich jetzt / darumb thu mit nichts widerrecht / ich bin ein Stadknecht / vnd gebiet dir für mein Schultheissen / aber der Teuffel kam mit / als so macht sich Eulenspiegel bald vom Ampt.

Die xv. History.

Wie Eulenspiegel ein Metz het / die er für sein Ehefraw außgab / vnd verdingt sich zu ein Dorff Pfarrherr.



119

Wunderbarliche Historien/

Auff ein zeit ward Eulenspiegel redlich be-
zalt/ von einem Dorffpfarrherr/ der dorff-
te eines glöckners/ nam Eulenspiegel an/
vnd dingt ihn. Als er nun ein zeit bey ihm
was/ da sahe er wol/ das der Pfarrherr ein leckee
hafft Mann was mit den Frawen / vnd auff ein
mal sprach er/ Herr ich wolt gern wissen wie viel
ihr doch frawen in diesem dorff versucht het/ etc.
Saget mirs in geheim / es sol bey mir bleiben.
Der Pfarrherr sagt zu im / ich wil dir es künde
thun / ich vertrau dir / du bist mein getrewer
Knecht / vnd jetzt bisz Montag ist ein Feiertag/
so wird ein groß Opfer / so ich vber den Altar
stehe/ vnd warte des Opffers/ so stehe du dane-
ben vnd gibe die Stal zu küssen / vnd wenn ich
sprich Brems / da hab acht auff / dieselb hab
ich versucht. Nun gieng die Schultheissen vnd
Heimbürgerin vmb de altar/ er sprach Brems/
Es daucht Eulenspiegel selzam vnd schweig/
in dem gehet Eulenspiegels Fraw auch vmb dem
Altar/ Er sprach Brems. Eulenspiegel sprach/
es ist mein Fraw/ Der Pfaff sprach / es sey deins
Fraw oder nicht/ sie ist Brems/ ich wil dir nicht
vnrecht thun. Von stund an nam Eulenspiegel
verlaub/ vnd zog hinweg / vnd liez den Pfaffen
dahinden mit der Sure.

Die xvij. History.

Wie Eulenspiegel die Mönch zu Ma-
riental in die Netten
zalt.

By



Bey der zeit als Eulenspiegel alle Landt
 vmbgelauffen hat / was alt vnd verdrossē
 worden / da k̄ in ein Galgenrew an / vnd
 gedacht / wie er sich in ein Kloster wolt er
 gebē mit seiner armut / vñ sein zeit also verwand
 en / vnd wolt Gott dienen / sein lebenslang / wens
 Gott vber ihu geb̄t / das er nicht verloren w̄r /
 vnd kame also zu den Apt vonn Mariental /
 vnd bat ihu / das er ihu in einem Bruder wolt
 auffnehmen / er wolt dem Kloster alles das sein
 hinder ihm lassen. Dem Apt was auch wol mit
 Tarren / vnd sprach / du bist noch verm̄glich /
 ich wil dich geren auffnehmen / wie du gebeten
 hast / aber du must auch etwas thun / vnd ein
 Ampt haben / du siehest wol das meine Br̄der
 vnd ich / alle zu thun haben / vnd jedem ist etwas
 befohlen

Wunderbarliche Historien/

befohlen. Da sprach der gut fromb Eulenspiegel / ja Herr Apt gern / wolan in Gottes Namen / du arbeitest nicht gern / du solt vnser Pöner sein / so bleibest du in deinem Gemach / vnd hast mit allen kein bekümmerniß / allein Kost auß dem Keller zu holen / vnd die Pfort auff vnnnd schliessen. Eulenspiegel sprach / Würdiger Herr / das vergelte euch Gott / das ihr mich alten mehr so wol verforget / ich wil auch alles das thun das ihr mich heissen werdt.

Der Apt sprach / sehin den Schlüssel / Du sol nicht jederman ein lassen / den Dritten oder Vierten laß kaum ein / denn zu viel ein lassen / freß baldt das Kloster arm. Eulenspiegel sagt / ih Würdiger Herr / ich wil ihm recht thun / vnd all die da kamen / sie gehörten in das Kloster oder nicht / so ließ er nur den Vierden / vnd nicht mehr / die Klage kam für den Apt / der sprach zu Eulenspiegeln / du bist ein außgelesener schalck / wiltu nicht herein lassen gehen / die herein gehören Herr / sagt Eulenspiegel / den Vierden / all ihr mich geheissen habt / hab ich ein gelassen / vnd nicht mehr / vnd hab ewer wort vollbracht. Da hast gethan als ein schalck / sprach der Apt / vnder sein gern wider ledig gewesen / vnd setzet ein andern Beschließer / denn er vernam wol / das er sein alte Thür nicht lassen wolte / gab ihm ein ander Ampt / vnd sagt / du mußt die Mönch den nachts in die Netzen zelen / vnd wenn du einen ober siehest / so solt du wandern. Eulenspiegel sprach / das ist mir schwer zu thun / doch wenn es

ander


Anders sein mag/muß ich das mache wie es zum
 besten werden mag. Vnd des nachts brache er ei-
 lich staffeln ab von der stiegen/der Prior was ein
 gut fromm alt Mann / vnd allzeit der erst in der
 Metten/Kam stillschweigend zu der stiegen/ vnd
 als er meinet auff die Stiegen treten/trat er hin-
 durch/ vnd fiel ein Bein entzwey / da ruffte er je-
 maelich/das die andern Mönch all zuliessen/vnd
 wolten schon was ihm were/damit fiel einer nach
 dem andern. Da sprach Eulenspiegel zum Apt/
 wideriger Herr/hab ich mein Ampt recht aufzge-
 richt/ vnd gab ihm das Kerbholz / daran er die
 Mönch geschnitten het. Der Apt sprach/ du hast
 gethan als ein Böschwicht/ gehe mir auß meinem
 Kloster/also Kam er gen Mollen in die Stad/da
 ward er mit Franckheit beladen vnd vmbgeben/
 das et karglich darnach starbe.

Die xvij. History.

Wie Eulenspiegel zu Mollen krank
 ward/vnd dem Apoteker
 in die Büchsen
 scheiß.

Lendt vnd fast krank wardt Eulenspie-
 gel als er ghen Mollen ka / zog er zu dem
 Apoteker ein zu Herberg / vmb Arzney
 willen / da was der Apoteker auch geil/
 vnd gab Eulenspiegeln ein scharpffe Purgas/
 da es nu gegen dem morgen ward/wolt die Pur-
 gas wicken/Eulenspiegel stund auff/vñ wolt der
 Purgas

Wunderbarliche Historien/




Purgaz ledig werden/da was das Haus allent
halben beschlossen/in ward not/ sedoch kame er
in die Apotec/schiz in die büchsen/ vnd sprach/
hie kam die artzney auß/da muß sie wider ein/so
verleurer der Apotecer nichts/ ich kan ihm doch
sonst kein gelt geben.Da das der Apotecer tunen
ward/flucht er Eulenspiegeln/vnd wolt in nicht
mehr im Haus haben/vnd liesz in in den Spital
tragen/der hieß zum Heiligen Geist/da saget er
zu den leuten die in dae füreren/ich hab fast dar
nach gestanden/vnd GOTT allzeit gebetten/das
der Heilige Geist sol in mich kommen/ so send er
mir das widerheil das ich in den Heiligen Geist
komme/vnd er bleibet auß mir/vnd ich komm in
ihn. Die Leut aber giengen alle von ihm/wenn
wid

wie eines Menschen Leben ist / also ist auch sein
 ende/das wardt seiner Mutter kund gethan/die
 kam bald zu jm/vnd meinet gelt von ihm zu vber
 kommen/denn sie w3 ein arme alte frau/da wei
 net sie / vnd sprach. Mein lieber Son wo bist du
 Kranck. Sie zwischen der Risten vnd der Wand/
 Ich lieber Son/sprich mir doch ein süß wort zu.
 Eulenspiegel sprach/liebe mutter / Honig ist ein
 süß Kraut. Die mutter sagt/lieber Son/ gib mir
 dein süße lere/das ich dein gdencken mag. Eulen
 spiegel sprach/ Ja liebe Mutter/wenn du deines
 gmachs wilt thun/so ker di arsz von dem wind/
 so gehet dir der gestanck nicht in die Nasz. Die
 Mutter sprach/lieber Son/gibe mir doch etwas
 von deinem gut. Eulenspiegel sprach/liebe Mut
 ter/wer da nicht hat/dem sol man geben / vnd
 wer etwas hat/dem sol man etwas nemen/mein
 gut ist verborgen/das es nitmands weiß/findest
 du etwas das mein ist/das magst du angreifen/
 doch ich gibe dir vö meinen gut alles das Frumb
 vnd schlecht ist. Dieweil / da Eulenspiegel sehr
 Kranck was/das die leut meintē er w3rd sterben/
 vnd sprachen in an/das er Beichtet/vnd
 die **GOTTES** recht nem/das thete
 Eulenspiegel/denn er befand
 wol/das er des Lagers
 nicht auffhem.

Wunderbarliche Historien/

Die xviii. History
Wie Eulenspiegel seine Sünd bereu-
en / da reu er ihn dreierley
Schälckheit / die er
nicht gethan
hatte.



Eulenspiegel solt reu vnd leid haben vber
seine Sünde in seiner Kranckheit / das in
die Gottes recht werden möchten / das er
deste süßer sterben möchte / sagt im ein al-
te Begin / zu der sagt Eulenspiegel / das geschick
nicht / das ich süß sterb / denn der Todt ist bitter
auch warumb solt ich heimlichen Beichten / da
ich in meinem leben gthan hab / das ist viel lan-
den vnnnd leuten wol bekant / wem ich etwas gut
getha

gethan hab/der wol das vber mein ehewen nicht
 schweigen. Mich hat dreierley gerewet/ vnd ist
 mir leyd das ich es nicht gethan habe. Die Begün
 sprach/lieber Gott das lasset euch leyd sein/ ist
 etwas bösz das jr nit gethan habt/vnd lasset euch
 leyd sein ewere sünd. Eulenspiegel sprach / Liebe
 Fraw/mir ist leyd/das ich noch dreierley nit ge
 than habe/vnd kund es auch noch nie vberkom
 men/Die Begün sagt/es seind drey ding/Seind
 sie gut oder bösz? Eulenspiegel sprach es sind drey
 ding/das erst ist/in meinen jungen tagen / wenn
 ich denn sahe / das ein Mann auff der Strassen
 gieng/vnd der rock lang vnter dem Mantel auß
 hteng/dem gieng ich nach/vnd meinert der Rock
 wolt jm empfallen/das ich in denn möcht auffha
 ben/vnd weis ich denn zu jm kam so sah ich/das
 jm der Rock so lang was / da warde ich zornig/
 vnd het jm gern den Rock so weit abgeschnitte
 als lang er vnder dem Mantel herfür gieng/vnd
 das ich das nicht kundt/das ist mir leyd. Zu das
 ander ist/wenn ich sah jemandes sitzen oder gehn/
 der mit ein Messer in den Fenen grublet/das ich
 jm nit mocht das Messer in den Hals schlagen/
 das ist mir auch leyd. Das Dritt ist/das ich nicht
 mocht den alten Weibern / die ob ihren Jaren/
 den arsz zusicken/das ist mir auch leyd/ wenn sie
 sind niemand nütz mehr auff erden/ denn das sie
 das erdrich bescheissen/ da die frucht auffstehet.
 Die Begün sprach/ Ey behüt vns Gott/was sa
 get jr nun.

Ich hör wol/wenn jr starck weret/vnd het
 O iij die

Wunderbarliche Historien/

die macht/ie nehet mit mein loch auch zu / wenn
ich bin ein frau von sechzig jaren. Eulenspiegel
sprach das ist mir leyd das es nit gschehen ist. Da
sprach die Begin so bewar ench der Teuffel/ vnd
gieng von im vnd lies in ligen/ Da sagt Eulen-
spiegel es ist kein Begin so andechtig/ wesi sie zor-
nig wird/ so ist sie böser denn der Teuffel.

Die vley. History.

Wie Eulenspiegel sein Testament macht/
vnd der Pfaff darinn die hend
bescheiß.



Wirdt Geistlich vnd weltlich personen/
das je ewer hend nicht verunreiniget an
Testamenten/ als in Eulenspiegels Te-
stament geschah.

Ein

Ein pfaff ward Eulenspiegeln zubracht/das
 er in beicht solt hören/als nun der pfaff zu im ka-
 me/gedacht der pfaff in im selber/er ist ein abent-
 herlicher Mensch gewesen /darmit hat er viel
 gelts zusamen bracht/das kan nit fehlen/er musz
 ein mercklich sum gelts haben/das soltu nit abzie-
 hen in seinem letzte end/vielleicht würdt dir auch
 etwas darvon. Als nun Eulenspiegel dem Pfaffe
 sen begund zu beichten/ vnd kamen also zu wor-
 ten/vñ vnder andern sprach der pfaff zu im. Eu-
 lenspiegel mein lieber Son /bedenckst ewer Seel
 seligkeit in ewrem end/ir seit ein abentherlicher
 Gesell gewesen/vnd habet viel Sünd getrieben/
 das laßt euch leid sein/vnnd habet ir etwas von
 gelt/ich wolt das wol geben in die Ehr Gottes/
 vnd armen Priestern als ich bin/das wil ich euch
 rathen/wenn es ist wünderlich gewinnen / vnd
 wenn ir denn solchs thun wöllen/so offenbarets/
 vnd gebt mir solliches Gelt / ich will das bestel-
 len/das es sol in die ehr GOTtes kommen. Vnd
 wöllt ir mir auch etwas gebē/so will ich ewer all
 mein lebtage gedencen / vnd nach lesen Vigiltē
 vnd Seelweisen. Eulenspiegel sagt /ja mein lie-
 ber Herr / ich will ewer nicht vergessen /Kompt
 nach Mittag wider / ich will euch selber in die
 Hand geben ein stück goldes/das seid ihr gewisz/
 der Pfaff was fro/vnd kam nach Mittag wider
 gelauffen / vnd dieweil er auß was/da her Eu-
 lenspiegel ein Bannen/die thet er halb voll Men-
 schen Dreck's vnd zetlet ein wenig gelts darauff/
 das das Gelt den Dreck bedecket. Als nun der

Wunderbarliche Historien/

Pfaff wider kam / sprach er / mein lieber Son Lu-
lenspiegel / ich bin nun hie / wöller ihr mir nun et-
was geben / als jr mir denn gelobt habt / das wil
ich jezunt von euch empfangen. Lulenspiegel sagt
ja lieber Herr / wenn jr nur züchtig wolt greiffen /
vnd nicht geizig sein / so wil ich euch lassen greif-
fen einen griff auß / dieser Kannen / darbey solt ihr
mein gedenden.

Der Pfaff sagt / ich wil thun nach ewrem wil-
len / vnd darein greiffen / auff das genawest so ich
Fan. Da thet er die Kasi auff / vnd sagt / greiff hin
ein lieber Herr / die Kann ist voll gelts / vnd le-
ger herauß ein handwoll / vnd greiffst doch nicht
zu tieff.


Der Pfaff sagt ja lieber Lulenspiegel / vnd im
ward so ernst / vnd die Geizigkeit betroge in / das
er greiff mit der Handt in die Kann / vnd meiner
ein gut Handwoll zu ergreiffen / da befand er / dz
es küß / vnd weich was / vnder dem gelt / da nickt
er die hand wider zu ihm / da waren im die finger
von dem Dreck beschissen. Da sprach der pfaff / O
wie ein vortheiliger Schalk bist du / betreugetstu
mich in dem letzten end / da du in deinem ehew-
beth ligst / so döefften die senigen nicht klagen / die
du betrogen hast in deinen jungen tagen. Lulen-
spiegel sprach / lieber Herr / ich warnet euch doch /
Ihr soltend nicht zu tieff greiffen / betreuget euch
nun ewere begierlichkeit / vnd thut vber mein
warnung / das ist fürwar mein schuldt nit.

Der pfaff sprach / du bist ein Schalk / ob allen
Scheleken auß / gelesen / kändtestu dich zu Lübeck
von

von dem Galgen reden/so antwortestú auch mir
wider/ vnd gieng damit hinweg/ vnd liesz Eulen
spiegeln also liegen. Eulenspiegel rieff ihm nach/
das er harren solt / vnd das Geld mit im nemen/
der Pfa. wolte nicht warten oder hören / vnd
gieng also heim zu hausz.

Die c. History.

Wie Eulenspiegel sein gut in drey theil außgabz
ein theil sein freunden / das ander theil
dem Rath zu Möllen / vnd das
Dritt theil dem Pfarr
herr.



Wunderbarliche Historien/


Das nun Eulenspiegel ihe Kräncker war/ da sezt er sein Testament/ vñ gab sein güt in Drey theil. Ein theil sein freunden das ander theil dem Rath zu Nöllen/ vnd das Dritt theil dem Pfarherr dafelbst/ doch mit dem bescheid / wenn GOtt der Herr ober ihn geböt/ vnd von Todts wegen abständ/ so solt man sein Leichnam begraben auff das Geweiht erdreich/ vnd sein Seel begraben mit Vigilien vñ Selmesen / nach Christlicher Ordnung vñnd Gewonheit / vnd nach vier Wochen solten sie einheitlig die schön Kisten/ die er inen mit Köstlichen schlüs sein wol bewaret/ auffschliessen/ vnd freundlich mit einander / auch sich gütlich darüber vertragen. Das namen die drey Partheien also gütlich en an/ vnd Eulenspiegel starb.

Da nun alle ding nach laut des Testaments vollbracht/ vnd die Vier Wochen herumb warn/ kame der Rath/ der Pfarherr / vnd Eulenspiegels Freund/ vnd eröffneten die Kist/ seinen verlassenen Schatz zu theilen / warde darinn nichts anders gefunden/ denn Stein. Je einer sahe den andern an / vñnd wurden zornig/ der Pfarherr vnd der Rath meinet / die die Kisten in verwasung gehabt hetten / sie hetten den Schatz heimlich daraufz genommen / vnd hetten die Kisten wider zu geschlagen / die Freundt meineten / die Pfaffen hetten den schatz heimlich daraufz genommen / vnd hinweg gerragen. Also schieden sie in vnwillen von einander/ vnd wolte der Pfarherr vñnd der Rath Eulenspiegeln wider aufzgraben lassen/

lassen/ als sie begundten zu graben / da was er schon faul/ das niemands bey im bleiben mocht/ da machten sie das Grab wider zu. Also bleibt er ligen in sein grab/ vnd ist ihm zu gdechraufs ein Stein gehawen/ den man noch sihet.

Die cj. History.

Wie Eulenspiegel starb/ vnd die Sew die Baar vmb warffen/ vnder der Vigilien/ das er dahin dirmelt.



Nach dem Eulenspiegel sein Geist hette auffgeben / da kamen die Leut in den Spittal/ beweineten ihn / vnnnd legeren in auff ein Baar/ Da kamen die paffen/ vnd wolten ihm ein Vigilien singen/ huben an/

da

Wunderbarliche Historien/

Da kam des Spittels Saw mit iren jungen Sercklin/liessen vnder die Baar/vnnd begundten sich jucken/das Eulenspiegel von der Baaren darne let/Da kamen die Fraven vnd die Pfaffen/vnd wolten die Saw mit den jungen Sercklin zu der Thür anziagen/die Saw was zornig/vnd wolt sich nit vertreiben lassen sondern lieff mit den jungen Sercklin also zerstrewt in dem Spittal/da sie herumb sprungen / lieffen sie vber die Pfaffen/vber die Beginen/vnd vber die Branken/ vber die starcken/vnd vber die Leich da Eulenspiegel in lag/drausz ein gross gschrey ward/von den alten vnd jungen Beginen/das die Pfaffen lieffen die Vigilien stehn/vnd lieffen zu der Thür aufz/die andern versagten doch zuletzt die saw mit den sercklin hinweg.Da kamen die Beginen/vnd legten den todten wider auff die Baar/vnd kam vnrecht zu ligen/das er den Bauch gegen der erden ferr.Als nu die Pfaffen hinweg giengen/sprachen sie/wolten sie ihn begraben / das möchten sie thun/sie wolten aber nit wider komen / Also namen in die Beginen vnd rrogen in auff den Kirchhof/vnd legeten in zum grabe wie er lag/ Da kamen die pfaffen wider/vnd sprachen/was Rath sie darzu geben wolten/ wie man ihn Begraben solte/ er möchte nicht ligen als die andern Christen Menschen im Grab/ mit dem wurden sie gewar/das der Baum umbgert was/vnd er auff dem Bauch lage/da wurden sie lachen/vnd sprachen/er zeigt sich selber / das er verkert wil ligen/dem mögen wir also thun.

Die cij. History.

Wie Eulenspiegel wolt begraben werden
von den Beginen.



Bey Eulenspiegels Begrebnus gieng es
wunderlichen zu / weñ sie all stunden auff
dem Kirchhof / umb den Todtenbaum /
da Eulenspiegel innen lag / da legeten sie
ihn auff die beyde Seil / vnd wolten ihn inn das
Grab sencken / da brache das Seil entzwey / das
bey den Füßen was / vnd der baum schoß in das
Grab / das Eulenspiegel kam auff die Füß zu ste-
hen in dem Stock. Da sprachen sie all / laßt in ste-
hen / wenn er ist wunderlich gewesen in seinem le-
ben / wunderlich wil er auch sein in seinem todt /
vnd also warffen sie das Grab zu / vnd liessen in
also

Wunderbarliche Historien/

also stehn / vnd setzten ein Stein oben auff das
Grab / vnd hiewen auff das halbe theil ein Eul/
vnd einen Spiegel / den die Eul in Alawen hat/
vnd schrieben oben an steln. Diesen Stein sol nie
mand erhaben / Nie lehnt Eulenspiegel auff
recht begraben. Vnd diese Oberschrifft
sehst zu Mollen auff seinem Grab /
inn ein Stein gehawen. Im
Tausent / Dreyhundert
vnd Fünffzig
sten Jar.

271



Das ist die Historie von dem König
von England der in dem Jahr
des Herrn MDCCLXXV
starb. Er lebte
in dem Jahr
des Herrn MDCCLXXV
und starb in dem
Jahr des Herrn
MDCCLXXV.

EPITAPHIVM.

ERHABEN, EVLENSPIEGEL

DIESEN STEIN SOLL NIEMANDS



LEHNTHIE AVFRECHT BEGRABEN.

ANNO DOMINI M. CCC. L.

ВЪНШНІЙ СЪВѢЩАТЕЛЪ
СВЯТЫЙ СЪВѢЩАТЕЛЪ

СВЯТЫЙ СЪВѢЩАТЕЛЪ



СВЯТЫЙ СЪВѢЩАТЕЛЪ

ВЪНШНІЙ СЪВѢЩАТЕЛЪ

St.B.28.4.38.U



Biblioteka Jagiellońska



stdr0018107

